

BURCARDI GOTTHELFFII,

STRUVII

BIBLIOTHECA

LIBRORVM RARIORVM

CVIVS

THECA PRIMA

CONTINET



I. IO. STIGELII EPISTOLAM
DE INAVGVRATIONE ACA-
DEMIAE IENENSIS.

II. M. ANT. DOMINICVM DE
TREVGA ET PACE.

III. IO. STRAVCHII DISSERTA-
TIONEM DE HOSTENDI-
TIO.

IV. PAVLI MARTINI SAGIT-
TARII DISSERT. DE LOCIS

SEPVLCRALIBVS SER. FAM.
WITTIKINDEAE.


V. M. ANT. DE DOMINIS CAVS-
SAS PROFECTIONIS SVAE
EX ITALIA.


VI. ACTA EXVSTIONIS ANTI-
CHRISTIANORVM DECRE-
TALIVM.

VII. DESIDERII LIGNAMINEI
FACIEM SEPVLCRI M. T. CI-
CERONIS.

I E N A E

SVMPTIBVS IO. FEL. BIELCKII





LECTORI BENEVOLO

S. D.

BVRCARD GOTTHELF STRUVE.



Agnus liber, magnum malum! Querela hæc est virorum doctorum, Studiosorum, ac Bibliopolarum. Isti equidem libros magnos mole sua potius laborare sæpius iudicant quam industria ac iudicio. Studiosi, eo quod breuitatem amant, magnorum librorum, curam vix habent. Bibliopolæ vero vel sumptibus pares non sunt, vel magnorum librorum emptores reperiunt non adeo frequentes. Neque tamen communis hæc querela me deterruit, quo minus & istæ me subiicerem edendo, vel Opus Freherianum, vel Syntagma Historiæ Germanicæ,

quod cuidam magnum malum visum fuit, *Diarium Eruditorum*, quod apud Belgas imprimitur, peruerse intelligenti. Ne autem similis nunc oriatur querela, paruum nunc malum offero, libellum mole quidem exiguum, sed prout mihi videtur, haut inutilem. Latent enim saepe in scriniis eruditorum libri rariores, quos in tabernis librariis frustra quaesueris eruditis tamen plurimum adpetitos. Insignem igitur isti operam nauarunt, qui rariorum librorum notitiam nobis praeberunt, vel eiusmodi etiam colligere coeperunt. Inter istos referendus est *IACOBVS FRIDERICVS REIMMANNVS*, Hildesienſium Praeſul venerandus, qui Tomo decimo *Obſervationum Halenſium*, binas etiam de libris raris inſeruit. Tales in animaduerſionibus ſuis philologicis & hiftoricis ſubinde indicauit *THOMAS CRENIVS*. Secutus hoſce fuit *IO. CHRISTOPHORVS WENDLERVS* Philoſophorum Ordini in hac Academia Adſcriptus digniſſimus, qui ſingulari diſſertatione, paucos ante annos ventilata, varias raritatis librorum impreſſorum cauſas examinauit, idemque exemplis illuſtrauit egregie. Vt taceamus *MORHOFII Polyhiſtorem*, *MARVILLII Miſcellanea*, *Diaria Eruditorum* atque inter haec *TENTZELII Colloquia Menſtrua*, quibus libros rariores, eoſdemque egregios, videmus indicatos.

Ipli

Ipsi quoque in *Bibliotheca* nostra *Antiqua* diuerlorum rariorum librorum recensionem suscepimus. Nec defuerunt, qui libros rariores colligere coeperunt. IO. CINELLVS equidem in *Bibliotheca* volente id egit, sed recentiora, saltem curiosa & fugitiua consarcinans. Magis industriam suam adhuc probavit HIERONYMVS AVGVSTINVS GROSCHVFFIVS, edendo nouam librorum rariorum Conlectionem, qui vel integri inseruntur, vel accurate recensentur. Præmisit etiam eruditam præfationem, qua de libris rarioribus edisserit. Tres ipsi debemus Fasciculos, quibus varia opuscula inseruit haut parum vtilia, quo minus pergeret, morte fuit præuentus. Adiecit tamen quantum atque quintum Fasciculum qui infelici fato suo notus est GOTHOFREDVS TILGNERVS. Novam Variorum Scriptorum tam editorum, quam ineditorum, rariorum etiam, & recens elaboratorum Conlectionem, eiusdemque Fasciculos duos Halenses a. 1716 procurarunt, quæ Philologica atque historica varia comprehendunt, eademque integra, dum dicta Collectio Groschuffiana sæpe Excerpta saltem contineat, licet frequentiores in eadem reperiamus notas subinde subiectas. Idem est, quod nobis nunc proposuimus, libellos rariores atque Dissertationes in publicum euulgare,

nulla habita materiarum ratione. Prima, quam exhibemus Pars libellos continet septem de quibus breuiter quædam præfari duximus

I. IO. STIGELII

EPISTOLA DE INAUGVRATIONE ACADEMIAE IENENSIS.

Primus in hac Academia Philosophiæ, Eloquentiæ potissimum atque Poëscos Professor Stigelius, vt muneri suo satisfaceret, in solenni ista panegyri, præsentibus Serenissimis Saxoniae Ducibus, Principibus, Comitibus, Nobilibus, & Studiosis, cum recitarentur publice Priuilegia, & Statuta Academiae Ienensis die 11. Februarii 1558. orationem habuit de Causis, quare constituentur Academiae, cuius etiam in Annalibus suis ad a. 1558. Müllerus fecit mentionem. Hanc postea typis mandari fecit, atque eam, quam exhibemus, adiecit epistolam. Iterata vice ista fuit excusa, adiectaque Panegyri Actus Doctorei Iurisconsultorum a Nicolao Reuñero celebrati, *Ienæ 1590. 4.*

II. M. ANTONII DOMINICI

DE TREVGA ET PACE.

Doctissimus hic Gallorum Ictus antiquitatis inuestigator egregius, varia publicauit opuscula, atque

atque inter hæc, Tractatum de prærogativa al-
diorum, cuius iteratam editionem Schiltero debe-
mus. Non minoris industriæ est hic libellus, brevis
iste quidem, ast egregius ex quo Io. Philippus Dat-
tius facile poterit illustrari, qui libro primo volumi-
nis sui noui Rerum Germanicarum hanc mate-
riam solide pertractat.

III. IO. STRAUCHII

DISSERTATIO DE HOSTENDITIIS.

Litteratus magis quam felix Iureconsultus
Strauchius, cuius singula eruditionem spirant atque
iudicium. Sepulta fere iacuerunt ipsius diuersa
scripta, vsque dum nostro potissimum seculo ab
Hambergero, aliisque quasi resuscitarentur. Vix
amplius conspicitur, hæc de Hostenditiis, siue ser-
vitiis militaribus dissertatio, quæ præsentis est vsus,
quam ex genuinis antiquitatum, iuris etiam, potis-
simum feudalis principii illustrauit.

IV. PAULI MARTINI SAGITTARII

DISSERTATIO DE LOCIS SEPVLERALIBVS SER. FAMILIAE WITTIKINDEAE.

Insignis Altenburgensis Lycei Rector erat Sa-
gittarius, cuius elogium nobis exhibet Fridericus

) (

Gott-

Gotthelf Gotterus inter elogia clarorum virorum, qui Altenburgum illustrarunt, qui etiam alia ingenii ipsius monumenta insimul indicavit, inter quæ non minimum hoc est, quo loca sepulcralia diversorum Saxoniae Ducum multa industria illustravit.

V. MARCI ANTONII DE DOMINIS
CAUSAE PROFECTIONIS SVAE EX ITALIA.

Ex Historia vitæ Archiepiscopi huius Spalatinii satis constat, qua ratione iste conuersationis cum sexu sequiori aliorumque criminum inculpatus, Romæque male habitus ad Protestantem Londinum abierit. Rationes igitur quæ ipsum permouerint, publico scripto Veneris die xx. Septembris 1616. proposuit. Zelum equidem pro antiqua fide Catholica præ se fert, licet non ex animi sententia, id quod euentus satis docuit, dum ad Romanorum castra iterum transierit.

VI. ACTA EXVSTIONIS ANTICHRISTIANORVM
DECRETALIVM.

Notissimum est Lutheri factum, quo varia Papæ scripta combussit, de quo ipse narrat in litteris

ris ad Spalatinum ep. CCII. scribens : *Anno M. D. XX. decima Decembris, hora nona, exusti sunt Wittenberge ad orientalem portam iuxta sanctam crucem, omnes libri Papa, Decretum, Decretales, Sextus, Extravagantes, & Bulla nouissima Leonis X. Item Summa Angelica, Chrysoprasus Eckii, & alia eiusdem auctoris, Emseri, & quaedam alia, quae adiecta per alios sunt, ut videant incendiarii Papista, non esse magnarum virium libros exurere, quos confutare non possunt. Idem confirmat SLEIDANVS Commentariorum libro secundo.* Nullibi vero integrum Processum in hac causa videmus descriptum, quam in paginis hisce, quæ etiã qualis post combustionem Studioforum Wittenbergensium fuerit petulantia describunt.

VII. DESIDERII LIGNAMINEI

SEPVLCRI FACIES. M. T. CICERONIS.

Celebris apud Siculos non solum, sed Venetos etiam olim fuit Lignamineorum familia, e quibus hic Desiderius Patauinus erat, in Monasterio DD. Ioannis & Pauli apud Venetos, primum vivens, inde Patauium in Monasterium D. Augustini delatus. Hic primum de sepulcro Ciceronis in

insula Zacyntho reperto, singulari epistola ad Io. Bapt. Priuitellium scripta, a. 1647. commentatus qua figuram reperti monumenti insimul exhibet. Huius epistolæ etiam Cl. Fabricius Bibliotheca latina lib. I. c. VIII. p. 91. facit mentionem. Excepit eandem alia epistola ad Hieronymum Mercatellum scripta, qua dicti monumenti explicationem adgreditur. Vtrasque hic exhibemus. Mirum tamen, sedulum alias monumentorum veterum scrutatorem Iacobum Sponium dum in Itinerario suo Orientali Zazynthum insulam *Tomo I. p. 108.* describit, nullam huius monumenti facere mentionem.

Quod si hæc quæ nunc exhibemus, haut displicuerint, reliqua etiam Bibliothecæ nostræ opuscula, haut vbiuis obuia, publico haud denegabimus.

IOANNIS STIGELII
EPISTOLA

CONTINENS
DESCRIPTIONEM POMPAE, ET. SPECTACVLORVM,
QVAE CELEBRATA SVNT IN PROMVLGATIONE PRIVILEGIORVM
ACADEMIAE IENENSIS,

SCRIPTA
AD
IOANNEM MARIVM SCAEVOLAM.

IENAE MDLVIII. 4.



AEpe mihi in mentem venit eius temporis,
doctissime Mari, quo in comitiis illis
maximis, quæ præfente Imperatore Carolo
Quinto, Ratisbonæ celebrabantur, in ami-
citiâ tuam aliorumque exteroruni ho-
minum eruditione præstantium, receptus
sum, soleoque mecum commentari tum
alia ingenii tui sagacissimi, tum hoc dictum in primis mihi hoc
tempore frequens ob oculos atque animum, quod dicebas, videri
tibi in istis Regum atque Principum dissidiis veram amicitiam
e rebus publicis pulsam, prope eadem ratione confugisse ad eru-
ditorum umbratilem & quietam conuersationem, qua olim ab
imperiiis fugientem Poetæ canunt ad rusticos homines, atque
simplicioris vitæ cultores, in agris diuertisse iustitiam. Erant
tum ea tempora, quibus hæc similitudo congruebat, tametsi non
sine gemitu ac crebris suspiriis eruditorum, qui periclitari pacem
dolebant,

A

dolebant, & quantum ex præfenti rerum statu metientes, bella intestina Germaniæ, quæ non multo post subsecuta sunt, metuebant. Verum, mi Sæuola, hæc cogitanti mihi, ac memoria repetenti, hoc tempore accedit, ut te animo meo desiderem sæpe, & non sine magno dolore coniectura providere cupiam, quid tandem, si Deus nos hoc tempore, in colloquium coniungat, reliquum nobis sit, quod de eruditorum amicicia commentari possimus. Quis enim vel leuiter tinctus liceris, non intelligit, ac dolet etiam, Spiritus istius mendacis & homicidæ insidiosum conatum, & astutiam formidabilem, qui omnes vires suas intendit in id, ut distractis eruditorum animis atque voluntatibus non modo tenebras offundat luci doctrinæ de Deo, & voluntate eius, erga homines, sed etiam peruicacia contentionum, artium omnium bonarum & vtilium contemptum, atque interitum importet. Quæ de re, si liceret mihi in prolixo dolore contestari meum, ut periculi magnitudo postulat, non deesset mihi oratio, quæ & satisfaceret piorum iudicio, & nequaquam metueret malevolorum insaniam. Sed hic, quid aliud fieri oportet, quam quod in magna iactatione tempestatis marinæ, faceret quisque bonus, nimirum ut ad Deum in ipso periculo precibus confugientes, mitigationem calamitatum petamus, & a posteritate, si quam Ecclesiæ dabit Deus, rectiora iudicia, cum detestatione calumniæ, expectemus. Cum autem in eo viuam Gymnasio quod singulari Dei providentia, aduersissimis Ecclesiæ Dei temporibus, ante decennium est constitutum, nuperque auctum immunitatibus ac beneficiis imperatorum, doctissimisque professoribus insignitum, qui amantes concordie verum decus artibus, veram gloriam Deo, quantum per ipsos fieri potest, asserere student, nequaquam me poenitet, vel tenuiter didicisse literas, & in eorum numero haberi, qui literas amant, dum frui mihi licet horum commercio, quibus ob morum candorem non cupiunt inuidere boni, ob animi rectitudinem non possunt nocere mali. Cordi vero mihi est hoc loco lubentius viuere quam alibi, tum quod assueverim

his

his locis, ab initio huius Academiæ operis scholasticis adhibitis, tum quod amorem patriæ, quæ mihi in Thuringis est, ex quo aliquid iudicare potui, semper prætulerim vel alibi prolixè blandienti fortunæ. Sed & optimorum Principum pietas ita me semper tenuit, ut nullius loci dignitas aut fortuna mihi potior esse potuerit. Delectat etiam me loci amenitas, montium iugis, & conuallium recessibus, & fluiui mediam hanc vallem diuidentis, pulchritudine, mirifice artidens liberioribus animis, naturæque ornatum, in tot spectaculis rerum admirantibus. Nam ut taceam hortorum prætorumque illecebras & blandimenta, quibus affantur Musæ & Charites inuitari dixeris, quanta se vinearum de montium iugis, de rupium flexibus, de collium apricis tractibus & sinibus pulcherrimò naturæ theatro pendentium, amantitas, non nisi Musæ ipse satis pro dignitate; sermone explicarint. Mihi profecto perreptanti hæc loca, ipsarumque vitium satus, culturam, atque incrementa, consideranti, persæpe iucundissima illa imago ob oculos versatur, qua se viti similem pingit, ac generi humano proponit filius Dei, ut agnoscamus ei nos esse implantatos surculos ac palmites, fouerique patris cœlestis prouidentia, & cûra, gerentis mundus operosi agricolæ, & huc intenti maxime, ut fructus in hac vinea, quæ Ecclesia est, ad colligendam filio sempiternam hereditatem, seramus. His igitur spectaculis, dum licet, sæpe fruor, semoto animo ab iis quæ perperam geruntur vulgo, simulque memoria repeto, superiorum temporum candorem, ac mitigationem doloris tum in consideratione prouidentia Dei, tum in recordatione piorum amicorum quaro. Hæc res causa est, quare & tui, quem scio veritatis in omni doctrina amantem esse, sæpe soleari recordari, & hoc ipso tempore ad te peculiariter scribere in animum induxerim. Nam cum ante paucos dies magno adparatu publice ad populum recitarentur Privilegia (Ita enim appellari consuetudo obtinet) huius Academiæ, commode sese occasio tulit, ut & aliud *in præteritum* tuum recordarer non iam cum dolore, sed cum lætitia,

& animi gratulatione singulari. Erat hoc quarto Nonas Februarii, cum in amplissimo confessu Principum, Comitum, Nobilium, Eruditissimorumque virorum, audiremus eloquentia singulari publice promulgationi exordium facientem, Illustrissimum Principem Ioannem Fridericum Secundum, eius Electoris Saxonie filium, cuius in asserenda veritate verbi diuini, constantia incomparabilis, orbem terrarum admiratione impleuit. Subiecit enim mihi hoc ipsum spectaculum Herois virtute, pietate, eruditione & eloquentia praestantis, cui memoriam, qua grauissima sententia tua non oblitus, memineram, te, cum ad Danubii ripam, id quod saepe facere solebamus, animi causa, & colloqui gratia, deambularemus, affirmanter pronunciare, omnium in Europa Principum, (de exteris enim ac barbaris, maximeque iis qui Christianum dogma non agnoscerent, erat inter nos disceptatio, an praeter Tyranni adpellationem, aliud nomen illis deberetur) praestantissimos esse Germanos, eos nimirum, qui literas & has nostras togatas artes didicissent. Nam a natura illis inesse generosam & vere Heroicam indolem, vimque ad omnem habitum virtutis ex sese praestantem, ita lubens concedebas, ut non negares propagata esse a Germanis quasi semina Heroicarum virtutum, in multis Hispanicis & Italicis Principum familiis, cum ductis quasi coloniis, in istis locis Theutones olim confederint: sed hoc & animi robur, & ingenii acumen, literis non imbutum, superari contendebas ab istis, qui sese iam inde a pueritia optatus disciplinis, studiisque eruditionis dedidissent, cum eruditione vero coniunctum, merito antecellere aliorum omnium dignitati & laudibus. Declarabas rem exemplo Friderici istius, Ducis Saxonie, Electoria dignitate laudatissimi, qui magno consensu omnium bonorum virorum, sapientis nomen obtinuit, Eum aiebas adulescentulo tibi visum, cum Imperatore Maximiliano, & postea propius cognitum in certamine de Electione Imp. Caroli: affirmabas eius solius auctoritate Imperii vires iam prope laxatas, conseruatas esse: eius singulari, & vulgi iudicio minime conspicua fa-

sapientia; ad summum imperium orbis terrarum euectum esse Carolum: quam in illo fuisse negabas, sine cognitione literarum, & earum artium, quæ eruditionis possessionem tribuunt. Fuit ille re vera vir summus, ac artes ingenuas, quarum causa Academiam ad Albim constituit, prædare intellexit; eloquentia & eruditione nequaquam vulgari præditus, cuius gloria non abolebitur, donec hoc pulcherrimum theatrum circumfusi aeris & cœli, de terris aspiciant homines, sed si hoc quem dixi, die, fuisses mecum Scauola, exemplum eruditi & eloquentis Principis Germani vidisses lætabundus, & ego quidem, ut tum solebam, de Cæsare, prouocatione mea Siculam istam Musæ tuæ, venustatem & suauitatem, in huius Principis laudem excitassem. Placuit itaque mihi, ad te perscribere ipsius conuentus historiam, non eo genere dicendi, quod ad rerum scribendarum dignitatem recte adhibetur, sed sicut solemus in Epistolis nuda & simplici oratione, ut vel hoc modo tecum colloqui viderer, tibi quæ subiicerem materiam historicis tuis libris minime indignam. Neque enim feceris imprudenter, aut etiam immerito, si honorificam mentionem domus Saxonice monumentis tuis ad posteros consecraveris, quod ea & necessitudine quadam attingat Cæsareæ maiestatis sublimitatem, & tum imperio Romano, tum Illustrissimæ domui Austriæ multa præclara beneficia præstiterit.

Iam communis fama atque sermo diuulgauerat Academiam ab Inclyto & sapientissimo Cæsare Ferdinando, de assensu fratris inuictissimi Rom. Imperatoris Caroli, immunitatibus atque beneficiis liberalissimis esse donatam confirmatamque. tenebat rei nouitate animos hominum suspensos, cupiditas cognoscendi, tum Imperatorum voluntatem, tum ingenii ac studii literarum, propositam utilitatem. Erat in expectatione aduentus optimi Principis Ioannis Friderici Ducis Saxonie; qui se inter futuram promulgationi publicæ per literas significauerat. Magno concursu non ex finitimis modo regionibus, sed etiam ex compluribus exteris ciuitatibus populus confluxerat. Igitur Calendis Februarii

bruarii post meridiem, omnem cœtum qui hoc loco iurisdictionem scholasticam agnoscit, in procinctu esse; aduentumque expectare Principis iubet, Academiae Rector, Ioannes Schrotterus Medicinæ Doctor, cognitione & vsu artis istius, celeberrimus, quo legatus ad Regem Germaniæ, pro impetrandis Priuilegiis Princeps feliciter vsus fuerat. Is in apertiore campo ad excipiendum principem, idoneum arbitratus locum, educturus erat agmen scholasticum, sed quæ Principis est mansuetudo & lenitas, Vltcrius quam ad id spaciū, quod intra suburbium & oppidum portæ, & fossis proximum est, procedere non permittens, ibi designari colloquio locum iubet. Nec multo post obuiam misit a senatu arymatorum ciuium aliquot cohortibus, in via publica exceptus, cum insigni & copioso equitatu ipse adueniens, ut professorum agmen & cœtum scholasticum conspicit, incitato equo extra ordines appropinquat, singulos ex professoribus benigne salutat, & comiter adpellat. Ibi Rector, ut erat constitutum, nomine cæterorum, cum gestu & vultu decente, & oratione accomodata, excipit principem. Quamquam, inquit, Princeps Illustrissime, labefactatio religionis & imperiorum, quæ & crebra est hoc tempore, & impendere videtur horribilior manifesto argumento est, non procul abesse extremum mundi diem, ut verendum sit hoc nostro tempore, longe atrociores vastationes præ foribus esse, quam fuerunt vnquam: Sicut & Filius Dei prædicit, fore ut gens insurgat contra gentem, & regnum aduersus regnum, talisque accadat afflictio, qualis non fuerit ab initio mundi, Tamen in hac consolatione acquiescendum est piis omnibus, quod idem Filius Dei Redemptor & Saluator noster Iesus Christus, etiam in confusione rerum omnium maxima, conseruaturus sit cœtum aliquem, qui re vera & esse & dici possit Ecclesia, in qua pura doctrina Euangelii explicetur, sicut idem affirmat, cum inquit, Ero vobiscum vsque ad consummationem seculi. Cum itaque verissimum sit, Ecclesiam Christi mansuram esse, etiam inter extrema pericula, necesse est etiam Gynasialia & scholas constitui, in quibus litteræ & bonæ artes

tra-

tradantur, & exerceatur linguarum cognitio, cum linguae & artes instrumenta sint docendi & explicandi, quibus illustratur & propagatur gloria Dei inter homines. Requiritur autem scholæ & Gymnasiæ, hospitium, tranquillitatem, & defensionem, Ideo Deus omnibus ætatibus singulari, providentia excitavit, & nunc quoque excitat, pios Magistratus, quorum præsidio & clientela conferuntur literæ atque artes, ad propagationem verbi diuini necessariae. Nec obscurum est eodem consilio maiores tuos, Patrem, teque ipsum, ac fratres tuos, qui ex hac parte illustrissimæ domus Saxonicæ hæc exereis mundi temporibus velut salutaria sydera eluxistis, diuinitus excitatos atque accensos, certa hospitium sincera & pura doctrina de Deo, & cognitioni liberalium artium, magna liberalitate constituisse, fouisse sumptibus & præsidio, ex quo factum est, ut in regionibus uestro imperio subiectis, decus veræ religionis, licet sæpe varie oppugnatum, multis annis conseruatum, ac propagatum sit. Quanquam enim eo tempore, quod singulari quodam fato Germaniæ ante decennium, ob communia hominum delicta, eam speciem publica, moestitiæ præseferbat, ut a plerisque desperata pace consilia varie inflexa inirentur, res eo spectare est visa, ut viderentur omnia vna cum doctrina verbi diuini, in extremo discrimine versari. Tamen mirabili mitigatione impendentium poenarum & calamitatum, in medijs æumnis aduersus diabolum & hostes Christiani sanguinis, non modo puritas doctrinæ Evangelicæ confessione & constantia summi Principis patris tui, diuinitus conseruata ac propagata est in orbem terrarum, verum etiam in tantis periculis diuino auspicio hæc Academia futurum domicilium docendæ veritatis, futura testis ad posterum raræ & admirandæ constantiæ, futura denique plantarium bonarum artium, felici incremento constituta est. Quod cum ita sit, Deo omnipotenti patri æterno Domini nostri Iesu Christi, qui est conditor & conseruator rerum omnium, & Ecclesiæ suæ, vna cum dilecto filio ipsius Iesu Christo, & Spiritu sancto, toto peccatore gratias agimus, pro hoc ingenti & inestimabili beneficio,

&c

& vera inuocatione oramus, vt eius diuina maiestas & omnipotentia hanc Academiam vna cum Ecclesiis harum regionum benigne conseruet, omnemque discordiam & distractionem voluntarium & animorum procul hinc arcere dignetur. Cum autem Illustrissime Princeps & tua celsitudo, & generosissimus Princeps Dux Guilielmus frater tuus, vestigia summi viri, parentis vestri, maiorumque vestrorum magna cum laude secuti ea, quæ in commodum huius Academiæ pulcherrime cepta fuerunt, præclare absoluerunt; & ad propositam sapientissimi consilii metam, deducere studeatis, non deterriti magnitudine sumptuum, molestiæ & laborum, quæ vobis hoc nomine satis copiose accidunt, agimus & habemus sincero animo gratias maximas, primum Deo æterno & omnipotenti, qui animos vestros ita flectit atque gubernat, vt exemplo maiorum vestrorum a vera confessione sacrosancti & iustifici verbi diuini non discedatis, sed nutriticii Ecclesiæ verò encomio maneat. Deinde vobis quoque gratias pari studio agimus, quod hoc summo loco atque ordine nequaquam vos pudeat, Ecclesiæ & scholarum patronos appellari. Lætatur vero toto pectore optato aduentu celsitudinis vestræ, Deumque oramus, vt hic vester ingressus in hoc oppidum, Ecclesiæ Christi & Reipublicæ, ad decus, & salutem, foeliciter eueniat. Ad hæc quod restat memores officii nostri vestræ celsitudini nos, & hunc coetum in benignam clientelam & defensionem commendamus. Ad hæc Princeps, quod pro tempore satis arbitrabatur, respondit humaniter, & detecto capite, vultuque ad comitatem liberaliter composito, in hunc modum est locutus. Rem quidem se ita habere, nec aliter, esseque omnino in honorem Dei solius ab initio constitutum hoc Gymnasium, vt inde bonarum artium opera atque auxilio, tum vera Dei agnitio, tum honestatis & virtutis studia propagentur ad posteros. Ideo se & lætari foelici successu, & gratulari Ecclesiæ, si quid commodi & boni inde vel percepisset, vel in posterum perceptura esset, nec defuturum se liberalitate & fauore, tum vtilitati publicæ tum priuato singulorum labori & studio,

dio, & hoc ipso tempore se aduenisse vt animi sui ac propensæ vo-
 luntatis inductionem publice declararet. Hac voce gratulandi
 animis viritim accepta, datur signum, tubarum circum clau-
 gentium sonitu: versus oppidum pompa procedit: iubente Prin-
 cipe, quæ est eius singularis modestia, agmen literarii ordinis,
 præcedente Rectore & Professoribus, præmittitur. Cuius cum
 hæc esset ratio, vt tres coniuncti seriatim incederent, & non modo
 magna copia hospitum, tum eorum qui de suggesto in vicinis re-
 gionibus docent Ecclesiam, tum eorum qui ex Academiis aliis,
 nouarum rerum cupidi aduolitauerant, se nostris officii causa ad-
 iunxissent, accidebat, vt omne id spacium, quod a foro ad portam
 vsque per satis longum vicum porrigitur, compleretur proluxa
 serie ordinis scholastici. Erat hoc festiuium & periucundum spe-
 ctaculum, cernere in numerum stantes tot senes, eruditione, pie-
 tate, sapientia, præstantes, & spectare ingredientem Principem
 cum suo comitatu per medium quasi chorum eruditorum homi-
 num, vultus ac gestus significatione reuerentiam maiestati ab ipsa
 porta vsque ad diuersorium, continuo ordine exhibentium.
 Ingrediebantur primo agmine magna pars equitatus, more Ger-
 mano, Comites, & proceres, & equestris ordinis homines, ætate
 & meritis præstantiores, quos subsecuti, ante Principem equis
 ibant, qui velut classicum intonantes grandiora pulsant Tympana,
 quibus ab ahenis, quod obductum membrana, sonum concipit,
 inditum est nomen: Deinde tubicines, qui buccinarum & tuba-
 rum sono, iucundum tonitru numerosi clangoris seriatim expri-
 mantes, omnia tremuli carminis lætifico murmure replebant.
 In medio agmine Princeps ipse generoso inuectus equo, ad latera
 ducebat, fratrem Guilielmum, Ducem Saxoniz, Principem ætate
 florentem, animique fortitudine ac corporis robore præstantem,
 & Ernestum, Principem Hennebergensem, prouectioris ætatis,
 filium Guilielmi Hennebergensis, qui pietatis & sapientiæ laude
 celebris est. Hoc loco in laudem huius familiz, non omitten-
 dum censeo, eius originem & Romanam, & peruectam esse,

Traditur enim circiter annum Christi 455. occupata Roma a Vandalis, quod extremis Valentiniani temporibus contigisse produnt historiae, quandam Romanæ stirpis procerem, cui Gentis nomen de columna fuerit, tutiores sedes quærentem, in his montium iugis, vbi nunc ditio est Hennebergenium, confedissee, locoque ab augurio ex volatu auium capto, nomen dedisse, eius rei argumentum esse, insigne Gentis, gallinam in montis cacumine constitutam. Quid si verisimile videatur, hanc Gentem, cum nobilitate Theodorici Bernensis, Regis Gotthorum, in hæc loca propagatam esse, quem circa eadem tempora, aut paulo superiora, Regi Thuringorum, neptem ex sorore in matrimonium dedisse, scribitur. Quidquid huius est, hanc memoriam Annalium, huic familiæ indecoram esse non arbitror, cum præcæ virtutis, & grauitatis laude, non cedat vlli prosapia. Tertius Frater Ioannes Fridericus non erat in hoc coetu, sed suo stipatus equitatu, aliquot horis præuenerat. Ibant vtrinque satellites & cursores pedestres, tum ii, quibus armatæ custodiæ sunt commissæ, tum ii, quibus data est cura obseruandi Principem. Proxime incedebat flos nobilitatis, & Tyronum ordo, qui stipendiâ merent apud principem. Nouissimum agmen claudebat equitatus reliquus ministrorum, longo agmine, armorum splendore, & equorum fremitu adplausum populi auferens. Hos omnes subsequiebantur pedestres copiæ militari habitu, scloppisque ac lanceis instructorum ciuium, ad incessum Ducis & signiferi explicatum gerentis vexillum, decenti motu ingredientium. Hii Principe hospitium ingresso, instructa in foro acie, factisque militaribus cursitationibus simulæthrum pugnae exhibebant, armorum sonitu, sclopporumque ictibus, & sublato clamore, lætitiâ publicam contestati. Ad hæc spectacula accedebat etiam hoc, quod e Tyronibus equestris ordinis, vt quisque equitandi peritiæ maxime confidebat, ita statim in ea area cataphractus se ostentabat, quæ arena sparsa, in proximam diem, haltis concurrentium certamina erat exceptura. Dum hæc geruntur, prope iam ad vespertinam subducente se die, excubiat

pro-

prodeunt. quisque hospiciū suū repetens, magna tranquillitate, epulis se ac quieti dedit. Postero die, sub aurorā, cum de templo, campanā pulsū, daretur signum, Rector, professores, ceterique doctores & magistri, omnisque cætus scholasticus, ex Salana (ea est ædium Academiæ appellatio) ternis pariter incedentibus, egressi, longo agmine ad ædes in quas diuerterat Princeps, procedunt, ibique Principem debita reuerentia præstolantur. Eo procedente, cum fratribus duobus, & Hennebergenſi, omnique comitatu aulico, procedit pompa Scolastica, qua via ad templum ducit, quod e regione fori, angusta forma conspicuum, tectis arduum, ac turri sublimi insigne, quadrato lapide constructum, speciem habet contemplatione dignam. Ad valvas templi cum esset ventum, pompa subsistit longa serie de via cedens, ac locum ingrediendi, Principi relinquens. qui nutu comiter salutatis Professoribus, prætonante Tympanorum; & tubarum sono, in templum ingreditur, subsequente comitatu Aulico, ordine Scolastico, longoque ac denso agmine promiscuæ multitudinis. Quæ templi locus est interior, versus Solis ortum, & eminentior, Tæpeticus suspensis, & compositis puluinis, adornatum erat magnifice theatrum, vnde audiri vox atque sermo in reliquis partibus templi commodius poterat. Hic cum Principes, ac cæteri ordines, suo quisque loco consedisſent, & organi musici sono facendis precibus signum esset datum, prohemio canticī, quo spiritus sancti auxilium imploratur: Surgens, Dux Ioannes Fridericus Secundus, composito ad lenitatem ac gravitatem vultu, oratione latina, alloquitur ordinem scholasticum, quæ etsi data opera, prolixitatem non habebat, erat tamen ita concepta verborum delectu, temperata affectibus, concinna periodis, condita suauitate sententiarum, plena gravitate rerum, vt eius gratiam ne quidem extrema, quod aiunt, linea attingere nostra possit infantia. Erat tamen hæc fere rei summa. Quoniam exemplum maiorum suorum, patris maxime, secutus, iam inde ab initio suæ gubernationis vna cum fratribus in id operam dedisset, vt veram de Deo doctrinam

nam & recta studia bonarum artium, conseruaret ac propagaret, eoque nomine & Academiam Ienensem auxisset professoribus & Saliariis, & hoc tempore cum fratribus coram adesset, vt accepta ab Inclyto Cæsare Ferdinando, Rege Rom. Priuilegia, publice donaret ac traderet Academiz: precari sese, vt id omne, foeliciter Ecclesiz & Reipubl. eueniat, hortarique tum professores, tum senatum oppidanum, vt studio concordiz, acceptum decus custodiant, vt habeat hoc quoque in loco hospitium filius Dei, ex quo vox eius, studio annunciantium pacem, audiri, iucundeque sonare ad posteros possit. De hac principis oratione diligenter percontatus, reperi eam literis non fuisse consignatam, sed ad occasionem ex tempore ita conceptam, id quod eruditorum adplausum & venerationem erga Principem, mirifice auxit. Hic sermo cum magno silentio exceptus, vim sensus sui, Periclaio more, in audientium animis reliquisset, prodit ex iis vnus, qui principi sunt a consiliis, legum ac iuris Doctor, & ex diplomate Regio, longo sermone ipsa Priuilegia recitat, quæ & propensissimam voluntatem Imperatorum erga Duces Saxoniz Fratres, & eas omnes immunitates, dignitatesque complectuntur, quæ in Italia, Gallia, Germania, Imperatorum autoritate olim constitutis ac confirmatis Academicis, liberalissime sunt concessa. His recitatis, clariss. vir, Christianus Bruck, Iuris vtriusque Doctor & apud Principem Cancellarius, vt habebat in mandatis, animum principis declarandi causa, orationem habuit lingua vernacula amplam & splendidam, rerumque pondere grauem & magnificam. Est enim vir ille non modo ad singularem dicendi facultatem, verum etiam ad omnia summa natus, ingenio amplo, animo magno, & ad grauitatem, dignitatemque composito, non modo literis illis nostris, sed etiam virtute atque prudentia ornato atque exculto. Eum cum præfatione honoris, vultusque ac corporis habitu decenti, in hunc modum locutum esse recordamur. Ex sermone illustrissimi Principis percepisse, ac liquido cognouisse omnes, quo consilio & animi inductione singulari, amoreque erga Deum ardenti, laudatissimi heroes, Duces

Duces Saxoniz, impériique Electores, horum Principum maiores, ac ipse horum etiam pater, quem honoris causa nominet, veram & immutabilem doctrinam, salutaris & saluifici verbi diuini, diuino aspirante fauore & auxilio, non modo in suis regionibus, & ditionibus, verum etiam in diuersis orbis terrarum partibus, vna cum studiis honestissimis literarum bonarum atque artium, virtutis & honestatis, ope atque auxilio iuuerint, transplantare ac propagare studeant, non sine periclitatione fortunarum & dignitatis. Non enim obscurum esse Illustrissimum ac laudatissimum Principem Ioannem Fridericum, horum Principum patrem, optime meritum, ita propter communia hominum delicta, & publicam erga tot celestia beneficia ingratitudinem, permittente Deo, ob Christianæ fidei aduersus pontificium furorem, assertionem, in extremum discrimen periculumque corporis & vitæ, fortunarum & dignitatis incidisse, hæsisseque ad tempus, ita vt incomparabili damno iacturam fecerit auitæ & hereditariæ dignitatis Electoratus, accepto detrimento non solum suo, sed & fratris, & liberorum, ad quos successio eius summæ dignitatis iure pertinebat. Nec illud egere testimonio, cum cum in tanto infortunio, afflictione, rerumque suarum angustia ac periclitatione, se sueque omnia benignæ voluntati Dei, æquissimo animo commendasset ac permisisset, in talibus ærumnis mutationibusque gubernationis suæ, non minus singulari sapientia, & pio consilio, puræ Euangelii doctrinæ conseruandæ ac propagandæ causæ, ante paucos annos publicam hanc Scholam ad ripam Salzæ, in ea parte ditionum suarum quæ diuinitus relicta, ipsi ac conseruata fuisset, bonis auspiciis inchoatam, clarisque doctoribus, & in primis verbo dei constanter adherentibus, necessariisque sumptibus quoad vixisset, ornatam, constituisse ac fouisse. Huc accedere, quod eo viro ac principe tanto, e viuis sublato, ipsi fratres gloriæ paternæ & gubernationis hæredes, statim ac administrationem Reipubl. suscepissent, in honorem dei, in salutem commodumque patriæ ac posteritatis, eandem Academiam numero

plurium eruditorum, & in singulis vt vocant docendi facultatibus celebrium professorum, accessioneque sumptuum, liberaliter adauxerint atque locupletarint. Compertum enim habere optimos principes, docente experientia in quotidianis negociis, nec sine dolore ingenti ac sollicitudine didicisse, quantopere Diabolus sub hanc decrepitam senectam mundi, omnibus viribus suis in id incumbat, & ibi astutia, dolis ac fraudibus, totus sit, vt omne consilium iuuandi ac propagandi veritatem puræ doctrinæ, conseruandique tum decus Ecclesiæ Christianæ, tum disciplinam & honestatem, & ingenuarum artium studia, inturbet, impediatur, & euertatur, meditatus omni momento, & Ecclesiarum & scholarum, Rerumque publicarum vastationem, ac ruinam. Adhæc, præclare intelligere Principes publicas Academias, Christiano more constitutas, non modo adprobari a Deo, sed Ecclesiæ Christianæ magno esse emolumento atque auxilio, ex quibus Deus subinde non modo ministros verbi sui fideles & constantes, Doctoresque excellentes, sed etiam alios varia eruditione donatos, & ad diuersa munia atque officia in ciuili societate, & statu politico, idoneos, singulis temporibus excitat & suppeditat, quorum opera ad conseruationem externæ disciplinæ, honestatis, boni publici, gubernationis politicæ, necessaria est & salutaris. Idcirco Illustrissimum Principem Ioannem Fridericum Secundum, ad quem gubernationis cura nunc pertineat, vna cum dilectis fratribus, considerato officio suo diuinitus sibi commissio, intelligere & perpendere, omnibus modis ad se pertinere clientelam huius Academici, omnemque curam, qua ea pro statu præsentis & fortuna eius fratrumque, foueri, ornari, & conseruari possit. Id consilii fuisse, quare hoc tempore nihil sibi reliqui faciendum putarit, quod ad humilem intercessionem ad Maiestatem Regis Romanorum, impetrationemque Priuilegiorum pertineret, obtestatione facta, vt ipsa Maiestas Regia, auctoritate Imperii Romani, qua eminet, & potestate, Academiam hanc pari liberalitate, qua alia in Imperio Romano, Germanicæ & Italicæ

Na-

Nationis donatz sunt, Priuilegijs, immunitatibus, beneficijs ornaret, donaret, atque in perpetuum confirmaret. His ex animi sententia de liberalissima clementissimaque voluntate Regiæ Romanæ Maiestatis impetratis, eundem Principem, ac fratres eius illustrissimos pro ea animi inductione propensioneque voluntatis summæ, quam haberent erga collegium huius celeberrimæ vniuersitatis non voluisse omittere, quin ipsi hæc beneficia, omnibus vsitatis, necessarijs, fide dignis solennitatibus, clausulis, subscriptionibus, adpensoque imperiali ac Regio sigillo, aliisque huc pertinentibus signis, indicijs, testimonijs, decorata, munita, confirmataque, Senatui, ordinique professorum, omniique cœtui Scholastico, loco honorarii muneris, a propensissima voluntate profecti, sua præsentia offerri atque tradi curarent. Insuper audisse & consules oppidi & senatores, reliquamque multitudinem ciuium, ex eiusdem Principis oratione, cum hoc eius laude dignissimum institutum, ad hunc finem spectet, vt non modo clarissimæ Academiz, sed etiam vniuersis & singulis ciuibz eorumque posteris ad incrementum gloriæ, publici boni atque commodi, eueniat, quam clementer & serio eius celsitudo omnes oppidanos, ad beneuolentiam erga hospites, ad tranquillitatem & concordiam cohortata sit, flagitans a singulis erga Rectorem, Doctores, Magistros, Professores, omnesque qui ad cœtum scholasticum pertinent, reuerentiam & officium, vt ita se gerant erga hospites, ne humanitatis signa, hospitalitatis iura, amicitiz officia, desiderari in ijs possint: Idque insuper vniuersis sit curæ, vt peregrini scholastici & hospites facile ac benigne excipiantur, hisque æquo & tolerabili precio & hospitia & victus, sine tergiversatione, & captatione lucri, præbeantur, omninoque ciues ad hospitalitatem, quæ vetustissimis temporibus non apud Christianos modo, verum etiam Ethnicos homines semper laudæ data est, prompti sint & faciles, in eaque exercenda, non solum animi sui inductionem ac propensam voluntatem erga studia literarum laude dignissima, declarent, Sed officijs etiam ac opera conte-

starum faciant, se magis cupere sua humanitate & officio adiuvari ac promoueri bona studia, quam data opera impediri ac profligari. Ut autem hæc vniuersitas immunitatibus atque beneficiis aucta, in posterum fauore atque auxilio Diuino incrementa, ornamentaque indies magis atque magis accipiat, crescat adolescatque in gloriam Dei, eaque omnia quæ ad perturbationem legum ac disciplinæ, ad iacturam dignitatis & autoritatis, præbere occasionem aut ullam causam asferre possint, procul arceantur & caueantur ratione ac iudicio: duxisse Principem cohortandos esse Doctores ac Professores Academix, vniuersos & singulos, ut conseruandæ existimationis suæ, & vniuersi Gymnasii causâ, in honorem & gloriam diuini nominis, omnibus viribus studeant communi concordix, vnanimique consensu, suo quisque loco, muras operas tradant, nihilque studii & laboris intermittant, ut yaga & inconsulta iuuentus pio consilio, & seuerò studio, ad veram notitiam Dei, literarumque & vtilium nobiliumque artium cognitionem instituantur atque erudiatur, pro ea spe & fiducia, qua Princeps optimus erga vniuersos & singulos affectus, ea sibi de omnibus polliceretur, quæ ad gloriam Dei & publicam vtilitatem Patriæ, ac salutem, pertinere viderentur. Cumque rationem gubernandorum morum, conseruandæ disciplinæ & tranquillitatis publicæ, periclitari necesse sit, nisi recte positis legibus, quæ anima sunt societatum, contractuum & communionum, coerceantur insolentiora ingenia, soleatque vsu venire, ut in magno cœtu hominum, prætextu Priuilegiorum sæpe contemptus disciplinæ, petulantia & contumacia, ad tumultuosos publicos incendium præbeat, Ideo Principem quibusdam superiori tempore deliberato consilio antiquatis & emendatis legibus, noua ac peculiaria statuta, leges, constitutiones, ad perpetuam memoriam conscriptas, & in membranas literis consignatas, sigilloque Maiestatis causâ, adpenso, obsignatas, tradi Academix, & asseruari exerceatque mandasse. His ut ab omnibus qui iurisdictionem Academix Magistratusque oppidani agnoscunt, quan-

quantum ad singulos pertinebit , præteatur obedientia & fides, flagitare tum Principis auctoritatem, tum vniuscuiusque conscientiam. Quamquam vero celsitudo Principis, de omnibus scholasticis benigne sibi polliceatur hanc voluntatem, vt quo quisque est æqui & boni, recti & honesti, studiosior cultor, eo magis existimet eundem non modo ex se intelligere, debere legitimo magistratui, honestis legibus & constitutionibus, obedientiam & reuerentiam, Sed etiam persuasum habeat, omnes in id daturos esse operam, vt in iis sancte custodiendis & recte colendis, rectitudinem animi ac voluntatis, sua sponte declarent, officiumque necessarium conseruandæ tranquillitati , quam diu hoc loco mansuri sint, libere & non coacte præsent : Tamen operæ precium duruisse, vt etiam nominatim hoc loco publico sua voce atque auctoritate commonefierent studiosi. Idcirco se benigna voluntate & serio studio postulare, vt omnes & singuli, qui cupiant ocio literario, defensione, Priuilegiis huius publici & liberi Gymnasii, frui ac gaudere, æquò animo agnoscant gubernationem disciplinæ, sequè modeste subiiciant omnibus legibus, statutis, constitutionibus, ad conseruationem huius Academiæ ordinatis atque confirmatis, ne occasio ipsi Principi præbeatur, ita animaduertendi in transgressores, pro ratione delictorum, vt cum contumacia dissolutorum, grauiter offendi omnes intelligant, licet malit pro singulari affectione in omnes, sibi animaduersionis nequam præberi vllam vel causam, vel occasionem, vt qui propensissima voluntate ingenuo Principe digna, ita complectatur cœtum scholasticum, præcipueque docentium, ac pro gloria Dei propaganda, omnem diligentiam adhibentium, vt singulorum, commoda, dignitatem , ac fortunas, prouehere, augerèque, & omnibus præsidio atque ornamento esse, sit paratissimus. In hæc verba cum concionatus Cancellarius, se mandato Principis ita locutum esse decenter significasset, ac Rectori ipsum diploma, in quo perscripta erat mens atque sententiâ Priuilegiorum tradidisset, alius ex familiaribus Principis, & is quoque, iuris ac legum

C

Doctor,

Doctor, Statuta ac leges in publico cœtu sonora voce, prælegio ac promulgat, quibus recitatis & ipse ἀνορχαῖον Rectori ac Senatui Academiæ tradit.

His peractis, cum expectaretur oratio nostra, quam in ea temporis angustia utcumque effuderam, prodeunt consules oppidii, cum Scypho argenteo deaurato, amplo & affabre exculpto; eum Rectori. ut Academiæ gratularentur iam agnitam dignitatem, dono obrulerunt. Pergrata fuit eorum oratio cœtui scholastico, quæ & læticiam suam, ob auctam illustratamque Scholam, præferebant, & studia sua atque officia liberaliter pollicebantur. Iam & me quasi in seænam vocabat officium, qui ut eram iussus, de constituendis & conservandis Academiis, de dignitate, & utilitate artium, de usu Priuilegiorum, de ratione disciplina, verba feci, oratione non quidem polita & conclusa, sed velut in Scholis solemus genere sermonis fuso atque tracto, dissoluta ac remisso. Supremo quasi actu confectis rite omnibus quæ ad solennem publicationem traditionemque atque confirmationem Priuilegiorum pertinere videbantur, Deique laudibus Phœnascorum docto concentu celebratis, a templo hospitium versus, profectus. Princeps, Professores Academiæ omnes, epulo excipit. Erat huic designatus locus in domo suriali, quæ figuræ quadratæ aspectu, opere lapideo, super duos prolixos fornices, densis ac solidis intercolumniis extructa, satis ampla & spatiosa est, speciem vetustæ dignitatis ostendens. Huc delecti ad commune epulum, ascendunt Principes & comites, succedunt professores & consules. Reliquus enim coetus omnis qui ad familiam Principum pertinebat, epulabatur in arce. Erat conclaue aulaeis undique rectum, Phrygiis operibus auro & argento intertextis, late resplendens. Et ad parietem suspensa umbella. Holoferica; aureis trabibus distincta, & in margine insignibus auritis artificiose interpecta, sub qua locus in acubatione epulari constratus atque adornatus erat Ducibus Saxoniarum Fratribus, ab hoc loco erat posita mensæ tabula, in longitudinem extructa eam, quæ vtrinque

caperet omnes quos prandere secum Princeps voluerat. Hic discumbitur, adferuntur omnis generis exquisitissimæ epulæ, opipare & varie instructæ, variisque missibus commutatæ, etiam deauratæ atque pictæ. Magno splendore auri & argenti, in patinis, orbibus & poculis, assidentium oculos perfringente, insigni- que ordine & industria administrantium, qui dapibus mensas onerent, & pocula ponant, ornatus atque decor conuiuio additur. Maximum tamen decus elucet ex gestu Principum & sermone, grauitate & humanitate colloquiorum suauissimum condimentum admiscenzium. Epulati hilarem in modum splendide, & accepti comiter ac benigne, remotis mensis discedimus, quisque in colloquium cum iis amicis congressi, quorum præsentia spem expectationis diuturnæ implens, gratissima erat maximeque iucunda. Adornantur interea spectacula equestria, quæ paulo post celebrari vidit hic dies, quæque non modo ad vsurpationem imitationemque vetustatis adumbrata, verum etiam ad vmbra exercitiorum, in exteris nationibus hodie vsitatam, viuâ vi atque luce certaminum, expressa atque effigiata recte dixeris. Aderat equestris ordo, crebra & frequens iuuentus, ad comitatum aulam- que Ducum Saxoniarum pertinens, his mira incesserat cupiditas hasticis ludis experiedi & animi & corporis robur. Sed hoc loco non alienum me ab instituto facturum esse arbitror, si horum Spectaculorum originem, genera, dignitatem & vsum paucis repetam. Notum est vetustatem omnem, quo profundior cogitari potest, eo fuisse gloria equestri illustriorem. Fuit autem hasta commune equitum exercitium, sicut & gloriæ parandæ peculiare instrumentum. Itaque hastæ dignitatem antiquissimam esse, magnoque loco habitam, iam inde a prinia belli gerendi consuetudine, Imperiorum prope omnium historiis, quæ extant, proditum est. Ideo earum autoritas veteribus insignis fuit, more recepto, ut Regum ac Deorum simulachris, insignium loco, hastæ adderentur. vnde ea sunt: simulachrorum hastas motas, hastæ donari, sub hastâ venire, hastam & caduceum mittere. Vnus porro

porro in bellis creber, ludis quoque & spectaculis occasionem præbuit, Inde appellatis hasticis ludis, quod infestis hastis concurrentes equites, specimen impressionis equestris adumbrarent. Vsum autem huius exercitii euentus præliorum victoria clari in historiis ostendunt, cum esse, vt denso & confecto agmine in amplas alas hostium hastati inuecti, impressiones faciant confertis viribus, quæ euitari ab hostibus non possint, & veluti tela fulmine adacta, vel cuneos hostium dissecando interrumpant. Dignum sane viris exercitium multo magis, quam quod hodie selopporum vsurpatione tractatum, non quo ratio ducit, sed quo casus rapit, vitæ pericula seminat, velut aer hybernus grandines. Etsi igitur hoc genus exercitii antiquitate insigni atque nobile, apud varias ac diuersas gentes etiam præcis temporibus magni vsus semper fuerit, tamen a Germanis excultum est maxime, tantaque grâuitate ac dignitate auctum, vt tanquam grauitatis Germanicæ vetustum argumentum, nunc quoque non nisi cum reuerentia virtutis spectari possit ab iis, qui a virtute non sunt alieni. Ac veteres duo eius genera vsurparunt, alterum quod cornutis vel coronatis hastis, alterum quod mucronatis, hoc est cuspede ferratis, committitur. Cui tertium genus adiecit Saxo- num Dux Romanorum Imperator Henricus Auceps, quod non hastarum missione, sed gladiatorum acerrimo confictu commissum, specimen seuerissimi prælii equestris repræsentat. Hic, vt fuit bellicis ac pacis virtutibus vtrunque excellentissimus, ita singula ista genera arte, industria, vsu, auxit atque ampliavit. Nam cum circiter annum Christi 935. virtute Germanæ militiæ iam deleto numerosissimo Hunnorum exercitu, cladeque irrecuperabili extincto, focis belli præmia constituens, eius victoriæ famam cum laude & studio virtutis extare ad posteros velleret, eos, quorum opera in obtinenda victoria præcipue vsus fuerat, ad certaminum spectacula inuitans, Magdeburgi, equestres ludos Cataphractorum equitum, confertis gladiis pugnantium instituit, quod genus ludorum deinde vsu confirmatum atque sæpe repetitum, ali-

aliquot seculis Germanicam virtutem grauitate exercitii custodivit. Sed Hasticorum ludorum hæc est forma atque modus. Eques armatura ex chalybe atque ferro constata, omnibusque corporis membris adaptata; induitur, in Galeam quoque toto capite inclusos, vt nusquam pateat rima, nisi qua oculi prospiciunt, sic cathaphrattus conscendit equum, qui & ipse frontem, ceruicem, atque artus panoplia tectus, lateque per tergus ornatissime (pro vt cuique placet ratione suorum insignium) tectorio picto, eodemque robusto atque aptato munitus, incedit fremebundus, quasi sentiens ad se quoque partem laudis pertinere, quæ a pugnae cunctis expectatur. Ex aduersa parte simili robore instructus aliquis, velut hostis e regione inuehitur, cum armato armatus concursurus. Obsequitant suum quique clientem, propinqui & amici, familiari studio operam dantes, vt hastatus recte instruat. Mox hastæ utrique traditæ ad latus adaptantur. Dantur signum buccinis & tubis & tympanis, conclamatur, magna vi concurritur, magno impetu, dum aut alteruter excussus cadat, aut quod sæpe fit vterque. Cæterum hastarum hæc est ratio; coronatæ vocantur vel etiam cornutæ, quæ ferro præpilatæ, velut pinnulas habent in fastigio, ne facile elidantur, cum in aduersarium immittuntur. His enim petitur armatus non prætenta parma aut clypeo. Mucronatæ dicuntur, quæ cuspidem similem habent enlis mucroni, acutam & penetrabilem, quæ immittuntur in oppositum armati clypeum, sæpe tanta vi, vt traiectæ etiam in corpus adigantur. Illud minus periculosum certaminis genus est, hoc sæpe etiam cum periculo necem attulit. Adeo rem egregiam esse, veram laudem putauit magnanima vetustas, vt vel eum vitæ discrimine virtutem ludis experiendam esse censeret. Sed ad spectacula ista nostra redeamus. Auspiciū permissum est Tyronibus, ex nobilitate delectis iuuenibus, florem ætatis, animi magnitudine, vigore & viribus corporis, non æquantibus modo, sed etiam superantibus. Hi, vt suæ pariter & alienæ virtutis periculum facerent, acerrime concertantes, exhibere ludos,

qui re vera seria duxerunt & spectacula cum essent, ad miracula usque plebem incitarunt. Per stadium ab his varie decursum concursum, acriter infectis hastis, quas coronatas diximus, tantoque ardore, vincendi constantia, ut & flammæ ex armatura resisterent, & vel pari virtute ac robore duo confingerent, vel binis commissis uterque etiam collapsis equis præcipites caderent, vel alteruter non nisi colluctatus cum fato suo, ad terram prosterneretur. Erant tamen quibus alea istius certaminis ita fauebat, ut aduersarium vel una cum equo collapsum, vel longe post equi tergum elisum effulse profligarent. Maximo tamen ornamento his spectaculis virtus ducis Guilielmi fuit, qui eo die & heroici animi & industriae ac roboris insignis specimen dedit. Est enim in hoc Principe talis animus, qui fortitudinis æmulationem ipse sibi proponat, non expectans cohortantis importunum consilium, existimetque quod alii cum laude fecerint, id non modo imitari, sed etiam superare, suarum esse partium, nec finem virtutis tam gloriam esse, quam gloriæ finem patriæ læticiam & boni publici accessionem. Ita enim fere comparatum est, ut si virtutis amor, leuia ac fluxa ingenia attingat, magnam quidem initio sui cupiditatem excitet, quæ tamen saturatur breui, atque extinguitur. Generosos vero & constantes animos non modo augeat atque ampliet, sed etiam ad præclara opera, tanquam ignem ad incendia ventus, impellat & commoueat. Adest igitur qui industriam suam & vires opponat prouocanti, Vir equestri familia nobilis Christophorus Harstallus ætate ipsa ut multo superior, florente adhuc annis Principe, & multum in his certaminibus versatus, Ita tamen, quod euentus dedit, Magnanimo meritis & viribus impar Achilli. Progreditur in stadium Princeps, comitatus a fratre, & Hennebergensi, quorum ille scutum, hic hastam honoris causa sufferebat. Ex altera parte ornatissime instructus & Harstallus procedit, ad latus obequitante fratre, Georgio, qui equestri gloria clarissimus, fratrem instruebat. Magna alacritate expectans euentum Princeps, viribus iuuentutis integer, aduersarium

rium intuarē, hortari, ac benigne vrgere, ne sibi dignitatis caussa parceret. Sic instructi committuntur, tubis, Tympanis ac buccinis, Germanis vsitato fragore ac sonitu, classicam intonantibus. Iam ad vesperam inclinante die, cum lux imbecillior & circumventa crepusculis, minus solaretresilientem ex illisu atque attritu armorum fulgorem, dixisses bellum inter dracones geri, tanto impetu, summis vniūque viribus ruebant, tantam contusationem ictus armorum spargebant. Primus conflictus sive pari virtute, siue quod hastae non apprehenderent, irritus fuit. Secunda vice commissi, adeo arte implicabantur, vt cum equis ipsi equites vnus viderentur esse globus. In hoc conflictu excutitur atque praecipit deicitur Haritallus, vi & constantia superior euadens Dux Guilielmus, erecto in equo sedens corpore, sublatoque brachio & voce, euentu letatus, victoriam summamque laudem aufferit. Mirum est, quantus apud multitudinem clamor sublatus, quantus concitatus plausus insecutus sit, plerisque ominatio- ne magis futurae felicitatis, quam gratulatione praesentis fortunae, varia acclamantibus laticia. Hae celebritate extracto die, cum iam aduersperasceret, e foro discessum est. Postero die, quoniam haec spectacula publica in honorem Academiae propo- sita fuerant, plaquit, vt ex nobilium numero, aliquot eruditione ac doctrina ornati, qui non modo familiis, sed etiam literis ex- stimationem suam deberent, in eodem stadio, equestris certami- nis exercitio specimen suae virtutis ederent. Erat ea res pergra- ta scholasticis hominibus, vt quocumque esset fors casus, Musae tamen latereatur Heroum fauore, cum aliquando repetita ex annalibus memoria, doceri posset, Illustrissimum Principem Io- annem Fridericum, velut Herculem olim, non puduisse *μνησθηταί* fuisse sui temporis, & in argumentum patrociniū militaria specta- cula proposuisse publice. Alea itaque ludi committitur duo- bus aetate prope & corporis vigore paribus, quorum alteri huic Danielo, alteri Henrico ab Erffa gentile nomen, vtrique pernetusta Thuringica nobilitatis origo, nomen ex doctrina Iuris, quam

quam profitentur, clarum. Hi in vtramque partem tam iis, qui equestri peritiz omnia tribuunt, quam iis, qui togatas artes anteferunt, occasionem variz expectationis prebuere. Verum sicut vterque est alacris animo, & viribus integer, Ita non permiserunt virtuti suæ aliquem nævum admisceri, ex negligentia earum rerum, quæ non minus videntur manu, quam consilio regi. Concurrerunt itaque memorabili in vtramque partem euentu & laude, sorte omnino pari industriæ & victoriæ. Nam & pariter icti perdurarunt, neutro collapsio, & ceciderunt alternis, & simul deiecti. vt euentus ostenderet, nequaquam esse pluris faciendam rei equestris scientiam, quam doctrinæ atque eruditionis possessionem. Certarunt alii fortiter eodem die; Sed horum duorum virtuti præcipue adplaudens populus, magnâ cum delectatione spectandi finem fecit. Hæc ad te scribens, commemorare volui, Sczuola, cum ita admoneret recordatio pristinæ amicitiz nostræ, & vrgeret præfens occasio, scribendi officium ex consuetudine a me flagitans, sub istam verni temporis ad Moeni vadum panegyrim, ex qua commodissime mitti solent Epistolæ ad externos. Placuit autem de iis scribere, quæ in honorem & commodum rectorum studiorum, Militiæque scholasticæ, gesta sunt, ne quid ad te scriberem, quod alienum videri posset a studiis & moribus tuis, qui cum sis temporum tuorum obseruator atque annotator Eruditissimus, & in scribendis rebus gestis, eius virtutis quæ fidem maxime præstat, studiosissimus, accipies hæc vt confido, non modo in bonam, quod dicitur, partem, Sed ita etiam, vt materiam non immerito celebrandi pulcherrimum consilium atque institutum optimorum Ducum Saxoniz mihi te debere agnoscas, cum & studium singulare eorum fauoremque erga hanc Academiam & paternam erga literas pietatis virtutisque studia adfectionem intellexeris. Nihil enim hic sinit fingere eorum bonitas, quæ vt omnem expectationem vincit, Sic etiam non expectat, dum alii desiderent quidque in iis, officii aut decori, quod ad Principes fere Heroicos pertinet.

Ita-

Itaque ea spes, quæ per magna & ampla, iam inde a decem annis in hoc Gymnasio propoſita bonis literis fuit, hoc tempore aucto docentium numero, collatis beneficiis & immunitatibus cenſuque annuo liberaliſſime conſtituto, non modo augeſcit indies, ſed & ipſa expectationem omnem ſuperat. Conſluit enim huc prope quotidie ex diuerſis prouinciis lectiſſima iuuentus, Hebraice, Græcæ, & latine linguæ ſtudio inuitata, quæ magna dexterritate in explicando publice traduntur. Neque verò tantum linguæ traduntur, ſed quia harum cognitio aditum facit ad artes & profeſſiones, Ita hæc quoque docentur ordine, vt in docendo Methodas ad eruditionem neceſſaria recte obſeruentur, & diſcentium ingenia ſimul erudiantur veræ & pura doctrina de Deo, quam ex ſinu æterni patris attulit Chriſtus filiis Dei, omniſque explicatio, ex veteris ſcripturæ ſcripturæ Prophetarum & Apoſtolicarum petatur, omiſſis interpretationibus, quæ pugniant cum norma veritatis, in adprobatis Bibliorum libris, piorumque concilio- rum decretis traditur. Nam hanc ſummam doctrinæ conſeſſio- nisque noſtræ proſitemur, quam ipſe Filius Dei, Apoſtoliſ propagationem doctrinæ cōtinuens, complectitur, cum iubet, in ſuo nomine doceri poenitentiam & remiſſionem peccatorum. Hæc Chriſti doctrina ita in hac ſchola explicatur docendo, vt ſuo loco oſtendatur aliam eſſe legis, aliam Euangelii doctrinam, Ex lege peccati magnitudinem iræque Dei agnoſci, Ex Euangelio doctrinam iuſtificationis adprehendi, quia Deus agentes poenitentiam pronuntiat iuſtos ad recipit, propter ſolum filium paſſum, mortuum, reſuſcitatum pro nobis, ſedentem ad dexteram patris, & mitigatione iuſtiſſimæ iræ intercedentem pro genere humano. Hinc ſolum eſſe cauſam iuſtificationis & ſalutis, iis omnibus, qui verè agunt poenitentiam, & hunc Mediatorem fidè apprehendunt, ſine vlla virium humanarum, aut operum accèſſione, ſimuliter credimus & proſitemur. Ab hac autem doctrina longe ſeparamus Philoſophiæ ſtudia, vt quæ ſuo loco extra Eccleſiam, monſtrent Dei veſtigia, doceat prouidentiam, maieltatem,

bonitatem conditoris, in consideratione rerum, cum earum substantias, temperamenta, vires, causas, & effectus scrutatur; domi in homine legem externae disciplinae, semina virtutum; discrimen honestorum & turpium discernit, finemque hominis utriusque agnoscit, ex consideratione causarum. Hanc, ad salutem hominis, nihil quidquam conferre censemus. Sed famulari tamen doctrinae de Deo, non negamus; dum suppeditat rationem explicandi multa obscura loca in sacris literis, quae sine interpretatione linguarum, sine expositione ac declaratione rerum, quae natura complectitur, non possunt recte intelligi. Ita & politicam doctrinam de moribus se iungimus a doctrina Evangelii. Cum illa tantum humanis consiliis ac legibus regat externam disciplinam, ut conseruetur iusticia, pax, tranquillitas inter homines; ac inferuat huius praesentis, & ut ita dicam, mortali vitae; Evangelium autem veram salutem & vitam aeternam doceat, agnitione & fiducia Iesu Christi, qui factus est propitiatio pro peccatis nostris. Licet autem Philosophiae doctrinam, aut eius partes seorsim a doctrina Evangelii se iunctam agnoscere volumus; tamen eam non tradimus more Ethnicorum, nudam, & sine consideratione, notitia, venerationeque conditoris, imo, *κατὰ τὴν* Ecclesiae necessitatem semper adiungimus, sed ut dixi suo loco, ut & verbum Dei exemplis e rerum natura sumptis, cum opus est, declaramus, & finem Philosophiae eum esse, ostendamus, ut ad explicationem doctrinae de Deo, quae brevis sermone arte complicata est, demonstrationes adferat, eam salua conscientia docentis potest, cum non potest, suo se loco contineat intra cancellos politicae doctrinae, & auctoritati divinae reverenter cedat, ut par est pedisequam & ancillam cedere dominae & principi. Hic est apud nos Philosophandi Sequola modus. Sectarum opiniones annotamus, discernimus, imitamur, nequaquam, veritatem amamus, licet eam in rerum omnium scrutatione non aliter abstrusam atque abditam speculemur mentis humanae acies, quam in nubibus re-nidentem iridem collustrant oculi, dum mille trahit varios

aduerso. Sole colores, Tamen cum quædam conformationes veri, etiam naturaliter ingenitæ sint hominibus, has excolere discendo & conferendo inter se, & ex his demonstrationes in explicandis artibus ac disciplinis querere, inuentasque ita accommodare ad usum, ne offendantur vel gloria Dei, vel veritas & iustitia inter homines, an quisquam reprehendat, qui sanæ est mentis, & non distorti ingenii? Caput hoc est, Cursum omnem studiorum huius Academiae, ita gubernari ac teneri, habito & rerum quæ doceantur, & operarum, quæ ordinae distributæ sunt, delectu, vt continua serie lectionum ea omnia studiose explicentur, quæ & eruditio, & pietas, & eloquentia requirit. Efflorescit itaque & iuria, & rei Medicæ studium, professorum celeberrimæ atque excellentium eruditione & industria. Maxime viget Theologiæ studium. Florent linguæ atque artes, Acuitur eloquentiæ vis & facultas. Excitat atque inuitat docentium ac discipulorum animos summa liberalitas optimorum Principum, qui adæq. Salariæ nostræ (Ita placuit Musis Collegiorum domicilia bonis studiis consecrata adpellare) recentibus ædificiis magnifice exornarunt. Et est eiusmodi natura ipsa Regionis huius, vt vltro blandiri Musis, & singulari quodam, vt veteres locuti sunt, Genio, ipsas inuitare artes videatur. Nihil enim hoc sit, his conuallibus, his nemusculorum, pratorum, atque hortorum deliciis, vel amoenius dixeris, vel pulchrius. Taceo nunc de comæcatus ac annonæ copia atque abundantia, de præstantia vini & panis laudatissimi, nihil adiicio de esculentorum varietate atque gratia, quæ ad apparatus culinæ pertinent, quæ omnia in hac vicinia largè nascuntur, & facillimo precio comparari possunt. Gratulor itaque non modo his Regionibus ad Sudetes Herciniosque montes iacentibus, Sed etiam posteritati, si qua erit vlla, hanc felicitatem, qua Deus puritatem doctrinæ de sua voluntate, honestissimasque, maximeque vitæ necessarias artes, veluti e naufragio perturbatissimi nostri temporis liberata atque recepta, ex conuallibus horum montium quasi reflorescere, atque conseruata

propagari longe lateque voluit. Sed expectas, vt arbitror, mi Sczuola, finem aliquando, huius siue Epistolæ siue Commentarii. Defino itaque, ac te rogo, vt hanc verbosam narrationem meam, candide accipias, ac benigne interpreteris. Quid enim scriberem aliud, cum de publicis ne quidem libeat verbum, de priuatis, quod tam longinquis e regionibus ad te scribam, non habeam? Noui apud te virtutis mentionem pluris fieri, quam argentum & aurum; Idcirco hanc meam commemorationem nec moleste ferre poteris, nec debebis. Cumque virtutem adprobari etiam in Scythiis ingenii, non sit alienum ab humanitate, fauere etiam te decet virtuti nostrorum hominum, quæ cum pietate & iusticia coniuncta opponi potest omnium Heroum exemplis atque laudibus, quas hæc ætas celebrat. Si has in tempore acceperis, poteris ad Calendas Maii rescribere. Quod vt facias te oro. Vale ac salue. Ioan: Thirigerum ad Salam. Nonis Martii, Anno Salutis 1558.

EPIGRAMMATA QVAEDAM STIGELII FACTA INTER SPECTA- CVLA EQVESTRIA.

DE DVCE SAXONIAE IOAN. FRIDERICO.

O Tia qui vobis faciens immunia Musa
Hoc, bene qui merito de patre nomen habet,
Hoc etiam in vestrum præbet spectacula fructum
Signa patrocini iam manifesta sunt.
Namque bonas artes velut alta in pace foueri
Sæpe humiles in isto sic decet ense tegi.
Musagetes audit merito Tyynthius Heros,
Terribilis claua non minus illo fuit.
Qui fouet ingenuas Princeps, & protegit artes,
Ille suo dignum munere nomen habet.

De

DE VIRTUTE DVCIS IOANNIS WILHELMII
IN LVDIS HASTICIS.

Inuiſtos ſileant animos, roburque virile,
Aequa nimis rebus ſecula vetuſta ſuis.
Hoc onus armorum vix ingens perſerat Aiax,
Maximus huic baſta vix ſatis Hector erat.
His tamen inſtructus per apertas ludit arenas,
Promptus in armato Dux Guilielmus equo.
Ipſum aptata Chalybs & ferro & fulgure cingit,
Omnia ferrato cedere tela putes.
Ecce ſuis armis conſuſum, atque arte valentem
Præcipitem verſo deiecit acer equo.
Fit ſonitus, ferrumque ſimul flammaque coruſcant
Ille ſono victor plebis ouantis abis.
Sic euerſa ruit præceps a culmine turris,
Miſſus ab ignito quam globus ære quatit.
Fulmineis totus qui ferreus irruit armis,
Tempore dum pacis ludit equeſtre decus,
Qualis erit denſos iam graſſaturus in hoſtes,
Seria cum maior pugna requirit opus?
Sed decus huic laudi præfert, quod pace paratur,
Hoc patria, hoc Ducibus, large tuere Deus.

DE DVQBVS FRATRIBVS.

Laudæ vobis Graui Pollucem & Caſtore rates,
Qui fratres vna mente ſuere duo.
Hoſ ſua de terris euexis gloria, de inter
Acciperent meritum ſidera vterque locum.
Deſine iam fictos attollere fabula manes,
Qui nunquam in rerum forte ſuere ſinu.

*Qui decus in vero fratrum scrutatur amore,
 Utile quod pariter ciuibus esse potest,
 Huic duo Saxonico nati de stemmate fratres
 Spectaculum voti pondere maius erunt,
 Vniute felices patria duo sidera fratres,
 Quos Sol iusticia iungit, amatque Deus.*

IN IMAGINEM IOANNIS FRIDERICI IVNIORIS,

DVCIS SAXONIAE.

Pincipis hac picta est annis florentis imago,
 Tertius a celso qui patre nomen habet.
 Qui miraris adhuc viuacem in principe laudem,
 Nomen ab ingenio qui sapientia tulit.
 Hunc etiam mirere, hic vere est alter ab illo
 Ingenio, vultu, moribus, officio.
 Namque faces animi generoso in lumine versans,
 Nil magno indignum Principe mente videt.
 Noticiam, & veri decus immutabile cultus,
 Afferere aeterno gaudet ubique Deo.
 Et virtutis amans, tribuit virtutis amori
 Quod decet atque omni, quod iubet ordo loco.
 Precipue ingenius fauet ingeniosus & ipse,
 Musarumque pius gaudet adesse chorus.
 Moribus adplausum, famam virtute meretur,
 Agnoscit ciues mitis amatque suos.
 Si ventura aliquid prisca e moribus auri
 Tempora seruant, hoc dabit ille decus.
 Tu Deus incolunt longa da tempora vita,
 Sic etiam patria commoda multa dabis,

POEME DE LVDIS HASTICIS.

Dum videt hastata flamma certamina pugna.
 Auspicio feruens qua Guilielme tuo.
 Miraturque homines armis, atque igne micantes,
 Cumque viris versos precipitanter equos.
 Corde trahens gemitum, quam secula prisca sefellit
 His ego sum longe viribus impar, ait.

AD MVSAS.

Dum vario fertur scutum certamine ferrum,
 Atque iclu Ebalybis pugna micante sonat.
 Quid facitis Musæ, num formidabile ferrum,
 Num Martis trepida triste timetis opus?
 Hæc virtus placida pacem tutatur in umbra,
 Quæ didicit prompta tela mouere manu.
 Quando comes placidis virgine est nascita Musis,
 Stat custoditum pacis ubique domus.

AD DVCEM IOANNEM WILHELMVM.

Hæc tibi ferta tuæ flores spirantia rursus
 Hanc laurum, in laudes signa parata tuas
 Ecce ferunt grata virtutis premia Musæ,
 Et simul hæc addunt simplice verba sonus.
 Cui simul a pace est, simul est a casside nomen
 Ille decus pacis bellipotentis erit.
 Numen inest Musis, omen ne despicere Princeps,
 Numinis est omen, hinc tibi nomen erit.

AD INSIGNIA DVCATVS SAXONIAE.

Multa quod attriuit vinaci sacula laude
 Saxonia insigne est hoc, specimenque domus.
 Aureus est clipeus, pulchro discrimen in auro,
 Secernunt nigros aurea signa trabes;
 Quos super obliquo trabecta & pendula tractu,
 E foliis ruta nexa corolla nitet.
 Ros preciosa aurum, regales indicat ortus,
 Fastigiumque alsa, iussiciamque domus,
 Qua duo, Saxonica splendent e stemmate gentis,
 Aurea nascentem lux velut ante diem.
 Umbra aurum distincta nigrans, virtutis imago est,
 Omnia iudicio qua moderante facit.
 Sed laudem adplausa partem, sanamque perennem
 Ex ruta foliis texta corona notat.
 Gloria virtuti dedit hoc insigne merenti,
 Pro patria parat, qua parit arma focus.
 Plus meruit pietas, aduersis cognita rebus,
 Hac duce ruta potens nulla venena timet.
 Ruta vires, quamvis vento quatitur & imbre,
 Ruta vires, quamvis sana repugnet hyeme.

42. 52

DE

TREUGA ET PACE

EIVSQUE

ORIGINE ET VSV IN BELLIS PRIVATIS
MARCI ANTONII DOMINICY JC.

SACRI CONSISTORII CONSILIARII, ET ORDINARII
REGIS HISTORICI

DISSERTATIO.

PARISIIS,

Apud { SEBASTIANVM CRAMOIST, REGIS ET REGI-
NAR RECENTIS ARCHITYPGRAPHVM;
ET
GABRIELEM CRAMOIST. } via Ja-
cobaea
sub Ci-
conis.

M. D. C. XLIX.

CVM PRIVILEGIO REGIS.

SERENISSIMO, NECNON REGIAE STIRPIS
PRIMO PRINCIPI

LVDOVICO BORBONIO.



IBI merito libellum inferibo de Treuga & Pace, SE-
RENISIME PRINCEPS, quem merito pacis arbitrum
omnes suspiciunt; eoque facilius a se procurandam
sibi suaserunt, quo tam longe communem. Heroum an-
tiquorum famam supergressus es, ut gloria satietate laborare vi-
dearis. Cum etenim ea sit fortis humana conditio, ut cum cadi-
bus & periculis Fortiorum virtus exoritur; summamque rebus
inter arma praeclaro gestis constitutum sit honoris fastigium; quid
tibi prestandum amplius, quod ea aetate qua ceteri Duces incipiunt,
tu non expleueris; Et quidem eas tu nondum vesticeps penetrasti
Nationes, quas olim tentasse Gens mundi Domina superbiebat:
Fulminantis dextera tua robur sensu Iberus, Scaldus, & Lissa, effu-
saeque Rheno veteri Galliarum litore, Danubii ripa stramur.

E

Per

Per te tot aucta Prouincius Francia, quot expeditionibus, tot insignis victoriis, quot praeliis, fastosque suos nobiliores, iuis nunc fore triumphis computare. Restat vnica, sed difficilior, de te ipso victoria; ut scilicet compressa vincendi libidine, otia pacis amplectaris. Aduersa sibi sine sunt hæc studia, & velut in excidium sui micho comparata: sed probe etiam agnosce in Pallade diuinæque militiæ auctoramenta, & inimicas inter se functiones; eius beneficio in societatem reuocari. Ut ex voto coluisti paludatam, sic inermem non despexisti: Cohunt enim adhuc Bituriges, penes quos me esse voluisti, lausum hunc diem, quo in illorum Academia, vernante adhuc iuuenta flore, te ipsis Philosophum exhibuisti, ut ubique te adulta ætate Principem sapientissimum presentirent. Nec quæquam de te concepta fefellit opinio; Præcuiam tuam ita miratus est hostis in ipso conspectu prudentiam, ut nec fortitudini, neque fortuna tua reseat, quas de illo victorias reportasti, sed sapientia; solusque docueris variam belli sortem, constantem inuocandi consilio. Hæc quidem citra fidem esse viderentur, nisi paterent. Sed non satis est, SERENISSIME PRINCEPS, prudenter pugnasse, ut feliciter vinceret; superest adhuc ut patefacias, te toties dicisse, ut publice, qua in pace consistit, securitati consuleres. Id tu quoque recte intelliges, si respexeris, eam tibi reliquam partem, ex qua Dominicis tui gloria videris euehi posse. Erit hic virtutis tua cumulus; erit & felicitas temporum, totque tibi præcones conciliabis, quot facies obscuritas: innumeros vero propemodum facies, & communicato singulis beneficio, vobis humana genti te commodabis. Interim si diu tam grande opus meditaberis, animum volueris relaxare, offero tibi libellum de Trenga & Pace, inter ciuiles tumultus nuperime conceptum. In eo videbis, quo ritu veteres Franci pericula inter se bella extorqueant, quibusue artibus Principes, & Episcopi conuenerint, effusa hæc per Gallias dissidia conspire. Si tibi arripueris nouus iste labor, tuo iudicio in futurum factus audacior, vbiatores alios vigiliarum mearum partus; tuo Nomini confecturo. Sic minus, satis eris eiusmodi argumentum tibi proposuisse quod

quod suo de publica pace consilio, posse aliquatenus convenire et
meum erga te obsequium aeternum restari.

TVÆ CELSITVDINI

Additissimus

M. ANTONIVS DOMINICVS

DE

TREVGA ET PACE

EIVSQVE

ORIGINE ET VSV IN BELLIS PRIVATIS

DISSERTATIO.

SVMMVM belli, pacisque arbitrium, penes eos fuisse certissi-
mum est, penes quos summum fuit imperium ; * Priuatis
etenim iure civili armorum vsus sine auctoritate publica inter-
dictus fuit ; Vindictam in iure, iudicioque persequi permissum,
non aperto Marte ; forum querelis patuit, non iniuriæ, ita vt
pulsato ferrum sine moderamine non licuerit exercere. Verum
soluta variis barbarorum irruptionibus imperii mole, inductis
Germanorum moribus, evanuit prisca legum auctoritas, & pu-
blico iuri, quo priuata disidia comprimebantur, successit auda-
cacia ; expeditior visa est fors belli, quam fori, & inglorium
viris potentioribus legum imbellis præsidium. Hanc vesaniam
Gothos primum Italia potius induxisse colligere licet, ex Epi-
stola Theoderici ad Colossæum Comitem ; ex qua patet, acqui-
simum Regem reuocato antiquo iure, tantum furorem explo-
dere tentasse ; ** *Remoue, inquit, consuetudines abopinanter in-
quitas, verbis ibi potius, non armis causa tractetur.* Ab his ad Gun-
debados morem hunc defluxisse constat ex eorum legibus, qui-

E 2.

* L. unic. Cod. de arm. vsus inf. Princ. interd.

** Cassiod. lib. 3. Var. cap. 23.

bus res suas ferro repetere liquit; adeo vt Agobardus Præfui
Lugdunensis, Ludouicum Pium exorauit, vt hanc legem vel-
let abrogare, cum *nex* potius, quam *lex* sit existimanda. Idem
ius apud Francos qui lege Salica viuere obtinuisse, testis est
pluribus locis * Gregorius Turonensis, tamque alte inua-
luisse huiusmodi vindictæ genus, vt in priuatis istis dissidiis,
familix nobilissimæ quandoque penitus exciderent, nec ex-
tinguerentur odia, nisi alterutro ex partibus genus extin-
gueretur. Nullus siquidem bello finis, quândiu aliquis ex
gente supererat, qui defuncti proximi causam posset sustine-
re; indeque factum, vt in componendis huiusmodi bellis,
& illata iniuria eade reparanda, casti cognati æo pacem iure-
iurando promitterent, scriptoque fidem obstringerent, se non
amplius defuncti proximi iniuriam ferro persecuturos, vt vide-
re est apud eundem Gregorium in causa Austregisili, quem Si-
charius cum filio, eiusque fratre Eberulso interfecerat. Hæc
sponsio apud antiquos auctores *securitas* dicitur, cuius formula
extat apud Marculphum, quem non poenitenda viri eruditio-
nis, ** Abbatem fuisse S. Austregisili de Castro in suburbiis Bitu-
rigæ Ciuitatis, non leui ductus argumento suspicatur. Hoc au-
tem ius ab antiquo Romanorum more, mutatura videtur, pe-
nes quos dum iniuriam redibant in gratiam iusiurandum inter-
cedebat:

*Machinam ordinis nouam, inquit Pacuuius, manticulatam aspu-
Sanctiora adigis iuranda iura, quibus cotidie
Parue noxe exsterguntur.*

Quibus verbis non secus ac olim Laberius iusiurandum vocauit
emplastrum aris alieni, ita & iste *mantile* dixit, quo veluti loris
manibus iniuriæ solerent abstergi. Ita tamen inter partes odia
quandoque exarserant, vt vtrique inimicitiam, vel vi sæculi ver-
borum vitæ *fœdus* componere recusaret, vnde misera familiarum
cla-

* l. 5. c. 33. l. 6. c. 17. l. 7. c. 47.

** Ph. Labbe Soc. Iesu in Elog. ciuit. Biturig.

clades emergebat. Quare hanc vesaniam lege sancita tentauit Carolus Magnus coercere : sic enim habet in Capitularibus : *Si quis pro facta pretium recipere non uult, tunc ad nos sit transmissus, & nos cum dirigerimus, ubi damnum minime facere possit, & simili modo, & qui pro facta pretium soluere noluerit, nec iustitiam exinde facere, in tale loco quum mittere volumus, ut pro eodem maius damnum non crescat.* Eandem constitutionem receperunt Ludouicus Pius anno MCCXXVIII, sicut deinde Carolus Caluus Patris, & Aur exemplo firmatus.

Ex his Capitulis huiusmodi dissidii primaria cognitio Comitibus, nisi quis ipsius iudicium detrectaret, quo casu Princeps refragatorem ad se transmitti iubebat, ut eius audaciam exilio temporario comprimeret. Mitius actum apud Longobardos cum huiusmodi pacis turbatoribus, quorum poena pecuniaria fuit, trecentum scilicet solidorum, quæ vulgo *fredum* dicebatur alias *uuerigildum*, cuius tertia pars fisco inferebatur. Sed tam temerario ausui compescendo, impar erat prohibitio. Nam assurgente ad Imperium Capetina familia, qui maiora feuda tenuere, cum ipsis belli publici, & delectum conscribendi ius sibi aperte vindicarunt : Vnde cum in dies ingrauescente morbo foedissima strage Respublica scinderetur ; His malis Episcopi Gallicani prospicere tentarunt, non extincto quidem impio illo bellorum usu, sed represso per inducias, quæ aliquot dies a caedibus & depredationibus pretextu religionis redderent otiosos.

Has inducias *Treugam Domini* vocant cuiusmodi scriptores, deducta a Germanis voce, apud quos *Treu*, vel *Dru* fidem significat : Vnde *Drudi* sine *fideles*, & *Drutia*, vel *druda* dicitur sponsa, legum Salicarum tit. XIV. ab eademque radice *Trustis* & *Antrustio* in formalis Marculphi, eum denotat qui *Regi fidelitatem promissit*, & apud nostros veteres poetas *Amicitia* dicitur *Denerie*, ut patet ex eleganti poemato dicto *le Roman de la Rose*.

Par d'uerie, & par folas
Li ve sa mie fait chapel
De Roses; qui moue li fie bel.

Intercedebat liquidem in peragenda Treuga pacis osculum symbolum amicitiae, vt constat ex legibus Longobardorum, in quibus primum barbara haec vox occurrit; sic enim habent: * *Inter Treugam post datum osculum.* Hanc etiam vsurpat Codinus, & pacem imperfectam vocat, quod definito dierum termino circumscribatur, Inducia quippe sunt cum in breue, & in praesens tempus conuenit, ne inuicem se laceessant, vt ait Paulus Iureconsultus in *l. postliminim ff. de capt. & postlim. reuers.* Eodem sensu apud Frodoardum **: *Treuge, vel inducia belli, inter Regem Ludonicum, & Hugonem Principem, usque ad synodi tempus Ottone mediante disponuntur.* *** Ita apud Guillelmum Neubrigensem, Inducia quas Treugas vocant. Et apud Guillelmum Brittonem III. Philippidos:

Concilium de pace rogat, datur ergo dierum

Treuga trium.

Ex quibus constat definitum fuisse Treuga tempus ad differentiam Pacis, quae perpetua esse debet: In scriptis tamen redacta fuisse Treuga pacta, non secus ac Pacis, docet nos idem Guillelmus Britto ****:

— — — *Nec verbo stare Ioannes*

Nec scripto voluit, nec pactas mittere Treugas.

Treuga igitur armorum suspensio fuit, Pax cessatio; Vnde recte queri potest, cur in Concilio Arelatenli *l. qui in pace arma proiciunt*, anathemate feriantur, cum vera defectionis crimen, ac per consequens poena, ad eos tantum pertineat qui non in pace, sed in acie, arma proiciunt. Illustrissimus Cardinalis Baronius hunc canonem accipiendum putabat, de his qui nulla

scilicet

* *Lib. 1. c. 9. Leg. 38.*

** *In Chron.*

*** *L. 5. c. 3.*

**** *Lib. 6.*

sequente persecutione, Ecclesiis pace reddita ad Gentiles transibant: quam sententiam verissimam puto; sed illustranda est ex comparatione celestis militiae, cum armata, quæ frequens est apud sanctissimos Patres; In hac quippe milites in numeros relati, si sine missione, stationes deseruerint, pro ratione muneris, ut desertores puniuntur; *Qui in pace deseruit, eque gradu pellendus est; pedes militiam mutat; in bello idem admissum capite puniendum est:* ut notat Arrius Menander, ex cuius libro 2. desumpta est l. 3. ff. de remilit. Quare cum Christiani in ipso baptismo, celesti militiae nomen darent, adeo ut in ea comparati essent in vnaquaque Ecclesia matricula; ii qui nulla sequente persecutione, aut cessante vi maiore, cuius metus canonicam poenitentiam minuebat, in pace constaret ex Concilio Ancyrano, ad sacrificandum accedebant, in pace arma proiiceret dicebantur, ideoque a Christianorum arcebantur communione, quemadmodum milites expungebantur ex militum catalogo. Sed hac pax longe diuersa ab ea, de qua nunc agimus, quæ non omnibus sed certis quibusdam personis concessa erat; quamque finitis induciis violare nefas, unde longe distat etiam a Treuga, licet hac fuerit inducta ut facilius aditus daretur ad illam.

Iuo Carnotensis *Dei Treuiam* vocat, consilium quo Gallicani Proceres priuatorum bellorum hisce incommodis prospexerunt. Id autem in Aquitania primum institutum notat Chronicon Hugonis Abbatis Flauiniacensis nondum editum, his verbis: *Anno igitur a passione Domini M. ab incarnatione MXXXIII. cepit placida serenitas terra dulcedinem creatoris ostendere, & frugum abundantiam portendere: Tunc per Aquitaniam, & Arelatensem, & Lugdunensem provincias, & per vniuersam Burgundiam Concilia instituta sunt, & Pax firmata.* In his autem Conciliis, ex Sigeberti relatione. descriptum, ut arma quisque non ferret, direpta non rapereset, sui sanguinis, vel cuiuslibet proximi, vltor minime existens percussoribus cogeretur indulgere. Quæ sententia cum satis dura videretur Gerardo Cameracensi Episcopo, cura a ceteris dissentiret, hanc affinxit rationem: *Genus humanum ab ini-*

cio trifariam esse diuisum, in omnibus, pugnatoribus, agricultoribus; & unum duorum, & duos unius egere auxilio; ideo debere arma ferri, & rapinas reddi, pro auctoritate legis, & gratia, ultorem percussi, vel occisi, non exacerbari cogendo, sed secundum Euangelium ei reconciliari.

Eius tamen Præsulis auctoritas supra ceteros non prævaluit: Nam in Aquitania ex Episcoporum decreto Pax firmata fuit; Et primum apud Bituriges, ut constat ex Concilio Lemouicensi, in quo Iordanus Lemouicensis sic populum alloquitur: *Quemadmodum inter Biturigenfes Deo donante Pax firmata est, ita inter Lemouicenses Pacem fieri optamus, eademque maledictionis verba dictat aduersus milites, qui pacem in Lemouicenisio recusarent, quæ ab Aymone Archiepiscopo in Concilio Bituricensi, contra aduersarios pacis fuerant recitata. Huiusce Concilii summa capita, & illud præcipue quod de seruanda apud Bituriges Pace conceptum est, extant in veteri Charta Monasterii S. Sulpitii, quod olim Nauense dicebatur, qua isdem Aymo ex eiusdem Concilii decreto, cœnobium hoc, & Ecclesias illi addictas a Synodatico, & paratis eximit, de qua tamen immunitate altum silentium in actis dicti Concilii.*

Quia tamen prioribus his sanctionibus mali fomes vix extinguebatur, cum satis durum esset, omnes sine distinctione conditionis exarnari, iidem Aquitani Præsules noua excogitarunt temperamenta, quæ sic a Rodulpho Glabro referuntur, ad annum MXXXIV. * *Ut nemo mortalium a feria quarta despere, usque ad secundam feriam incipiente luce, ausu temerario præsumeret, quidpiam alicui hominum per vim auferre, neque ulationis vindictam a quoquam inimico exigere; nec etiam a fideiussore vadimonium tollere: quod si ab aliquo fieri contigisset, contra hoc decretum publicum, aut de visa componeret, aut a Christianorum consorcio expulsus patria pelleretur. Hoc insuper placuit vniuersis veluti vulgo dicitur, ut TREVGA DOMINI*

docaretur, quæ videlicet, non solum humanis esset fulta presidio, verum etiam multisies diuinis suffragata terroribus. Exemplo Aquitanorum Austrasii has inducias admisere, solaque fuit gens Neustria, quæ pacem recusauit prædicante Richardo S. Vitoni Virdunensis Abbate, vnde diuino iura factum vt internis depascere ardentibus, vt notat idem Chronicon Flauiniacense.

Novo igitur Aquitanorum Patrum a Mercurii suprema die, vsque ad diluculum diei Lunæ subsequæ arma tractare fuit nefas, sicut & a fideiussore pignus tollere: quæ institutio licet Reipublicæ Christianæ admodum necessaria, arguitur tamen a Baronio *, Rudolphi Glabri mente in alium sensum deflecta: Nam cum dicit is auctor, *Nec etiam a fideiussore vadium tollere* per feriatos hos dies licere, interpretatur illustrissimus Cardinalis, vt non Dominica tantum die, verum etiam quatuor hebdomadæ diebus, cessarent fideles a strepitum fori. Sed hoc loco *vadium*, sponsionem, & fideiussionem significat, vt recte aduertit C. V. Petrus Marcha **. ex glossis ad leges Longobardorum; idemque sonat *Wadia*; & *Wadu* Barbaris iidem qui *vades* seu fideiussores Latinis. Quare recte sanxerunt sanctissimi Patres, per dies otiosos pignus a fideiussore tollere non licere, ne inde noua emergeret dissensionis occasio, & *Trevga Dei* violaretur. Alia etiam obiectione idem Annalium conditor hoc institutum perstringit: agi scilicet de priuatis hominum dissensionibus iustis vel iniustis, quas vnaquaque die persequi liberum erit, si iustitia non careant, vel si careant, deferere necessarium. Verum aduertendum est huiusmodi bella priuata, non omnino hac tempestate legibus damnari, sed potius vsu temporis ab ipsis Regibus fuisse comprobata, licet non sine ipsorum iniuria inualuerint; Rogerus enim Houedenus po-

F

tat

* Ad an. 1034. n. 6.

** In Hist. Benearn.

fat in Richardo, impeditas fuisse Treugas, quia videlicet Rex Angliæ violare volebat consuetudines & leges Pittuuiæ, vel aliarum terrarum suarum, in quibus consuetum erat ab antiquo, ut magnates causas proprias inuicem gladiis allegarent. Imo & ipsi Clerici, a Laicis instructa acie res Ecclesiæ repetebant, ut testatur Petrus Damiani *, adeo ut sola belli denuntiatio, vel ut sæculi verbo utar diffusio, desideraretur, ut rite atque legitime videretur instauratum. Huiusce autem sollemnis pronocationis, sic legem tulit Fridericus apud Abbatem Vspergensem: Sancimus, inquit, ut quicumque alii damnum facere, aut ledere ipsum intendat, tribus ad minus ante diebus per certum nuntium suum diffuset eum. Idem firmavit Conradus Imperator in Aurea Bulla, ** adiicitque insuper diffusionem eius modi personaliter, & publice intimandam esse, adeo ut per testes idoneos possit comprobari. Similis denunciationis vsum, in Gallia etiam seruatum docet nos Iuo Carnotensis Epistola *** ad Paschalem II. & altera ad Philippum I. Regem Francorum: sed sollemni magis, quam apud Germanos ritu peractum nos docent veteres feccialium libri; **** Apud illos enim nobiles pædagogianæ virgam in manibus præferentes dominorum suorum inimicis bellum denuntiabant; quod forsitan ex antiquo regum Francorum primæ stirpis usu deriuatum, qui hostibus suis bellum indicentes, legatos cum virgis confectis ad illos dirigebant, ne scilicet contingerentur ab illo, ut refert Gregorius Turonensis, quasi sagminum, & verbenarum vsum retinuissent, qui frequens apud Romanos in legationibus, ut constat ex l. sanctum. ff. de ver. iuris. Sed postquam sub Henrico I. Rege Francorum inualuit insignium gentilitiorum usus, Heraldus Domini a quo missus erat, insignia in charta depi-

* Opus. 34. c. 4.

** c. 18.

*** Epist. 172.

**** Lud. Danila.

depicta pileo, vel sago assuebat, vt ex eorum aspectu cognoscerent obuui, cuius mandato legatione fungeretur; & huiusmodi fecialis bellum denunciantis figura extat in veteri Codice de legibus torneamentorum, quem penes me habeo Ludouici VI. tempore exaratum. Hoc theatrally instructum apparatu, quadraginta diebus antequam bellum aperiretur, illi ad quem missus erat, eiusque cognationi bellum indicibat; & hoc spatium a Romanis aliquatenus mutuarum, qui post fœderis renunciationem, & res ablatas per legatos repetitas, per triginta dies solemnes ab armis abstinebant, hastamque iterum mittebant. At apud Francos quadraginta dierum terminus ita definitus, vt veluti nouo deliberandi iure, cognatis, & amicis intra illud tempus bellum excipere, vel detrectare liceret. Tunc ne inconsiderate inter vtriusque partis proximos cœdibus, & incendiis ageretur, inualuit *clamor militaris* vsus, quem sibi potentiores proprium fecerant, vt hoc decantato *bellico celeumate*, quibus staret partibus interrogatus aliquis profiteretur. Factum etiam vt exemplo regionum militum, qui in læua purpurea assuebant signa, vt ex D. Dorotheo * discimus, isti etiam togulas suas propriis *disfidati*, vel *aggressoris* coloribus discriminarent; & hoc vestimenti genus *Libratis* vocabant, quod scilicet ab exercitus ducibus illis erogaretur, & inde nos Gallice *liurées* dicimus colores, quibus Magnates familiares suos insigniunt.

Ex his ritibus satis liquet bella hæc priuata, vitio sæculi, veluti iure constituto fuisse admissa; vnde quam male procedat Baronii argumentatio aperte colligitur, & quam inique traducat Aquitanos Episcopos, quibus ea mens fuit, vt quos prima fronte exarmare non poterant, statutis induciis mitiores efficeret. Has autem vniuersæ Reipublicæ Christianæ acceptas indicat Concilium Claromontanum **, quo probatæ

F 2

sue-

* Doct. 1.

** Sub Vrban. II.

stare, & alii feriati dies constituti; *Ab aduentu scilicet Domini, vsque ad octauas Epiphania, & a Septuagesima, vsque ad octauas Pasche; & a prima die Rogationum, vsque ad octauas Pentecostes.* Additum etiam vt bona eorum qui Hierosolymas pergerent, semper & vbique essent in *Pace, & Treuga*, quousque redirent, cum antea solis clericis, mercatoribus, peregrinis, agriculoribus, mulieribus, & monachis perpetua *Pax* concessa esset, dummodo inermes essent, ceteris vero *Treuga* intra dies definitos; Ideoque recte Iuo Carnotensis * obseruat, nouam esse institutionem de tuitione Ecclesiastica impendenda rebus militum Hierosolymas proficiscientium; nam inde factum, vt plurimii huic expeditioni non zelo pietatis se accingerent, sed vt se a creditorum vexatione liberarent, vt notat Willelmus Tyrius, & hoc deinde priuilegium, tractum ad *Romipetras*, & ceteros, quos *Burdinarios* dicebant.

Amplificata sunt isthac decreta a Concilio Romano sub Paschali II. conuocato ** quo certum Ecclesiis spatium definitum, intra quod homines, & res eorum in tuto forent collocata; Huius Concilii canones non extant, sed quid in eo constitutum fuerit, deprehenditur ex Epistola Guillelmi Ausicorum Episcopi, quæ extat in Collectione Regia Conciliorum ***: In ea enim ex mente Concilii Romani statuit is Præsul, *vt Ecclesia salutatem habeant xxx. passuum circumquaque, monasteria vero LX.* quo in spatio definiendo plus monasteriis attribuit, quam maioribus Ecclesiis competebar, ex constitutione Nicolai Papæ, quæ extat in *Can. sicut antiquitus 17. quæst. 4.* *Sicut antiquitus*, inquit, *a sanctissimis Patribus statutum, statuimus, vt maior Ecclesia XL. passus habeat, capella vero, vel minores Ecclesie xxx.* Hunc ambitum, *passus Ecclesiasticos* vocat Ioannes VIII. *Si quis infregerit Ecclesiam, vel triginta Ec-*
cle-

* *Epist. 173.*

** *ann. 1102.*

*** *10. 7. 26.*

eclesiasticos passus; Innocentius III. * *canonicum spatium*, quemadmodum & in iure nostro, ambitus qui iure ciuili inter adificia relinquebatur, & ex lege xii. tabularum sextertius pes erat, legitimus dicitur in *l. i. ff. de seruis. prad. urban.* Ille vero circuitus, qui apud Gregorium Turonensem *saluatorium* dicitur, & *saluitas*, vel *saluatio* posterioribus sæculis, crucibus vndeque terminabatur, vt docent nos Acta ** dedicationis Ecclesie Sancti Martini de Cressana, anno mxxxii. ab Arnaldo I. Archiepiscopo Narbonensi peracta; quod etiam confirmatur ex veteri charta, qua Theobaldus, & Odo Comes Exoldunensis sub Philippo I. Rege, Ecclesia de Musneto, quæ iuris est Monasterii S. Sulpitii Bituricensis, *securitatem* tanto terrarum ambitu definiunt, quanto volantis sagittæ iactu poterit contineri, iubentque vbi quicuerit, ibi ex utroque cœli cardine *crucem* excitari, in *signum illius Ecclesie saluationis*; Et ex hoc more repetenda explicatio veteris formulæ loquendi, quæ frequens in antiquis monumentis occurrit, de possessionibus *intra decos sitis*, id est *intra cruces*: decus enim idem ac *decussis*, quæ olim nota in limitibus sæpe adhibita, unde *arbores decussata*, & *lapides decussati* in libris de limitibus agrorum.

Verum non modo Ecclesiarum gratia tutus ille, ac securus ambitus definitus fuit, sed si quando aliquis hunc infringeret, viri Principes etiam si bello inter se decertarent, *Treugam* solemniter sponderint, vt liberior illis esset violatæ pacis reum facultas insequendi; vetus charta Monast. Casalis Benedicti apud Bituriges anno m. concepta: *Sacramentum* quod *Domnus Gaufridus Soldunensis*, & *Domnus Rodulphus Dolensis* fecerunt de *defensione monasterii*, quod vocatur *Casale S. Petri*, & de *iustitia facienda de illis qui intra terminos parochie huius Monasterii aliquid violenter experint, scilicet, vt si talis est ille, qui intra terminos supradictos aliquid malum fecerit*, & pro

F 3

* Epist. 162. lib. i. Reg. xiii.

** Apud Castel. in memorab. Occitan. in Arnaldo

ipsis emendare noluerit, si unus ex illis non potest eum cogere ad iustitiam faciendam, ut alter alterum adiuvet potentia, qua poterit, & si guerram ad invicem habere eos contigerit, tandiu Treugam habebunt, per totam terram suam, donec unusquisque reversus sit in domum suam de expeditione illa, quam faciens supra malefactorem illum. Inde satis patet in vindicanda Ecclesiarum securitate Concilium Romanum, quod iam præcesserat, ab ipsis potèntioribus, qui ius belli sibi arrogarant, receptum fuisse, sed non ideo iratos in semetipsos animos deposuisse.

Et quidem Concilii Romani decreta firmanda fuisse, Concilio Lateranensi II. anno MCXXXIV. sub Innocentio II. coacto, ac deinde altero Lateranensi sub Alexandro III. anno MCLXXX. celebrato, a cuius solutione triennio expleto, contigit ut implacabile illud bellum *, quod inter Regem Aragonum, & Raimundum Tolosæ Comitē exarserat, apud Podium in Velau-nis sedaretur, assumpta a Principibus iconia B. Mariæ Virginis, & albo induto caputio, ex præceptione cuiusdam Fabri lignarii, qui hoc sibi cœlitus reuelatum prædicabat. Rem gestam narrat Robertus de Monte, ac magnum Chronicon Francicum, sed miraculo fidem detrahit vetus poëta Gallus **, qui hac tempestate scripsit, sic enim loquitur :

*Moult fut soutis, & soudinans,
GUILLEM CHAPVIS, & bon truans,
Qui les blancs chaperons trouua,
Et les signaux au Puy donna ;
Donna non fit, il les vendoit,
Maïstrement la gent deceuoit ;
Il en guilla plus de cent mille.*

His ad stipulatur Simeon Hedinus *** in annotationibus ad Valerium Maximum, nec diffusetur R. Pater Odo de Giffay Pres-

* Ann. 1233.

** Guyot de Prouins en sa Bible.

*** Lib. 1. c. 3.

Presbyter Societatis Iesu, in historia * quam conscripsit de B. Maria Virgine Podiensi, sed vt se res habuerit, *hanc Christi aspirationem fuisse*; vt Guiberti Abbatis verbis vtat, ** vel ex eo colligere licet, quod vniuersorum similitudines & odia, fuerint hac ratione sopita.

Imo & inter societates initæ vt imposterum deprædatores, & pacis violatores comprimerentur, vt apud Ruthenos, quemadmodum constat ex rescripto Alexandri III. ad Hugonem Ruthenensem Episcopum. Instituerant siquidem Proceres Rutheni, vt indictio pecuniaria pro ratione cuiusque facultatum fieret per parochias; vt si quæ res mobiles forent ablatae, ex collectis pecuniis refarcirentur, aut qui eas peruaserat, restituere cogeretur; sicut olim apud Atticos societas fuit Eraniatarum, vt collata symbola, socio ad inopiam vergenti succurreretur. Petiit Hugo consilium hoc firmari ab Alexandro III. quod & obtinuit. Ita Amaneus I. Aufciorum Episcopus ab Honorio III. Alexandri successore, Ordinem militum *Fidei, & Pacis* a se institutum; contra virosque turbatores voluit confirmari, vt patet ex eius rescripto in quinta compilatione Decretalium nuperrime edita relato. In quo notanda differentia, quam Amaneus constituit, inter turbatores *Pacis & Fidei*, ad vitandum errorem auctorum qui *Raptarios* Basculos, & Brebantiones, cum *Albigensibus* confundunt, quorum hæresis Nonnempopoloniam vastabat: *Raptarii* quippe milites erant, conductitii, quibus vtabantur, qui bello erant læcessiti. *Rutha* enim idem est ac turma, vnde *Rutharii*, longe diuersi a *Raptariis* qui erant rustici saltus, & squallidas terras agriculturæ parantes, quæ *raptura*, *scinda* & *ruplicia* dicuntur, eorumque nomen a terra *rupta* seu *proscisa* deductum, indeque nos ignobiles, & plebeios *Roturiens* appellamus. At contra *Rutharios*, veluti *Pacis* violatores, edixit Concilium Lateranense sub Alexandro

* Lib. 3. c. 8.

** Lib. 2. dist. 11. c. 1.

dro III. & aduersus illos instituta societas *Milium Pacis*, quæ etiam contra *Fidei hostes* erat parata, Petrobullianos, Henricianos, & Albigenſes, qui hac tempeſtate Eccleſiam erroribus ſuis ſœdabant; *Rupſarii* vero perpetua pace gaudebant, tamquam ruſtici, ceterique agricultores glebæ addiçti, vt aperte colligitur ex Epistoſa Nicolai I. ad omnes Epiſcopos; *Tempore inquit Pacis, seu Treuge nulla nocumenta aratoribus, vel peregrinis inferantur*: ſic enim legendum vt in antiquis exemplaribus, non *aratoribus* qui iure gentium plena ſecuritate gaudere debent.

At nobiliſſimo illorum Præſulum exemplo, ceteri quoque incitati, nouas leges de Pace ſeruanda propoſuere: Petit enim Henricus de Soliaco Archipræſul Bituricenſis ab Urbano III. vt in nouo Primaris aduentu Barones, & milites coram ipſo Pacem & Treugam iurarent; idem apud Cadurcos inſtituit Epiſcopus Cadurcenſis; alii quibus hæc mora longior viſa eſt, ſanxerunt vt quouis redeunte quinquennio; Pax ab Epiſcopis, & præceribus patris iureiurando firmaretur; quod etiam conſtitutum pacto reconciliationis Raimundi V. Comitis Tolofani, Eccleſiaſtica communioni a Milone Legato Valentiz Gaugarum reſtituti, cui præter Pacis obſeruantiam impoſita etiam cura, * vias ſecuras præſtandi, quæ olim ex antiquo iure Gallorum proximis viarum incolis incumbibat. Huius Treuge Valentiz Gaugarum inter dictum Comitem Tolofanum, & Legatum Romanum initæ, mentionem facit Guillelmus de Podio Laurentib in ſuo Chronico **; annotatque ſingularem in ea conditionem adiectam, milibus ſaiditis *oppida ingredi non licere, ſed per territorium ire, non in equis velocibus, ſed Roncinis, cum vno calcaris equitando ſolummodo ſine armis*. Quæ clauſula reuocat mihi in mentem veterem inaniſſionis formulam, cuius exemplar extat in Chartulario Bellilocenſi apud Lembouices; quæ huiusmodi

* *Ariſt. de mirab. Auſcult.*

** *Cap. 25.*

nafterii monachi in villis suis *Iudices seruos imponunt* (id est qui cognoscerent de causis seruorum, non secus ac Romæ Prætor peregrinus cognoscebat de causis peregrinorum :) *In tali conuenientia, inquit, ut nullus ex illis, neque de posteris eorum efficiatur miles, neque ullus item portes scutum, neque spadam, neque ulla arma, sed vnum speronum, nec habeas vestes scissas de antea, & de retro.* Manumissio etenim Libertatem quidem apud Francos, non secus ac penes Romanos conferebat, sed non ingenuitatem, ut patet ex celebri loco Thegani, Chorepiscopi, qui vitam Ludouici Pii scriptis mandauit, dum de Ebbone Remensi Episcopo humili loco nato, sic verba facit ; *Fecit se liberum, non nobilem, quod impossibile est post libertatem.* Vnde ut apud antiquos leges quædam fuere constitutæ, quibus honestorum natalium insignia non temere liceret vsurpare, ut Tertuliani verbis vtar ; sic & apud Francos singularis quædam in vestimentis nota fuit, qua nobiles a plebeiis distinguerentur, videlicet ut soli milites, id est cingulo militiæ insigniti, duobus ornarentur calcaribus : Ocrearum quippe vsus solis nobilibus reservatus, ut constat ex chronico Gaufredi * Prioris Vosiensis nondum edito circa finem, vbi sui seculi vestium deformitatem notat : sic enim habet : *Omnes adolescentes longa in ocreis, vel caligis rostra ; Ocreas olim pauci & nobiles, modo plures & plebei gestant ;* nec absimile nobilitatis indicium, veste indui in antica & postica parte, aperta : vtramque militiæ notam describit Adalbero Laudunensis Episcopus in poematio, quod scripsit ad Robertum Regem, his versibus, quos eo lubentius profero, quod nondum publici iuris facti sunt.

Est incompòsitus postea iam veste priori :

Pilleus excelsus de pelle Libyætidis vrsa,

Est vestis crurum tenuis, est curtata calaris

Finditur antèrius, nec parcit posteriori,

G

Sia

* Scriptis ab anno 998. vsque ad 1183.

1. *Alia Baldringo * cingit strictissima pecto,*
 2. *Multiplices, & res multa per cingula pendent,*
 3. *Arcus cum pharetra, forceps, & malleus, ensis,*
 4. *Ignisusque silex, ferrum quasiens simul idex,*
 5. *Ossa superficiem stringit diffusa deorsum,*
 6. *Salibus impressam pungunt calcaria terram,*
 7. *Cœpit summa pedum contortis tendere rostris.*

Ideo in Treuga Valentiaë Cauarum inita, militibus fœditis, vno
 tantum calcari pede accincto, sicut indicibus seruis incedere li-
 cuit, ad differentiam militum nobiliorum, quibus ex rescripto
 Alexandri III. de Treuga, & Pace apud Ruthenos firmata, ar-
 matos progredi concessum est; clientibus vero non enses, sed
 baculos gestare.

His, atque aliis artibus, quæ ex vario Præfulum præscripto
 variaz fucæ, tentarunt Pontifices vesanam hanc præiudici libi-
 dinem e. potentiorum animis eradicare: Non vna enim, ea-
 denique fuit vbiq; firmandæ Pacis & Treugæ ratio; vnde
 Iuo Carnutensis** recte aduertit, *Treuiam Dei, non esse communi*
lege sancitam, pro communi tamen utilitate hominum, ex placito,
& pacto Civitatis, & patria Episcoporum Ecclesiarum, esse aucto-
ritate firmatam. Decreta siquidem hæc induciæ non solum ab
 Episcopis, sed etiam a cuiusque diœceseos Proceribus, adiunctis
 magistratibus municipalibus, quos *Capita populorum* vocat Con-
 cilium Lemouicense. Agebant quippe aduersus Pacis turbato-
 res, Præfules vi anathematis, Proceres vero armis vlticibus, a
 quibus si abstinerent, censuris Ecclesiasticis ad officium, cui se iu-
 reituro obstrinxerant, reuocabantur. Sed vana & impotens
 erat plerumque aduersus viros principes hæc constitutio, nam
 qui a Rege veniam impetrabat, mox anathemate solutus erat,
 vt constat ex notissimo responso iam sæpe laudati Iuonis Car-
 notensis; qui consultus a Daimberto Archiepiscopo Senonensi,

an

* Baudrier.

** Epist. 9.

an ex præcepto Regis Ecclesiasticæ communioni restitueret, quemdam Pacis infractorem; responde a rigore descedendum, ne Regis læderetur animus, quia *Rerum temporalium*, ut inquit, *dispensationes Regibus attributa sunt*; laudatque celebrem Capitularium locum, quo definitum, eos ad communionem a sacerdotibus admittendos, quos *Regia potestas, aut in gratiam benignitatis receperit, aut mense sua participes effecerit, ut quod Principalis pietas recipit, nec a sacerdotibus Dei extraneum habeatur.* Quod desumptum est ex Concilio Toletano XII. Can. 3. in quo fancitum, eos qui pacem conturbauerint, aut in Regem infenso fuerint animo, si postea eius indulgentiam promeruerint, ab Episcopis excommunicationis vinculo soluendos esse, siue a pœna publicæ pœnitentiæ. Quare ut penitus comprimeretur in Gallia bellorum priuatorum furor, stricta opus fuit Regis prohibitione: vetita quidem hæc bella a Beato Ludouico, sed iterum rediuiua Philippus IV. constitutione Tolosæ sancita anno MCCCIII. in perpetuum extinxit: Regum enim est de Bello & Pace cauere, quia ut loquitur B. Augustinus, * *Ordo naturalis mortalium paci accommodatus hoc poscit, ut suscipiendi belli auctoritas atque consilium, penes Principes sit.* Non enim Pacem querunt sapientissimi Principes, ut bellum exerceatur; sed bellum gerunt, ut Pax acquiratur.

* *Epist. 90.*

320

III.

10. STRAVCHII DISSERTATIO DE HOSTENDITIIS

RESPONDENTE
10. REGVLO VILLINGERO
VLMENSI

IENAE MDCLXXI. 4.

§. I.

DE Hostenditiis non nisi vnico Iuris feudalis loco, *libro scil. 2. F. 40. §. 2.* mentio occurrit, quam rem sub disputationis acumen vocaturus, ante omnia in veram ac genuinam Vocis significationem paulo accuratius inquirendum esse duxi; eoque magis, quod a nullo hactenus, quod sciam, Feudistarum recte sit exposta; non enim cum exteris in *Hostelitium* aut *Hostelitis* corrumpenda est, neque cum *Herislitis* confundenda, cui vocabulo sui proprii sunt natales:

§. II. Dicuntur E. Hostenditiz, quasi Hostendienste, ab Hoste vel Ooste vocabulo mere Teutonico, quod notat Seruitium in Exercitu, vel pecuniam qua illud redimitur, eadem compositione, qua *Frohdienst*, *Herrendienst*, *Reisterdienst*, docente FREHERO *in comm. ad Imp. Karoli III. dicti Crassi Constitutionem de Expeditione Romanorum p. m. 25. & 26.*

§. III. Antiquas enim Germanorum LL. si inspicimus, deprehendemus, vocem Hoste, Hostis, idem notare ac exercitus aut expeditio: Goldast. *in glossar. quod pramissi Tom. III. Recess. & Constitut.* Hostis exercitus. ost. hoste. hueste. Ita in Lege Longobardorum *lib. 2. tit. 18. L. 5. Si res tradideris*

§

Et in hoste profectus fueris. Et L. 4. verba: *in hostem vadere* mox in eadem Lege describuntur per verba: *Expeditionem facere.*

§. IV. Eadem significatio occurrit in Lege Salica. tit. 32. §. 6. verbo. *Scutum proieciſſet in hoste Et tit. 66. verbo: Si quis hominem in hoste occiderit:* In Lege Bauariorum tit. 2. c. 4. Ripuariorum. tit. 63. Et 65. Saxonum. tit. 5. c. 1. Et passim.

§. V. Et hanc FREHERI Originationem confirmant quoque aliquot Textus Feudales, in quibus vocabulum Hostis, pro Exercitu, castris & militia sumitur. e.g. 1. F. 7. dicitur: *Tunc enim possunt deſertiri, nisi fecerint hostem Roma, Et 1. F. 20. Si infimus ſeterint, vel in hostem Regis acquiſerint,* i. e. in Exercitu & Comitatu Imp. Romanum profecti ſint.

§. VI. Unde reſelhitur Loccenii Originatione, ubi FREHERI *Ετυμολογίαν* cum laudat, addit: *Oſtendens*, quasi *as* vel *us dem* *Dienst*. Verum si priscis Germanis ex *Holt* vel *Oest* & *dienst* vocabulum est compositum, utique *hosten* non est compositum ex præpositione *us-* & articulo *dem*. Ut argutatur Loccenius.

§. VII. Atque sic satis nō fallor, investigata *Ετυμολογία*, accedimus ad ipsam *πραγματολογία*, describentes Hostenditias ex 2. F. 40. §. *ſenſiter*. hunc in modum.

§. VIII. Hostenditiæ dicuntur Adjutorium, quod faciunt Dominis Romæ cum Rege in hostem (exercitum) pergentibus, Vasaſſi. Simile Scutagio Britannorum, quod est ſervitium ſcuti in bello ferendi, domini iuvandi cauſa. Nam ſub ſcutō reliqua omnia arma militaria comprehendebantur, ut tradit *Matthæus * Crægius tractatu feudali* in Scotia & Anglia obtinente lib. 1. digeſt. XI. ubi addit, hoc ſcutagium ſervitiis militaribus accenſeri, quando publicæ expeditiones adreprimendos hoſtes ſive rebelles in ordinem redigendos ſiant: Quod ſi quis ſcutifer in ea expeditione abuſuiſſet taxatus eſt ad certam quan-

* *Thomas rectum audi.*

titatem domini feudi appendendam ; Unde nos describimus ita : Hostenditiz sunt Operz Vasalli, Imperatori debite, ad comitandum Eum in Expeditionem iturum.

§. IX. Causa Efficiens est Ius ad rem, quod ex Contractu feudali oritur Seniori in Vasallum, quippe quem, ratione rei in feudum concessa, obligatum habet ad fidem præstandam. II. F. 3. fin. 6. 7. 23. fin.

§. X. Competit igitur hoc Ius in personam Vasalli, non ratione conditionis seu status personæ, sed quatenus Vasallus habet Feudum, sub obligatione ad fidem concessum. MOLEY in Confue. Paris. tit. 1. §. 1. quæst. 5. num. 45.

§. XI. Vnde facile apparet, Domino Feudi, quatenus tali, Ius Superioritatis in Vasallum non competere ; aliud enim est esse subditum alicuius. CAREZOV. l. 4. resp. 702 n. 24. Non enim sequitur, inquit Matth. de Afflict. Ego sum Vasallus. Ergo sum subditus. add. II. F. 5. verb. si adeo. Inde etiam est, quod dicitur in pacificatione Osnabrugensi : Von der blossen Lebens- oder Affter-Lehns-Qualitat, sie kommen von Kænigreich Böhmen, oder Chur-Fürsten und Standen des H. Ræmischen Reichs, oder anders woher, entsteht die Gerechtigkeit zu reßormieren nicht &c. Idem etiam innuit Illustris SEKENDORFFIVS p. 3. c. 3. Tit. 4. Und ist sonst eben kein Regal, oder hohes Landes-Obrigkheitliches Stück, daß einer einem andern ein Stück Guts, oder gewisse Einkommen und Gerechtigkeiten zu Leben verleihet ; Sondern viel geistliche und weltliche Personen, die keine hohe Obrigkeiten sind dergleichen Lehnleute, und oft höhere, als Sie selbst sind, haben, bringet auch insgemein die Lehn-Herrschaft keine Untersachen Pflichten mit sich, wenn der Lehn-Herr nicht zugleich Lands-Fürst ist. Denique differt omnino Iuramentum Fidelitatis a Iuramento subiectionis. Germ. Huldigung, Lands-Huldigung ; Erb-Huldigung ; Erb-Pflicht. Quod subditi præstant suis superioribus. Illud ratione Rei in feudum datæ ; hoc ratione personæ, quæ in societate civili quoad personam & res, est Impe-

perans subiecta, prastatur. *vid. ROSENTHAL. c. II. concl. 34. RESOLD. thes. pract. voc. Huldigung. & voc. Lehnmann. Lehnspflicht.*

§. XII. Hoc Ergo ius ad rem non subiectionem Vasalli, sed saltem fidei prastationem importat: FIDES etenim de Essentia Feudi est. *II. F. 5. c. in epistola. de form. fidel. 2. F. 6. & est & alia. de nov. form. fidel. II. F. 7. c. dominus. §. Curia. de mil. vas. II. F. 22.* Dicitur etiam Fidelitas. *II. F. 3.* quae dupliciter in iure feudali accipitur. I. pro Fide, quae vel iuramento, vel sine eo promittitur. *II. F. 5. II. F. 6. & II. F. 7. II.* pro ipso iuramento fidelitatis. *ut in c. verum autem quid praeced. deb. II. F. 4. II. F. 24.* Et hoc quia ad naturam Feudi tantum pertinet aliquando Vasallo remitti potest. *II. F. 3. II. F. 24. v. l. nihilominus tamen ad omnia ea, quae alias iuramento, a Vasallo praestando, continentur, ipse est obligatus. II. F. 47. in fin. SCHRAEDER. part. 2. c. 2. num. 27. & c. 4. n. 14. ROSENTHAL. c. 2. c. 66. & c. 66.* Non enim omnis promissio Fidei, sed modus solum promittendi fidem per iuramentum est remissus. *d. II. F. 3. fin.*

§. XIII. Fides autem ipsa remitti nequit, nec feudum eo pacto constitui potest, ut pro eo Fides praestari non debeat, *II. F. 5. 6. 7. II. F. 22.* Vid. CULAC. *in prasat. feud. in fin. ZAS. p. III. n. 34. BORCH. c. 7. p. 1. n. 37. MOZL. de subst. feud. n. 1. & 20. MENOCH. conf. 1. n. 29. & conf. 65. n. 45. vol. 1.*

§. XIV. Quarunt autem hic Dd. An ejusmodi pactio pro non adjecta habeatur ita, ut feudum nihilominus consistat, & fides debeat: an vero hoc pactum totum vitiet actum, ita, ut nec aliud quoddam ius constitutum censetur? Pro non adiecto pactum haberi, posset videri statuendum esse. *arg. l. 14. ff. de precar. l. 1. §. 45. & 46. depositi. l. 14. iunct. l. 70. pro socio. l. 14. §. 2. comm. div.* Totum vero Actum vitari tradit BOCCARUS *tract. de subst. feud. c. 1. n. 19.* hanc asserens rationem, qui enim, dicit, aliquid negotium, quod solum contrahere voluit, intuitu agit, omissa scilicet eius substantia, is non modo idem illud negotium

cinn

cum frustra & inutiliter tractas, sed & nullum aliud negotium configere, in eo ipso censetur. *sec. text. l. 1. §. 4. de const. pec. l. 1. §. 2. π. de V. O.*

§. XY. Verum enim vero ad Questionem hanc recte decidendam, in genere notanda venit distinctio pactorum circa Essentialia adiectorum.

Vel enim illa plane sunt contra iura, & manifestam continent iniquitatem, & hæc non valent, sed habentur pro non adiectis, *vid. l. 27. §. 3. de pact. l. 29. §. 2. pro Soc.* Exempli gratia. Si in precario aut deposito convenerit, ut non nisi post certum tempus repetatur *l. 14. π. de precar. l. 1. §. 45. & 46. de positi.* Vel pacta de substantialibus Iuri non contrariantur, & tunc sunt aut præter aut contra Essentiam: Ita Contractum vel Ius alterant, non tamen efficiunt, ut alius plane Contractus vel Ius constituatur. *vid. l. 24. l. 26. §. 1. π. de pos.* Atque eo spectant pacta feudo adiecta, quibus vel plus vel minus, quam utile dominium; Vassallo conceditur: Hæc vero quæ sunt contra essentiam, ita transformant ius vel Contractum, ut alius plane Contractus vel Ius inducatur. *vid. l. 80. §. ult. π. de contrab. empt. l. 46. locat. l. 22. de præscr. verb. §. ult. Inst. de mand. verb. in aliam formam negotii cadere §. 2. in fin. Inst. quib. mod. re contrah. Oblig. l. 5. §. ult. pro Soc.* Atque huc etiam pertinet pactum, quo Obligatio ad fidem ei, cui conceditur dominium utile, renuntitur; quippe cum eo ipsa formalis ratio feudi tollatur. Non igitur pro non adiecto habetur, quia non est contra iura, utile dominium alteri contractu quodam, absque obligatione ad fidem præstandam concedere: Et feudum quidem non constituitur, sed aliud quoddam ius, siue alia quædam utilis dominii species oritur. *arg. dd. text. ROSENTHAL. l. c. 2. concl. 57.* Ratio insuper ex EO-CERO relata non obstat; distinguendum enim est; aut constet quod partes noluerint ipse alium Contractum, quam illum, quem expresserunt, nec ex alio velint esse obligati, & tunc non observatis iis quæ ad illum Contractum requiruntur, vitatur omni-

omnimodo actus, quo de casu est alleg. l. 1. §. 4. π. de confus. pec. & l. 1. §. 2. π. de V. O.

Aur vero constat, quod contrahentes velint esse omnino obligati; quando videlicet Contractum partes quidem celebrant, sed per expressum pactum eius essentiam alterant vel transformant; & totus actus non vitatur, sed propter voluntatem expressam paciscentium aliud negotii genus oritur, ut modo diximus. vid. Magnif. Dn. D. STRUVE. S. F. c. 2. aph. 6. fin. SCHRADER. p. 2. c. 2. n. 34. & seqq.

§. XVI. In quo vero FIDES illa, ad quam Vasallus se obligat, consistat, traditur II. F. 6. & patet quoque ex formula iuramenti proposita. II. F. 7. cuiusmodi etiam hodie adhiberi solet. V. SCHNEIDEVVIN. epit. feud. p. 5. c. 1. SCHVLZ. c. 9. n. 35. WERN. ab EHRENB. tract. de fœder. c. 1. BOCER. d. tr. c. 4. n. 20.

§. XVII. Et quidem in genere Eadem consistere videtur, in Reverentia Domino a Vasallo exhibenda; Taciturnitate, & Utilitate Domini. V. VULTEL. de feud. lib. I. c. V. WESENBECK. c. 9. n. 10. HART. HARTM. lib. 2. de feud. observ. 30. CYRT. IVN. p. 4. n. 1.

§. XVIII. Ad Reverentiam Vasallum merito obligat collatum Beneficium, arg. l. 25. §. 2. π. de petit. hered. de qua videantur text. II. F. 22. vers. curia autem. & II. F. 25. vers. quomodo enim. ex quibus & aliis patet, Vasallum ita se gerere debere, uti erga illos faciendum est, quorum persona sancta & honesta videri debet. l. 9. π. de obseq. parent. & patron. prestand. SCHRADER. part. 6. c. 6. n. 101. & p. 10. sect. 5. n. 127. SCHNEIDEWIN. p. 5. n. 115. seqq.

§. XIX. Non igitur criminis alicuius Dominum Vasallus accusare potest. II. F. 33. §. item similiter. 24. §. item si delator. Excipitur a Dd. Crimen perduellionis & læsæ Maiestatis, de quibus criminibus dominum a vasallo recte accusari volunt. MATTH. de Afflict. d. II. F. 24. §. item si delator. n. 13. SCHENCK, BARO. ibid. RITTERSH. lib. 2. c. 1. quæst. 8. LVDWELL. arg.

Nov. 115. c. 1. §. 3. in *Synopf. Feudal. cap. 14. p. 364.* SONSEEC. p. 12. n. 48. Nec actionem famosam aut exceptionem adversus Eum intentare. arg. c. *est & alia. de nou. form. fidel. II. F. 7. l. 10. §. 12. π. de in ius voc. l. 1. c. 1. de dol. l. 2. & l. 5. π. de obseq. par. & patron. praest. l. 4. C. cod.* Hinc nec interdicto unde vi adversus dominum vasallum experiri posse Dd. tradunt. arg. l. 1. §. 43. π. de vi & vi arm. II. F. 22. verb. *salua reuerentia.* Vid. ALVAROTT. ad d. c. 22. p. 2. n. 9. ZAS. p. 11. n. 23. Dn. RITTERSH. lib. 2. c. 1. *quest. 7.* HVNN. c. 13. p. 355. ubi ad contraria respondet. LVDWELL. *Synopf. Feud. c. 14. p. 365. Diff. VULT. 1. F. c. 11. n. 27.* ROSENTHAL. c. 10. *concl. 23. n. 3.* BORCH. c. 9. n. 18. tamen prior Opinio & communior est & varior per textum in c. *dominus. II. F. 22.*

§. XX. Quæri insuper hic solet, an propter reuerentiam hanc Domino debitam, Vasallus sine venia dominum in ius vocare queat?

Qua de re variæ sunt Dd. Opiniones, vt videre est ap. ALCIAT. ad L. 1. C. *de in ius. voc.* VULTEL lib. 1. *de feud. c. X. n. 32.* Dn. RITTERSH. d. c. 1. *quest. 14. & 15.* NIELL. D. *de feud. 10. ib. 4. B.*

§. XXI. Sunt enim qui *Negant.* arg. l. 13. & 14. π. *de in ius voc. & l. 2. d. tit.* Quos inter est ZAS. *epit. feud. p. 7. n. 47.* OLDENDORP. *class. 1. act. 4.* HART. HARTM. in *Observ. pract. tit. de feud. Obs. 44. in addis.* Vbi Præiudicium Cameræ Imperialis in Negatiuam sententiam allegat. SICHARD. *consil. feud. 8. quest. 1.* vbi itidem pro Negatiua aliquando Tubingenfes consuluisse perhibet.

§. XXII. Sunt etiam qui *Affirmant.* cum Gloss. ad d. c. *dominus II. F. 22.* ibique ALVAROTT. n. 8. BALD. n. 24. IVL. CLARVS. d. c. *feudum.* FACH. 10. *controu. 89.* CANTIVNC. *consil. 2. n. 7.* & complures alii relati a CAMILLO FORELLO. in *sum. decis. tit. 45. n. 730.* MINSINGER. 4. *observ. 92. in fine.* GAILL. *de pignor. c. 15. n. 4.* ROSENTHAL. 5. *Feud. 69. lit. b. & BORCH. c. 10. de feud. n. 38.*

Qui

Qui posteriores vno ore confitentur, quotidie in Camera Imperiali Affirmatiuam obseruari.

§. XXIII. Verum enim vero, licet Affirmatiua verior esse videatur, eo etiam quia propudiosa in Ius vocatio, qua olim antagonistam vbicumque deprehensum propria auctoritate prehendere, & invitum obtorto collo ad prætorem trahere actori licebat, hodie sublata est, adeoque cessante ratione impetranda venia, cessat dispositio. V. B. CARPZOV. *ad p. 1. C. 2. n. 26.* Nihilominus tamen modeste ac reuerenter adhuc Citatio impetranda erit. vid. ROSENTHAL. *vol. conclus. 33.* SCHNEIDWIN. *epit. feud. part. 5. n. 119.* CLAR. *c. feudum. quest. 25.* MTNSINGER. *4. Obseru. 92.* CARPZOV. *p. 1. c. 2. definit. 26.* Magnific. Dn. STRUV. *S. F. cap. XI. apborism. III. & S. I. C. Exercit. 5. ebef. 9.*

§. XXIV. Porro Honor domino debitus exigit, ne Vassallus testimonium dicat aduersus dominum *II. F. 33. §. similiter. arg. l. 4. §. de Testibus. l. 12. C. eod.* Neque in criminali causa, neque in ciuili modica *d. tex. II. F. 33. §. similiter. & §. seq.* In ciuili vero non modica seu magna testari contra dominum impune ipsi licet. Quamuis nonnulli sint, qui cum CUIACIO & GOTHOFREDO hunc Textum variis modis corrigant, & dictam particulam modica, modo huc & illuc transponant: Nobis tamen res clara esse videtur; cum Ratio prioris sit hæc; quod in criminali quidem causa non liceat, propter graue quod inde sustinet dominus dispendium. *II. F. 24. c. item si delator.* Liceat vero in Ciuili, quod istiusmodi graue dispendium in ea cessit, adeoque merito iusta causa aduersarii testimonio vassalli adiuuetur; In causa autem modica cum non multum profuit aduersario testimonium vassalli, & tamen ista causa molestius sit aduersarius domino, ipsique negotium faceßat, iura feudalia in tali causa, vassallum testimonium perhibere noluerint. Vid. ROSENTHAL. *& alleg. c. 10. concl. 23. n. 25.* Dn. D. STRUVE. *S. F. c. II. ib. 3. n. 3.* BOCER. *tract. de iur. & comm. senior. c. 2. n. 4.*

Vel etiam hæc Ratio esse potest; quod in causa Ciuili modica testimonium contra dominum dicere prohibetur: Quia sc. contra eum vasallus prouocatur cui Obsequium debet: Ergo non adeo promptus debet assurgere, nisi Iustitiæ fauor præponderet; & causæ magnitudo eum excuset, tanquam necessitate ad hoc coactus fuerit. Vid. MOESTERTIVS. *D. F. VL thes. 9. in fin. conf.* SONSBECK. *p. 12. n. 68.* STEPH. GRATIANVS. *3. discept. for. 597. num. 1.*

§. XXV. Ceterum hanc Testimoniū prohibitionem tam in causa Ciuili quam Criminali, Dd. ita explicant & simulant; Eam scil. procedere in causis non feudalibus; quoniam in causa feudali super inuestitura negotio etiam contra dominum recte testimonium fert vasallus. ZAS. *pag. 10. num. 49.* SETZ. *D. feud. 9. thes. 8. lit. C.* Deinde si non sponte, sed coactus Testimonium dixerit. Hoc enim casu eum excusari Dd. tradunt GLOSS. *in d. c. prima autem. c. 2. vers. item si delator. II. F. 24. Et d. c. sciendum. §. similiter. II. F. 33.* Si enim vasallus ad testimonium contra dominum vocatus resistat, & nihilominus a Iudice vel Magistratu cogatur, tunc absque periculo testimonium perhibere potest. Docente ALVAROTT. MATT. *de AFFLICTIS. in d. text.* FRANC. CVRT. *part. tract. feud. 4. caus. prin. 32. n. 7.* Cum nulla ipsi Culpa imputari possit. ZAS. *d. p. 10. n. 49.* VULTEL. *lib. 1. c. 11. n. 42.* IACOB. de S. GEORG. *verb. dictique vasalli promiserunt. num. 25.* MOZZ. *ex quib. caus. feud. amitt. num. 32.* atque se in factū contingentiā aliquoties vidisse seruari, testatur BORCH. *c. 8. n. 128.*

§. XXVI. Ex Eadem præterea Obligatione ad Reuerentiam fluit, quod non possit exigere a domino vasallus iuramentum calumniæ. *II. F. c. 33. in quibus.* Idque siue vasallus iuramentum fidelitatis præstiterit, siue non. Nam quod nonnulli posteriori hoc casu tam dominum, quam vasallum de calumniā iurare oportere volunt, GLOSS. *in d. c. in quibus. ibid.* ALVAROT. & SCHENCK. BARO, *ad d. c. d. HARTM. d. obs. 45.* BORCH.

c. 10. n. 40. & alii, recipiendum non videtur, tum quia *text. in d. c. sciendum. c. 1.* indistincte loquitur, tum etiam quod ratio propter quam iuramentum Calumniæ remittitur, non tantum sit iuramentum fidelitatis semel præstitum; Sed etiam, & quidem præcipue mutua Reuerentiæ & Fides, quam sine iuramento quoque sibi inuicem debent dominus & vassallus, c. *in epistola. in fin. de form. fidel. 2. F. 6. VULTEL. lib. 2. de feud. c. 3. n. 8. ROSENT. d. c. 12. concl. 13. n. 58. SETZ. disp. feud. ult. sb. 16. lit. A.* Neque etiam distinguendum puto inter iuramentum calumniæ antiquum siue speciale, quod præstari solet ab eo, qui alteri iusiurandum in iudicio desert; & nouum seu generale, quod a Iustiniano introductum, initio Litis ab utraque parte præstandum est. l. 2. C. de iureiur. propter calumn. ita, vt cum NOTTMANNO & CUIACIO Textum de priori accipiamus, l. 16. w. de iureiur. de posteriori vero negemus, l. 34. §. 4. w. cod. Hanc enim Legem 34. §. 4. quod attinet, correctione aliqua eam indigere cum CUIACIO 9. Obs. 37. existimamus, ita vt legendum, æque patrono atque parentibus remittitur: quam selectionem præter l. 8. c. 5. w. qui satisd. cog. confirmant libri Basilicorum, in quos d. §. ita translatus: Οὐπαγων πρὸς τοὺς ὁμνιστοὺς πρὸς συκοφαντίας, ἢ ἀνὰ πατρίαν, ἢ ἀνὰ ὁμνιστοὺς πατὴρ, ἢ πᾶσι τῶν Lib. 22. tit. 5. l. 34. edit. Fabrot. tom. 3. fol. 138. vbi etiam in Scholiis lit. K. fol. 162. additur Ratio: ἐπὶ ἀνιόντες τοὺς συκοφαντικὸν ὅρκον ὁμοίως ἢ καὶ οἱ πᾶσι τῶν δέποτε ὁμνήσωσιν. ὅτι ἢ ἐχθρὰς ἀποφύγας ἀποφύγην. ἢ γὰρ οἱ αἰὲν εἰσι συκοφάνται. Atque hæc Ea ipsa videtur esse Ratio, quod Dd. communiter Textum generaliter intelligunt, vt nullum omnino iuramentum calumniæ dominus & Vassallus vnquam præstare cogantur. Gloss. in d. c. sciendum. §. 1. ibique ANDR. de ISERN. n. 8. BALD. n. 1. & 2. ALVAROTT. n. 1. & alii. Nisi forte vltro quis ad iusiurandum se obtulerit, quo tamen casu alteri parti necessitas præstandi non imponitur: cum suo quidem iuri quilibet renunciare possit, sed aduersario ius quasitum auferri nequeat.

BALD. ALVAROT. PRÆPOS. & SCHENCK. BARO. *ad d. c. sciendum, c. in quibus. ROSENTHAL. d. concl. 13. n. 48. WVRMSER. lib. 1. tit. 14. Obs. 7.*

§. XXVII. Ceterum dicta Reuerentia Vassalli erga Dominum requirit etiam, ut Vassallus, casu eueniente, renouationem inuestituræ iusto tempore a Domino petat, *II. F. 40. II. F. 24. pr. I. F. 22.* eo quod petitio Inuestituræ sit signum deuotionis ac Reuerentiæ, quam Vassallus Domino suo exhibere debeat. *arg. c. prima autem. pr. que fuit prin. causa. benef. amitt. II. F. 24.* ibique Feudistæ communiter. teste BORCH. *c. 7. n. 30. CVRT. IVN. p. 4. n. 45. MOZZ. de substant. n. 4. SCHNEIDEWIN. p. 5. n. 4.* Est autem hæc Renouatio nil aliud, quam confirmatio & quasi redintegratio Inuestituræ de feudo primitus factæ, *c. inuestitura. pr. ibique Gloss. 2. F. 3. VULTEL. I. F. c. 7. n. 96. seq. MENOCH. consil. 66. n. 28. & 40. vol. 1.* Feudistæ communiter. *in c. 1. de probib. feud. alien. per Lothar. & in autb. hoc ius porrectum C. de SS. Eccl.* Hæc enim nihil noui iuris addit, sed id, quod inuenit, confirmat SCHENCK. BARO. *in c. 1. n. 1. quid preced. deb. SCHRADER. p. 6. c. 3. n. 29. seq.* Vnde perhibent renouari debere feudum per inuestituram sub eadem forma & pacto, quo prima Inuestitura facta fuit, BARTOLVS *in l. quod dicitur. n. 9. w. de impens. in rem. dot. fact.* BALDVS. *in l. 1. quæst. 15. w. de R. D.* quomodo inuestituram esse renouandam iudicauit Camera Imperialis, 23. Ianuarii. *An. 1544.* adeoque in feudo renouato repetitas censerī omnes qualitates inuestituræ primæ, BALD. *in l. unica. n. 31. C. quando non petent. part. ALEX. cons. 30. n. 6. vol. 1. & cons. 107. vol. 4.* Toties vero hæc Inuestituræ Renouatio est petenda, quoties persona vel Domini vel Vassalli mutata est, puta, alterutro vel utroque mortuo. *c. 1. pr. vbi isern. BALD. ALVAROTT. & AFFLICT. quo tempore miles. IACOB. de s. GEORG. in inuest. verb. dictique vassalli. n. 2. CVRT. IVN. p. 4. n. 54. ZAS. p. 10. n. 16. SCHRADER. p. 6. c. 1. n. 1. ROSENTHAL. c. 6. concl. 30.* A quibus autem Eadem petatur, vel etiam qui petere

rere Eandem debeant, prolixè nos docent Feudistæ *ad c. inuestitura c. 1. per quos fiat inuestitura. II. F. 3. 2. F. 26. & 2. F. 77. conf. LVDWELL. Synops. Feud. §. 11. p. 289. & imprimis Eius Tract. de Renou. Inuestit. cap. 10. VULTEI. lib. 1. c. 7. n. 134. quæ omnia & singula hac dissertatione complecti nequimus, cum breuitas nobis pro Lege sit.*

§. XXVIII. Illud autem adhuc Obseruationem aliquam mereri videtur quod hæc Inuestituræ Renouatio peti debeat intra annum & diem, *d. c. prima autem. pr. 2. F. 24. d. c. Imperialis. §. fin. 2. F. 52. & d. c. Imperialem. in fin. pr. 2. F. 55. ARDIZ. in summ. feud. c. 42. & 72. CVRT. IVN. de feud. p. 4. n. 24. DVAR. de feud. c. 14. n. 2. WESEMBEC. conf. 148. n. 12. seqq. PARIS. conf. 101. n. 31. vol. 1. FORCATVL. de feud. c. 4. pr. COLER. decis. 83. n. 1. FERRAR. 3. coll. 6. Neque hic obstat. c. sancimus pr. quo temp. mil. inuest. pet. 1. F. 22. In quo annus & mensis requiri videtur. Hinc diuersæ Dd. opiniones hac de re. Alii enim cum HOTOM. & CUIACIO textum corrigendum, & pro voce *mensis*, *diem* legendum esse existimant: Alii speciale quid esse, adeoque solis *militibus* fauore *militie* indultum autumant, quos inter est LVDWELL. *Synops. feud. c. 2. p. 294. MTNSINGER. d. cent. 5. Obseru. 9. ROSENTHAL. c. 6. concl. 30. n. 7. Alii denique cum VLTEIO & STRUVIO asserunt, iure quidem annum & diem definitum fuisse, iuxta textus allegatos; non tamen ita strictè obseruatum in iudiciis, sed si Vassallus post lapsum anni & diei venisset, intra spacium 29. dierum moram commissam, celeri quadam satisfactione pro purgata habitam fuisse: per d. c. 1. quo temp. miles. quod innuere videtur particula *VLTRA. d. c. 1. Adeoque diem in iure feudali, non naturaliter, sed ciuilitè accipiendum esse, ita vt non vnus dies, sed aliquot dies vltra annum intelligantur, author est SIER. REVSNERVS. colleg. feud. disp. 4. tb. 19. & FINCKELTH. disp. 7. contr. 16. Quot autem dies indulti sint moribus Longobardorum, exprimitur d. 2. F. 22. vbi anno mensis adiicitur. Et hæc Explicatio confirmatur***

tur Iure Saxonico : quo itidem formula annus & dies, *Jahr und Tag*, non denotatur annus & vnicus dies sed plures dies vltra, annum, nimirum sex septimanæ cum tribus diebus. *LandR. lib. 1. art. 28. Gloss.* Et quoad hanc ipsam Renouationem Inuestituræ antus & dies explicatur per sex septimanas. *LebnR. c. 22. & 25.* Atque hæc Sententia, vt benignior, recipi omnino meretur.

§. XXVIII. Dicta Vasalli erga Dominum Reuerentia quæ requirit, vt Instrumentum Inuestituræ, & sic titulum possessionis suæ edat. *Gloss. in §. Imperialem. §. illud quoque 2. F. 55. HARTM. PISTOR. p. 2. quest. 46. NICOL. INTRIGL. de feud. art. 84. fin. cent. 2. pro iustificanda scil. possessione feudali :* Ita enim germanice dicunt : *Lebns-Iustification.* Atque huc pertinet vsurpata hæc in re Clausula : *Die vorigen Muthzeddel in originali, dem hiesigen Cantzeley-Gebrauch gemäß mit zur Stelle bringen.* Non tantum autem in iudicio, sed etiam extra iudicium petenti domino vasallus Instrumenta Inuestituræ edere tenetur. *arg. l. Titius hæres. vbi Alberic. w. de act. empr. ISERN. in c. 1. §. illud quoque de probib. feud. alien. per Frider. BORCH. c. 8. n. 117. IASON. in pralud. feud. n. 51. WESEMBEC. d. consil. 195. n. 164. seqq.* Atque hæc de Reuerentia dicta sufficiant.

§. XXIX. De Taciturnitate res est expedita quod Vasallus non possit pandere secreta domini sui. *Gloss. in c. de forma. 32. quest. fin. & regulare id esse respondit DECIANVS cons. 27. n. 23. vol. 1.* Adeo, vt vasallus reuelans secreta, id est, dicta vel facta Domini sui, feudum amittat. *per sext. in c. 1. quib. mod. feud. amitt. BALD. in c. 1. verb. credentia. de pac. Const. & in l. nullum. C. de Testibus. IASON. consil. 87. & 89. CRAVET. cons. 224. n. 6. CÆPOL. consil. 39. n. 29. quam rem valde esse periculofam, dicit WESEMBEC. de feud. c. 15. n. 6. ideoque monet tria desiderari, vt ex hac causa feudum amittatur. 1. Vt Vasallus id fecerit scienter & dolo malo. d. c. 1. quib. mod. feud. amitt. 2. Vt id fecerit animo afficiendi dominum damno. d. locò. Gloss. &*

& AFFLIGIT. in c. 1. quib. mod. feud. am. SCHRADER. p. feud. 3. n. 1. RACIAN. 2. de probat. 40. n. 150. 310. ut reuera damnum inde sit fecurum. ZASIVS p. 10. n. 34. seqq. SONSBEC. p. 11. n. 62. MOZZ. ex quib. causis. feud. in n. 35. Quod postremum tamen non semper requiritur, cum nonnunquam feudo priuari possit vassalus, si modo eo animo reuelauit, ut domino noceret GIGAS de crim. Les. Maigst. quist. 21. n. 8. BORGHOLT. c. 8. n. 127. Controuersia autem Vassallo si ea de re incidat, ipse probare debet malitiose a se secreta non esse reuelata, ALVAROT. in c. 1. quib. mod. feud. am. ZASIVS p. 10. n. 35. CVRT. IVN. de feud. part. 4. conf. 37. n. 76. fin. SCHRADER. 9. feud. 9. n. 44. 50. seqq. 5. part. 9. sect. 12. n. 34. BARDELL. 1. conf. 101. n. 57. seqq. ROL. a VALLE. conf. 1. n. 89. vol. 3. Sed probe hic notandum, quod scribit HEIGIVS 2. quast. 40. n. 48. nimirum si vassallus conuincatur secretum domini reuelasse, ipse autem contendat, se id non mala mente & animo fecisse, eundem iurare debere, se id eo animo non fecisse, ut domino noceret. Atque hoc etiam affirmat IACOB. de s. GEORG. in verb. distique vassalli promiss. comm. fel. n. 28. Sed SCHRADERVS. sup. tit. loco. contrarium tenet, atque vassallum hoc casu ad iurandum admitti non debere asserit. Cuius Sententia verior & conscientiae tutior esse omnino videtur.

§. XXX. Ad vtilitatem denique & Incolumitatem Domini promouendam, quouis loco ac tempore Vassallus omnino est adstrictus; Commodum autem domini promouet, & damnum eiusdem auerit in genere quidem ita se gerendo, ne vel omittendo vel committendo obstit. 1. Vitæ & corporis INCOLYMITATI & SECVRITATI. 2. Bonorum VTÆ, FACILI & POSSIBILI conseruationi aut acquisitioni; aliiue VTILITATI; & HONORI domini. 2. F. 5. 6. 7. Vid. ANDR. KOHL. de serm. feud. l. 4. n. 12. seqq.

§. XXXI. In specie vero Vtilitatem domini promouet Vassallus per Seruitia feudalia: siue vassallitica, & militaria. Lehen ador Rittersdienst. 3. F. 23. fin. 2. F. 55. c. firmiter. conf. 1.

F. 5. pr. 19. 20. 21. 2. F. 12. 21. 26. §. beneficium. Est enim de Natura feudi, ut vassallus domino suo eo nomine servitia praeftet, *per. c. 1. §. firmiter. de prohib. feud. alien. BORCH. in c. 1. n. 39. ARDIZ. rubr. 33. MOLIN. in consuetud. Parisiens. de feud. tit. 1. n. 57. & 53.* Non vero de Essentia feudi est: quia feudum etiam ita concedi potest, ut nulla omnino a Vassallo praestentur servitia, *arg. c. significavit. 41. X. de testib. & attestat.* Quod feudum Francum sine liberum appellat *BALD. in pratud. feud. n. 53. ALVAROT. in pratod. diuis. 2. ZAS. pr. ult. n. 36. SCHRADIER. p. 8. c. 2. n. 32. CVRT. tr. feud. p. 1. quæst. 8. n. 27. ARVM. D. F. 1. th. 38. DEC. conf. 193. n. 4.* adeoque salua feudi essentia pacto fieri potest ut servitia vassallo plane remittantur. *ISER. in c. 1. n. quib. caus. MOZZ. de accident. feud. n. 31. ANDR. KOHL. de servit. feud. p. 1. n. 5. 6. 7. seqq. MENOCH. conf. 1. n. 31.* Iam vero quæ formæ sunt, ea ex pactis immutari nequeunt: Servitia igitur non de substantia, sed saltem de feudi natura esse ex dictis constat. Neque etiam hic obstat, *c. 1. in quib. caus. feud. amitt. ex. F. 23. vbi servitiorum expressa in descriptione fit mentio:* quoniam ad ea respexit Feudista, quæ ex natura feudi insunt, etiam si nihil de iis dictum vel actum fuerit. *ISER. ad d. c. 2. Oberm. n. 9. SCHNECK. num. 3.*

§. XXXII. Consistunt autem illa servitia, in Opera, qua tam belli quam pacis tempore, consilio atque auxilio, domini vita, corpus, honorque defenditur, territorium aliæ huius ac iura conservantur atque augentur: Quæ opera regulariter est militaris, & equis armisque præstat: unde vocari consuevit, *Ritterdienst. Rich. 1. F. 5. pr. 19. 20. 21. 22. F. 12. 21. 26. §. beneficium.* Eaque secundum communem feudi naturam est indeterminata, sed moderate a domino exigenda, & cuiusque loci consuetudo, ut & quantitas feudi attendenda est. *ROSENTHAL. c. 8. concl. 4. n. 3. GAIL. 2. obs. 62.* Unde plerumque recurri solet ad schedulas iustrationis. *Musæ. oper. Forixettel.* Vi quot equis delectu facto quis comparuerit, tot servire obligatus esse præsumatur. *KNICHEN. de pact. test. p. 1. c. 5. n. 19. de iur. iur.*

c. 3. n. 366. Quandoque vero in Inueſtituris hæc Opera determinata reperitur. v. gr. vt vaſallus vno, duobus tribusue equis fit præſto, daß er das Lehn, mit einem, zwey oder drey Ritter-Pferden bedienet. IACOB. de S. GEORG. tract. de feud. verb. Et promiſc. HËIG. 1. quaſt. 18. n. 12. 14. BOCER. c. 4. n. 30. Vel etiam ſi exigua ſunt feuda, vt ratione duorum vel plurium feudorum vnus alatur & mittatur cum milite equus: Daß das Lehn ein halb Ritter-Pferd oder weniger baſſe. KOHL. de ſeru. feud. p. 4. n. 95. ANTON. diſp. feud. 7. lb. 3. lit. C.

§. XXXIII. Præſtanda autem domino eſt a Vaſallò hæc Opera militaris, quando Eadem indiget, Dominum autem Ea indigere, cum facti ſit, quod diuinare citra denunciationem Vaſalli nequeant, ſequitur, iſtiusmodi operam omnino prius Vaſallis intimandam ab iisdemque ſpecialiter petendam eſſe. arg. pr. noſtri textus. verb. in petend. hoſtendi. Et c. ſecundi Conſtitutionis Karolin. his verbis: Annus cum ſex hebdomatibus ad præparationem nobiſcum eunſum pro induciis detur, Et per totum taliter regnum fidelibus noſtris indiſcetur. Vaſallus etenim non niſi requiſitus ad ſeruendum ſeſe ſiſtere tenetur. 2. F. 26. §. licet. F. 28. §. ad hoc. 2. F. 37. in fin. conf. ZAS. p. 7. n. 27. BORCH. c. 1. n. 24. Et ad ſeruitia præſtanda, quando iis opus, 1. F. 21. interpellatio ſiue Indiſtio omnino eſt neceſſaria. diſt. 2. F. 26. §. licet. Et ſſ. c. firmiter. Quæ olim ſcripto aut voce præconis fiebat & illa Latinitate dicebatur Bannus, mulcta autem emanentis Heribannus vocabatur; Et indicebatur in duorum hominum ſiue comparium præſentia; vti nos docet vetuſtus quidam Auctor de Beneficiis. c. 9. Et textus aliquis feudal. lib. 2. F. tit. 54. de Alloidiis ita conceptus: Si de vocatione legitima a Domino ſuo conuincti per comparēs ſuos poterit, feudum perdat; Et dominus in ſuos uſus illud habeat redigendi liberam facultatem. Ceterum de iure communi feudali talis interpellatio ſiue Indiſtio vel generalis eſt, quæ fit per ſolam certiorationem, ad hoc vt parati ſint Vaſalli; vel ſpecialis. 2. F. 7. quæ fit periculo appropinquante,

quando locus simul indicatur lustrationis, vbi comparandum sit Prioris Exemplum exhibent hæc Litteræ Euocatoria, quas adhuc adicere haud superuacaneum esse duximus; quarumque subiecta Copia ita sonat; Von Gottes Gnaden, Iohann Philipp, Herzog zu Sachsen &c. Lieben getreue, weil sich die Gefahr im Heil. Römischen Reiche, von Tage zu Tage besorglicher ansetzt, in demselben allerhand gefährliche motus und Kriegs-Empörungen sich hin und wieder ereignen, also, daß wir unumgänglich verursacht und bewogen werden, (obngeachtet wir mit niemandem in ungunen zu thun) unsern Sachen in gute Acht zu nehmen, wie wir und unsere Lande und Leute so viel möglich vor unbilllichem und unverschuldeten Gewalt, vermittelst des Allmächtigen genädiger Verleybungen gesichert seyn und bleiben möchten; als begehren wir vor uns und die Hochgebohrne Fürsten, unsere freundliche geliebte Brüdere und Gvattern Herren N. N. &c. Ihr wollet Euch, vermöge eurer Pflicht, mit den Pferden und Knechten, mit welchen uns, und genannten unsern geliebten Brüdern, auch unsern freundlichen lieben Vettern, Fürstl. W. Livien Ihr zu dienen schuldig, also und der Gestalt gefast machen; Daß ihr auff ferner unser Zuschreiben an dem Orte, dahin wir Euch ersfordern möchten, bey Tage und Nacht ohne Auffenbleiben erscheinet, und Euch hucan nichts als Gottes Gewalt, verhindern laßet. NB. Im Fall Ihr aber durch Leibes-Üngeliegenheit davon abgehalten wüdet, nichts desto weniger eine solche Person, damit wir zu frieden seyn können an eure Statt samt zugehörigen Pferden und Knechten obsehlbar schicket, und solches nicht anders haltet. Daran geschicht unsre zuverlässige gantzliche und gefallige Meinung. Datum N. am 24. Marz. Anno. 1626.

§. XXXIV. Quando itaque hunc in modum petitius ac requisita fuit hæc opera, tunc omnino quoque a Vasallo Domino erit præstanda, & quidem iuxta Indigentiam Eius tam belli quam pacis tempore cum sc. in periculo est constitutus, 2. F. 7. §. 26. §. licet. 28. vers. adhuc maxime autem cum guer-
ram

ram facit. 2. F. 28. pr. c. *domino*. modo causa iusta & rationabilis sit; tunc enim vasallus dominum tam in defendendo quam offendendo omnino adiuuare tenetur 2. F. 7. c. *est & alia*. *vers. est seiuero*. ZAS. p. 7. n. 27. BORCH. c. 7. n. 45. Idem dicendum si causa dubiabit. c. *domino*. 2. F. 28. quoniam determinatio istius dubii ad vasallum non pertinet, sed debet obsequi domino suo, cuius persona, ipsi sancta & honesta videri debet. arg. l. 9. *de obseq. par. & patr. prestand.* BALD. ad d. c. *domino*. Si vero causa notorie & euidenter sit iniusta vasallus domino auxilium prestare non tenetur. c. *vers. est seiuero*. de non. for. fidel. ZAS. p. 7. n. 28. BORCH. c. 7. n. 44. MENOCH. *consil.* 281. n. 32. vol. 3. Si tamen dominus, etiam iniuste bellum gerens, in magno periculo constituitur, defendere ipsum tenetur vasallus. 2. F. 28. *verb. adiuuet eum ad eius defensionem*. Vid. ROHL. p. 3. n. 46. *segg.* Ratione etiam personæ domini considerandum est, quod bannitum seu proscriptum. 2. F. 28. *Ordn. des Landfried. rubr. die Potn der Friedbrecher*. CAREZ. *prax. crim.* p. 3. *quest.* 140. GALL. lib. 2. de *pac. publ.* item excommunicatum. d. 2. *Feud.* 28. *inquit.* c. *pon. & vlt. st.* vasallus adiuuare non teneatur. vid. ROHL. p. 3. n. 59. *segg.*

§. XXXV. Hanc Operam vero vasallus domino prestare tenetur contra omnes. *per d. est & alia*. 2. F. 7. Excipitur autem I. Imperator, Rex, seu Princeps. 2. F. 7. 55. *in fine*. quare regulariter subditi Maiestati resistere nequeunt, sed potius iniuriam illatam tolerare debent. GROT. *in aureo lib. de Iur. Bell.* c. *pac. l. 1. c. 4. n. 1. segg.* II. Dominus antiquior. 2. F. 28. *in fin.* qualis non tantum est is, cui prius iuramentum praestitum est, sed & ille, cuius vasallus iam antea est, qui nunc feudum accipit c. *Imperialis*. *Se fasus bene. de prohib. feud. al. per Lotb.* 2. F. 52. Adeo vi neque etiam per substitutionem vasallus posteriorem contra priorem dominum adiuuare possit. *per d. 2. F. 28. c. fin. add. HUNNIVS c. 13. p. 323. 310.* III. Excipitur patria vasalli. arg. l. 38. n. *de relig.* c. *sumpt. fun.* BORCH. c. 7. p. 49. SCHENCK-BARD.

z. 4. de non. form. fidel. RITTERSH. c. 1. quæst. 24. adeo ut si dominus vasalli sit proditor ipsius patriæ, ipse accusari possit a vasallo. Gloss. in c. 1. quæ suis prima causa. cum alias hoc facere nequeat. de sup. docuimus. IV. denique excipitur ipsa persona vasalli, quia ordinata charitas a seipsa incipit. arg. l. 6. C. de seru. & in generali persona loquentis excipitur. l. 29. §. ult. π. de pign. & hypoth. l. 18. C. de solus. & l. 9. π. de pignor. & hypoth. & l. 9. π. de seru. Gloss. ad d. c. fin. ibique BALD. & ALVAROTT. BÖRCH. c. 7. n. 41. Vnde etiam recte dicitur: Vasallum non teneri vitam suam postponere vitæ Domini. Gloss. in §. si clientulas. de alien. feud. l. F. 13. SPEC. de feud. §. quoniam. FRECC. de sub feud. lib. 2. autor. 4. KIRCHOVIVS. in thes. comm. opin. lit. V.

§. XXXVI. Non autem hic excipitur pater vel filius. *z. F. 28. in fin. & z. F. 55. §. insuper.* Dilecte enim consuetudinibus feudalibus cauetur, vasallum etiam contra patrem vel filium teneri adiuuare dominum suum. *per dd. text.* quod etsi durum sit, & rationi naturali contrarium videatur, seruandum tamen esse, cum Lex consuetudinis ita scripta sit, dicit ZASIVS. *in epit. sua feud. p. 7. n. 28.* Verum alii hoc ægre concedunt, quapropter *d. text.* cum EVLACIO *lib. 4. feud. c. 31.* corrigunt, ac verba illa: *Et patrem*, ab antiquo Codice abesse, ac proinde delenda monent. Alii autem cum BALDO *in c. 1. de non. form. fidel.* & HOTTOMANNO, *ad d. c. domino.* variis modis distinguunt. Vid. DN. LVDWELL. *Synops. feud. c. 14. p. m. 369.* VULTEIVS. *lib. 1. c. 10. n. 43.* HENR. ARNISEVS. *de iur. Maies. lib. 1. c. 5. & c.* Verum enim vero cum allegatus Textus. *z. F. 28. fin.* hoc expresse innuat, ab eo quidem haud facile recedendum, IACOB. DE BELLOV. *ad d. c. fin. ibique BALDVS. n. 1.* Sed tamen non ita crude prout sonat, verum ciuiler eum accipiendum esse credimus; de auxilio scil. præstando domino, non qui alium offendit, sed qui ipse offenditur, & quidem offenditur iniuste a patre vel filio aut fratre vasalli. Neque hoc enim casu Reuerentia quam filius

lius debet Patri, vel amor quem Pater debet filio, hic ob stare potest, quo minus datam fidem seruet vasallus, ac Dominum adiuuet contra quosvis iniuste aggredientes. Vid. VULTEL. *lib. 1. de feud. c. 10. n. 43. fin.* Dn. STRUBE. *Synag. feud. c. 12. aph. 8.* Modo tamen vasallus in hac ipsa defensione domini contra parentem, quantum fieri potest, amorem ac pietatem debitam obseruet: quod fieri optime poterit, si tale auxilium contra parentem in propria persona haud praestet, quoniam soluendo dimidium redituum vnius anni de feudo filius seruicia contra patrem praestanda luere seque liberare potest. 2. F. 55. §. *firmiter.* add. KOHLIVS. *p. 3. n. 5. seqq. & n. 29.* quod tamen singulare.

§. XXXVII. Regulariter enim auxilium domino vasallus in propria persona praestare tenetur. 2. F. 23. *in fin.* & 2. F. 55. §. *firmiter.* quia ipsius vasalli fides & industria electa esse censetur. *arg. c. in epistola. de form. fidel. §. est & alia.* 2. E. 7. atque sic consideranda nobis hic venit Hostenditiarum cum materia, tum forma.

§. XXXVIII. Materia est Actus comitandi, seu actualis Ius cum domino in expeditionem; Procerum cuius & Vasallorum Imperii omnis Ordinis officium, & seruitium Imperatori debitum, vel primum hoc erat, ut Regem Romanorum ab Electoribus creatum, & solenni ritu Romae in Augustum consecrandum & coronandum, honoris & Maiestatis ergo illuc conuiterentur; de qua professione multa in ipsis Feudorum libris mentio erat: quam Lotharius Imperator. *lib. 2. Feud. tit. 52. de probib. feud. alien. per Lothar. felicissimam* nostri numinis expeditionem, & Fredericus *d. lib. 2. feud. tit. 56.* Quae sunt Regalia, *felicissimam regalis numinis expeditionem* vocant, imitatione Theodosii & Valentianij Impp. *ut l. iubemus. 10. l. Neminem. 2. C. de SS. Ecclesi.* Ut autem Caesarem Princeps & Proceres, pro nemine suo, quo Imperia tenebant, comitari debebant, maiori aut minori numero & apparatu, pro principatuum & feudorum suorum ratione; ita ipsi rursus clientes & beneficiarios suos in pro-

profectionem hanc comites & allectas trahebant, simili propositione beneficiorum facultatumque habita : Atque hæc actualis itio cum domino tam necessaria erat, ut quis, ea neglecta, feudum amitteret. Id quod nobis clare ostendit *Constitut. Imp. Karoli III. dicti Crassi. de Exp. Rom.* his verbis : *Cuiusque autem secundum hanc Legem eadem Expeditio imperetur, si ad Curiam Gallorum, hoc est, in campum qui vulgo Rungallé dicitur, Dominum suum non comiserit, & ibi tum militari apparatu non representetur, feudo (præter hos, qui cum gratia Dominorum remanserunt) in conspectu nostro absque spe recuperationis priuatur.*

§. XXXIX. Forma huius actualis itionis in Expeditionem cum Domino, in *d. Constit. Karolina.* exprimitur per verba : *Halsbergas ducere* : Quæ Vox diu multumque exercuit Clariss. Virum Dn. MARQV. FREHERVM, utpote quam nec legisse, vel audiuisse, nec doctissimis amicorum consultis discere potuisse scribit in suo erudito commentario ad hanc *Constit. Karoli 3. dicti Crassi de Exp. Rom.* Donec tandem deprehenderit, *Halspergam*, præce & proprie esse thoracem vel loriam, siue ex laminis compactam, siue ex annulis orbiculisque contextam, quam Franco-Galli adhuc *Haubert-Hauberge- & Haubergeon* appellant : Vnde Vetus proverbiū illorum : *De maille à maille on fait le hubergeon.* Est autem Vox vetus Francica Germanica, usu quidem desita, sed quæ in libro veterum cantionum, *Heldenbuch* inscripto, frequenter legitur, *part. 1. 2. & 3.* Et ne *Ελπορ* etiam nesciamus, sic dicta, quasi munimentum Colli, quæ collum regat (id enim est *bergen*, qua forma Saxones dicunt, *se sind geborgen.* seruati sunt e periculo.) Eadem compositione, qua galeam idem æuum *Haubtach* dixit ; quod rectè instar sit vertici. *Halspergas* igitur tot ducere, tot est cataphractus & loricator ducere, in quibus splendor & robur totius agminis præcipuum. *LIVIVS. lib. XXXVII.* *His tria milia pedisum loricatorum (cataphractus ipsi appellavit) adiunxit.* *Historia Miscella. lib. XXX.* *Postque ad viginti scaphas remanserunt,*

rum, habentes centenos loricatorum ad has custodiendas. Et lib. 20. Misit tria millia loricatorum ad circumdandum eum ne fugeret. Hinc Feudum Loricæ, apud SIGEBERTVM GEMBLACENSEM. An. 1560. de Expeditione Henrici Regis Anglorum. Quod militi assignatur ea lege, vt ad Edictum præsto sit in armis loricatorum siue cataphractus. Quod Feudum Hauberticum Fief de haubert, Franci & Normanni etiamnum vocant, vt legimus Consuetud. Normand. c. 85. Celuy qui tient fief de haubert, doit de seruir son fief par pleines armes, par le cheual, par haubert, par l'escu, par l'espée, par le beaulme.

§. XL. Atque sic etiam in Expeditione Romana hanc Operam in armis loricati siue cataphracti Vasalli quiuvis præstare debebant, nonnunquam tamen pecunia Eandem redimere ipsis permittebatur sed ita : vt ii vasalli, qui cum gratia & bona voluntate Dominorum suorum domi remanserunt, ad legendos alendosque Eorum loco alios milites promissa stipendia rite exsoluant. Vid. Frid. a SANDE. *comm. in Consuet. Geldr. feud. tract. 2. tit. 1. §. 2. n. 13.* atque hoc casu nomine Hostenditiarum venit pecuniæ pro Opera præstatio.

§. XLI. Et huc pertinet, quod ait Feudista *Hostenditias* esse adiutorium, quod vasalli domino præstant, si cum eis non vadunt, in Lombardia nempe de modio 12. denarios. In Teutonica Terra tertiam partem fructuum, facta computatione fructuum solummodo eius anni, quo hostem faciunt : Id quod Saxonibus *Heersteuer, Reisegelt* dicitur. *Lehn-R. c. 46. SCHNEIDEW. p. 5. de feud. n. 96.* prout ergo fructus in eo anno deprehenduntur ita etiam restituendi erunt, nec meliores, nec deteriores, non plures, neque tamen pauciores ; Sed dicta pars Tertia : Hinc Ea feudo vel aucto vel imminuto, augeri aut imminui nullo modo potest nimirum quia definita atque determinata est Quantitas ; nisi, vel summa aliqua emergens necessitas aliud suadeat, aut etiam Feudistarum distinctiones inter augmentum & decrementum quod fit naturaliter, vel facto domini, vel vasalli,

aliquando aliud velint. Vid. KOHL. *tract. de feud. p. 4. n. 177.*
Magnif. Dn. D. STRUVE. *S. F. c. XI. th. V. com.*

§. XLII. Vt autem olim in Teutonica Terra tertia pars fructuum fuit determinata; Sic ex Constitutione Friderici Imp. dimidia saltem fructuum ac redditus illius anni, quo indicta est Expeditio, persoluenda constituta est: Vt ex communi Feudistarum consensu & dicta *Constit. Imp. Friderici de probib. feud. alien. 2. F. 55. c. firmiter* colligilicet: Mire etenim in hoc variatum fuit, namque in Imp. Karoli III. *dicti Crassi Constit. de Exped. Rom. th. 6.* Totus fructus illius anni exposcitur: Et vetus quidam Auctor de Beneficiis *c. 13.* ita scribunt; *Ibunt illuc & alii, omnes Imperialia beneficia habentes, quisque cum domino suo, nisi talento decimo iter redimat, quod annuatim a Domino suo habuerat.* Cum quo maxime conuenit Ius Feudale Saxonicum eundem in modum hanc ipsam quantitatem ita determinans: *Der Mann ist mit dem Herren zu zichen schuldig, oder muß die Farth lassen, mit dem zehenden Pfund des Zinses, den er iährlichen von ihm hat.* *Sachsifch. LehnR. c. 4. conf. SCHNEI-DEWIN. part. 5. de feud. n. 114.*

§. XLIII. Et hanc quoque in rem superiori æuo vires totius Imperii æstimata, & certa quantitas cuiilibet Statui assignata fuit. Reccellus Imperii *de An. 1521. §. auch haben uns Chur-Fürsten. & Reichs-Abfchied zu Nürnberg. Ann. 1522. pr. ita,* vt Comitatu illo Romano ad 20000. peditum & 4000. equitum ad 6. Menses constituto vniciuique statuum Imperii iuxta conditionem bonorum suorum certus numerus peditum, & equitum, quem mittere, aut pro vnoquoque equite 12. florenos & pro singulo pedite 4. flor. soluere teneretur, definitus fuerit. Vid. LIMNÆI *Ius Publ. lib. 2. c. 7. & lib. 4. c. 7. iunct. add. d. vbi* insimul schema quoddam istiusmodi vniciuique Statuum Ordini assignata quantitatis exhibet.

§. XLIV. Adeo, vt nec Ecclesiarum filii, siue Ecclesiæ ab hoc Expeditionis onere immunes fuerint, ex quo enim
tem-

tempore Ecclesiæ bonis, latifundiis, prædiis, redditibus auctæ fuerant; ex eodem etiam beneficiarios suos sibi libellis precariis, feudis acquisiuerunt; & milites, fideles, ministeriales, advocatos suos habuerunt: Vnde pro hac ipsa regia Expeditione peragenda certum numerum militum, idest, nobilium vasallorum sibi assignatum sustentare necesse habebant; vt præter historias ex §. *V. dictæ Constit. Karolina de Exp. Rom. & aliis Imp. Constitutionibus notum est*: 2. F. 52. & 2. F. 55. §. *firmiter. iunct. l. 2. C. de quib. muner. & l. 10. 11. C. de SS. Ecclesiæ*. quas egregie, vt omnia, explicat Magnificus Dn. D. STRAVCH. *Antecessor in hac Inclita Salana primarius, Doctor & Patronus meus æterno mentis cultu pie prosequendus in MSS. commentario ad has Cod. LL.*

§. XLV. Quinimo nec Regiæ domus, Expeditionis tempore ab Angariis & Parangariis excusantur. *l. 21. C. de cursu publico*. Causa enim hæc summe est necessaria, ideoque Nemo ab ea excusatur. *l. un. C. vt nemini. lic. in empt.*

§. XLVI. Finis etiam Hostendiciarum hoc requirit, isque duplex. Vnus, splendor & Maiestas tanti Exercitus, vt-pore qui 20000. peditum, & 4000. equitum constabat, quorumque non minima pars Loricorum erat, in quibus singularis splendor & Maiestas deprehendebatur: Haud sane immerito; Imperatoriam enim Maiestatem in tam arduo Imperii negotio pro sumenda scil. & obtinenda Corona Romana omnino armis armatam atque decoratam esse decet, ac proin omnium & singulorum qui feuda Imperii tenent, primum officium esse debet, vt Imperatorem Romam ad petendam Coronam profecturum cum istiusmodi splendido militari apparatu comitentur; quemadmodum alias etiam vasalli tenentur de seruitio præstando in honorem domini splendidioris apparatus causa in *Ehrensfellen*. vt testatur KOHL. *de seru. feud. p. 4. n. 99.* alter, periculorum & insidiarum in quas isto in Itinere Imp. incidere possunt, auersio. Variis etenim grauissimisque periculis

culis & insidiis plurimos Imp. tum temporis obnoxios fuisse; exempla Lotharii III. & Friderici I. nobis clare ostendunt; quapropter ab hoc auxilio Imperatori Expeditionis tempore præstando Nemo immunis erit, quia de Salute Principis agitur: *Omnis igitur Vassallus, qui in dicta publica Expeditione vocatus a Domino suo, in eadem Expeditione spacio competenti temere venire superfederit; vel alium pro se Domino acceptabilem mittere contemserit, vel dimidium redditus feudi unius anni domino non subministraverit, feudum quod ab Episcopo vel alio Domino habuit, amittat; & dominus feudi in usus suos illud redigendi modis omnibus habeat facultatem. dicta Constit. Friderici de prohibet. feud. alien. expresse cauetur. 2. F. 55. §. firmiter.*

§. XLVII. Feudum E amittit, quomodo autem id fiat, non satis liquet. *Iudicio Caria priuatur*, ut Guntherus innuit: *condemnatur*: ait Otto Frisingensis; quæ verborum discrepantia congruam nobis excutiendæ illius vexatissimæ inter Feudistas Controuersia occasionem & ansam præbet. Quando nimirum in Vassallum fertur Sententia Condemnatoria. *Wenn Er des Lebens verlustig erkannt wird. 1. F. 21. & 22. §. 2.* At scil. hæc Condemnatoria Sententia, sit priuatoria; an saltem declaratoria, (differunt enim inuicem, quod illa ex nunc operetur in futurum, hæc autem in præteritum. Illa deiiciat, hæc cecidisse declarat Vassallum) siue, an feudo demum per Sententiam priuetur an vero ipso iure propter feloniam id amittat Vassallus, & solum insequatur Sententia, qua declaretur ipsum quippe a Domino conuictum culpæ, feudo priuatum esse, vel etiam ut clarius dicam, an dominium vile ipso iure ad Dominum ob commissam feloniam reuertatur, an vero per sententiam Vassallo adimatur demum vile Dominium. Quod postremum his innixi rationibus libere asserimus. I. Quod nulli in iure feudali dicatur, ipso iure dominium vile ob feloniam ad dominum reuerſi. II. Quod concedatur domino. 1. F. 21. conditio causa data, causa non secuta; qua actione personali

sonali quis petit sibi restitui rem cuius dominium est apud alterum. *d. 1. de condict. caus. dat. caus. non secuta. add. l. ult. n. vsufr. quemadmodum caueat.* III. Quod conueniat hæc feudi ex ingratitudine repetitio cum reuocatione donationis. 2. *P. 24. §. 2.* quæ ob ingratitudinem commissam non ipso iure fit, sed per actionem & sententiam *l. fin. C. de reuoc. donat.* IV. Quod nec perduellium bona ipso iure publicentur, sed vsque dum damnati fuerint, dominia rerum suarum retineant. *l. 15. qui est a quibus. man. lib. non fiant.* Conf. ANTON. MATTHÆI *d. tract. l. 48. tit. 2. c. 3.* Neque etiam V. ex aliis delictis quis ante patiatur poenam, quam per sententiam condemnatus fuerit. MARTIN. BONACIN. *tract. moral. de Contract. disp. 3. quest. 8.* Priuatoria igitur hæc est Sententia, non autem declaratoria saltem, siue quod idem est, dominio utili per Sententiam demum, & non ante, priuatur Vasallus. Vid. *Ampliff. Dn. D. STRUVE. S. F. cap. 15. de amiss. feud. lib. XI. comm. ROSENTHAL. c. 10. conclus. 41. CLARVS. in §. feudum. quest. 62. RITTERSHVS. part. feud. lib. 2. c. 6. quest. 15.*

§. XLVIII. Atque hæc Feudi priuatio poena est Vasalli, quando scilicet hanc militarem Operam Domino nec ipse, nec per substitutum præstare vult, aut etiam dimidio redditus annui Eandem redimere detractat; E contra vero præstitæ huius operæ tantus est fauor, ut etiam feudum aliquibus ea propter adimi nequeat; Constat enim, omne id quod Vasalli de suis feudis in Valuasinos (quos vocant) gratuito conferunt, feudi ius ac vim non habere, sed precarii simplicis instar esse & absque illorum culpa a dante ad lubitum reuocari posse. 1. *F. 16. de F. dat. minim. valuas.* Nisi (qua exceptio hunc ad locum pertinet.) hi Valuasini suos illos seniores in hac Expeditione & exercitu Romano comitati sint. 1. *Feud. tit. 1. fin. & tit. 7. de natura feud.*

§. XLIX. Origo autem huius Expeditionis Romanæ (Römerzugs) inde a Carolo M. deducitur: cum enim Carolus M.

Rex Francorum & Longobardorum, eligeretur ac constitueretur Imperator Romanus, atque a Pontifice ipsis feriis natalitiis An. 10. CCC. preciosissima corona coronaretur. quæ de re Vid. HENN. ARNISAËVS. *de translatione Imperii.* & Dn. CONRINGIVS. *de Germ. Imp. Rom. §. 7. & seqq.* Ritus quoque ille solennis Coronationis in seqq. Romanis Imp. est obseruatus, indeque factum, vt Vasalli Regni horumque subuasalli creatum a Germanis Regem, atque ita simul ab ipsis electum Regem & Imperatorem Romanum tenerentur ad suscipiendam Imperii Romani Coronam, & solennem Consecrationem Romam comitari; quæ de re extat Vetus Constitutio Imp. Caroli III. dicti Crassi, quam edidit & commentario illustrauit Marq. FREHERVS, eamque exhibet GOLDAST. *Constit. Imper. vol. 1. p. 28.* LEHMANN. *Chron. Spir. Lib. 2. c. 42. in fin.*

§. L. Quæ Constitutio, An sit genuina? magna adhuc inter magni nominis Viros dubitatio est. Clarissimus equidem ICtus FREHERVS. *in comm. suo ad d. Constit.* Eam pro genuina habet, atque dictum Imp. Karolum III. Eius verum Auctorem esse contendit, eo quod Nomen Luitvardi, dicti Regis Cancellarii, Constitutioni huic Carolinæ sit subscriptum; Cum illud nec in Magni nec Calui actis reperiatur, sed in huius Karoli III. diplomatis exprimatur; ac proin quia hoc Luitvardi Nomen in hac de qua loquimur, Constitutione reperitur, non sine ratione existimat FREHERVS, hunc Eum ipsum esse Luitvardum qui sub Karolo Crasso vixerat. Verum enim vero hæc Assertio non admodum firmo stat talo; quia facile sit, vt plures diuerso tempore ac loco idem Nomen habeant; nihil enim certi hic demonstrari potest. Vid. o. adu. Magnif. Dn. IOH. HENR. BÖCLERVS. *Argentor. Acad. Historiar. Prof. inclytus, Doctor olim meus exoptatissimus summaque Animæ reuerentia submisit & obseruanter atatem colendus ac suscipiendus in Notitia S. R. Imp. MSS. cap. 2. de Exped. Romæ* Ceterum & Chronologia discrepat, quod ipse etiam FREHERVS fatetur, asserens, quod hoc ipso anno DCCXXC. Imp. Carolus M. conuentum Ordinum celebrauerit Wormatiæ non vero Crassus; cum

cum tamen Karolo M. hæc Constitutio nullo modo adscribi possit. Lapsum E. esse inquit, Scriptorum in numeris eumque non insolitum; & rescribendum necessario *DCCC. XXCI. vel seq. ann.* Quod ut leuius, non tamen omnem adimit scrupulum, præsertim cum plura in ipsa etiam Constitutione occurrant, quæ Amplissimis Viris BÖCLERO & CONRINGIO dictæ Constitutionis Auctorem suspectum reddant; Cuiusmodi est illud statim ab initio: *Rex Romanorum*, quo titulo certe nemo tum temporis audiit; nisi iam Imperator coronatus V. iterum Dn. CONRINGIVS in *tr. de Orig. Iur. Germ. c. 17.* Principum quoque Secularium & Ecclesiasticorum voces illis temporibus fuere inusitatæ. Neque etiam reperire licet vel leue indicium Conuentus iam tum instituti in Italia ad Curiam Gallorum, siue Rungallium, cuius hic ut rei visitatæ sit mentio. Ac denique nec stilus conformis est illi ævo, nec feudi Vox eius est temporis, vnde WELSERVS ipse fateatur in Epistola MSS. ad FREHERVM. *Quoniam aliquando subdubitare visus es, an feudorum nomen in vetustis tabulis ante Fridericos extaret, duo nunc apographa mitto qua illum scrupulum hæcenus eximant. Carolinam tamen antiquitatem Constitutionis a Te editæ non attingunt.*

§. II. Quid ergo hæc de re sit statuendum, nondum satis liquet, nisi, quod cum Magnif. Dn. D. CONRINGIO asserere velimus, hanc Constitutionem fictam esse, idque forte Seculo XII. in regulam Expeditionum Romanarum quæ tum temporis illis pene Legibus fuere institutæ, ceu patet ex historia Friderici primi Cæsaris, tum ap. Otton. FRISINGENSEM. cum in GVNTHERI Ligurino. Ita enim Otto *Lib. 2. c. 12. Inde castra mouens* (scil. Fridericus I. Imp.) *in campo Roncalia super Paduam, non longe a Placentia, mense Nouembri resedit. Est enim Consuetudinis Regum Francorum quæ & Teutonicorum, ut quotiescunque ad sumendam Romani Imperii Coronam, militem ad transalpizandum cogerint, in prædicto campo mansionem faciant. Ibi ligno in altum porrecto scutum suspenditur, vniuersorumque equitum agmen feuda habentium*

tium

tuum ad excubias proxima nocte principi faciendas, per Curia praconem exposcitur: quod sectantes, qui in eius comitatu fuerant, singuli singulos beneficiatos suos per pracones exposcunt. Ac sequenti die quicumque nocturnis vigiliis defuisse deprehensus fuerat denovo ad praesentiam Regis, aliorumque principum vel Virorum Illustrium euocatur, sicque omnes omnium beneficiati, qui sine bona Voluntate Dominorum suorum domi remanserunt, in feudis condemnantur: Hunc marem Principe secuto, non solum Laicorum feuda, sed & quorundam Episcoporum, i. e. Hartwici Bremensis, & Vlrici Halberstatis regalia personis tantum, quia nec personis, sed Ecclesiis perpetualiter a Principibus tradita sunt, adiudicata fuere.

§. LII. Licet autem hac Expeditio Romana diu multumque durauerit, atque etiam hodie Electi Imp. soleant in Capitulatione Electoribus promittere se operam duros, quo Corona quoque Imperatoria coronentur: Aliquot tamen nouissimi Imperatores illam Coronationem, utpote Imperio grauem ac superfluum omiserunt. Vnde non immerito quaeritur, an iure hoc facere potuerint; siue, quod idem est, An Imperator teneatur Romam petenda Coronae causa Expeditionem facere? Quod cum Iuris Publici Scriptores diuersimode inter se disputarint, ansam id nobis dedit Eorum hac de re Opiniones pro virili paululum referre atque excutere.

§. LIII. Celebris equidem Arnisaus (*de subiectione & exemptione Clericorum cap. 7. ubi de translatione Imperii Romani agit n. 29. p. 190.*) sunt, ait, qui negant Imperatorem illo modo ad petendam Coronam cogi posse; quia id nulla Lege statutum, vel consuetudine inductum fuit. I. Legem quod attinet, planum est, Imperatoriam non dari, sed potius contrarium decretum esse a Ludouico Bauaro; & si aliqua esset, non valeret, cum ne iuramentum quidem valeat, quod dignitatem Imperatoris diminuit. (*c. intellecto de iureiur.*) Si vero Lex pontificia producat, eam constat non obligare, nisi quatenus approbatur, cum iurisdictiones sint distinctae. Sed nec vlla produci

duci potest, quia *Clementina Romani*, de iureiur. c. venerabilem de electione can. in Nomine Domini. distinct. 23. Imperatorem non adstringunt ad petendam Coronam, sed Pontificis ius esse contendunt, vngere, consecrare, nominare, approbare Imperatorem electum, si eo petitum veniat. II. Quod ad Consuetudinem attinet, licet d. *Clementina Romani*, producat exemplum Alberti & Henrici qui Consecrationem a Papa petierint, tamen quod per fauorem, aut ex certa causa fecerunt aliis non debet creare praeiudicium c. quod ob gratiam. de R. I. in 6. cum concord. In Actibus enim Voluntariis, & meræ facultatis, nulla præscriptio vel consuetudo induci potest. per l. viam. n. de via publ. III. Præterea cum satis clarum sit, Actum creandi Imperatoris absolui in sola Electione, patet superuenientem Coronationem, nihil aliud esse quam solennitatem. Atqui Imperator ab iis, quæ solennitatis sunt, Legibus absoluitur (vt Dd. interpretantur. L. Princeps. n. de LL. l. digna Vox. C. eod. l. ex imperfecta. 3. C. de Testam.) Adeoque cum duplex sit Solennitas; Levis, quæ substantiam non immutat. l. i. n. de Exerc. act. Et grauis, constat illam a quouis, hanc vero a solo principe omitti posse, vrgente euidenti necessitate. l. etsi nihil. 183. n. de R. I. l. 85. fin. l. 90. de in integr. restitut. Vnde etiam in hac ipsa Solennitate multa immutata reperire licet. Huc vsque Arniseus.

§. LIV. Iam vero ad Eiusdem argumenta respondebimus, I. enim contra Eum faciunt omnes Capitulationum Articuli Illi, quibus Electus in Imperatorem se obligat ad Coronam Imperialem petendam & requirendam. Cogi E. qui hoc promissit, potest, si sponte promissa adimplere nolit. Lex enim Contractus seruari debet, & quod prius ante promissionem voluntarium erat, post eam necessarium factum est. Cogi inquam potest, sed non a Pontifice, vt nonnullis visum, verum ab Electoribus, quibus promissio facta & Actio competit, ipsaque Executio ab Imperio fieri potest, non vero ab alio.

L

§. LV.

§. LV. Et hi dicti Capitulationum Articuli contrariantur quoque Arumæi Sententiæ. *discurs. 2. ad A. B. lb. 20. p. 109.* asserentis; Hanc Pontificiam Coronationem plane non esse necessariam, quia nullibi Eadem præcipiatur, neque etiam verbulo quidem in A. B. eius fiat mentio. - Verum enim vero, quam facile is refutari posset, nisi Ipse paulo post (*lb. 21. p. 224.*) sui immemor aliud innuere videretur. Clarum namque ac certum est, in A. B. non solum ex verborum consequentia, sed etiam expresse Coronæ Imperialis fieri mentionem. (*in exord. circ. fin. c. 2. §. 5. imprimis autem c. 26. §. 4.* qui Textus probe notandus. Aliumque dici *Regem Romanorum*, alium *Imperatorem*. (*d. c. 2. §. 7*) quod & phrasis, *Rex Romanorum in Imperatorem promouendus*, notat. (*c. 1. pr. c. 18. pr.*) vel in *Cesarem promouendus* (*d. c. 1. c. 18. 19. 21. c. 2. pr. §. 2. 3. c. 7. §. 1. c. 20. pr.* vel *Rex Romanorum, futurus Imperator. c. 28. §. 5.* Et licet etiam in Aur. Bulla mentio nulla fiat, cuius sit hanc Coronam Regi imponere, aliunde tamen satis notum est, hoc Pontificii esse muneris. Non enim ad propositum Caroli IV. faciebat, hoc ibi exprimere, non magis, quam quis Coronam Mediolanensem (*cuius meminit d. c. 26. §. 4.*) Romanorum Regi conferre debeat; Bulla namque potissimum de Electorum hære. Officio, ac privilegiis agit, non de aliorum. Atque hæc contra Arumæum sufficiant: quapropter reuertamur ad reliqua Arnici argumenta.

§. LVI. Ludouici Bauari Decretum quod attinet, illud certe nos non ferit, non enim decernit, Imperatorem, si Electoribus promiserit Coronam Imperialem a Pontifice requirere, non teneri promissis stare; Sed hoc decidit, falsum esse, quod dicitur, Imperialem Dignitatem & Potestatem a Papa esse, Electumque Imperatorem non esse verum Imperatorem nec Regem, nisi prius per Papam, siue Sedem Apostolicam, confirmetur, approbetur, & coronetur: Statuit autem quod is, qui eligitur in Imperatorem siue Regem, ab Electori-

bus.

bus Imperii concorditer vel maiori parte Eorundem, statim ex sola Electione sit Rex verus, & Imperator Romanorum censendus & nominandus, Eidemque ab omnibus Imperii subiectis obediri debeat; ac administrandi iura Imperii, & cætera facienti, quæ ad Imperatorem verum pertinent, plenariam habeat potestatem, nec Papæ, siue Sedis Apostolicæ, vel alicuius alterius approbatione, confirmatione, autoritate indigeat, vel consensu (*ut ipsa Decreti verba sonant.* ap. GOLDAST. *inter Constit. Imp. p. 99.*) Et ut brevibus dicam, quod res est; Constitutio Ludouici reiicit effectum, quem alii Coronationi, quæ a Pontifice fit, attribuunt, Coronationem autem ipsam fieri non prohibet. Posito etiam, non tamen concessio, Coronam illam prohibitam fuisse a Ludouico, vel vilo veterum Imp. alio, eius sane prohibitionis vis hodie cessaret, postquam Imp. iurat, se omni diligentia Eam expetiturum. Abrogare enim LL. & novas ferre; prohibere, quod antea concessum; concedere, quod antea prohibitum; nouum inauditum in Imperio non est, nec ab ipsa iustitia alienum.

§. LVII. Verum aliud hic diuerticulum querit ARNÆVS & putat, Coronam illam diminuere Dignitatem Imp. Sed certe iniurius est in ipsos SERENISS. Electores, quasi illi immemores officii & iuramenti sui contra dignitatem Imperatoris & Imperii agant, & quidem ex proæresi ac præmeditatione. Cum tamen Corona illa, dignitatem Imp. non magis diminuat, quam corona Regalis, vtræque Dignitatis adeptæ publicum testimonium, dignitatem honore ac reuerentia coronans. Et, nisi Caroli V. Testimonium, ac publicas Imperii Tabulas reiicere volumus, credendum est, Coronam illam pro fine agnoscere Laudem diuinam, Imperii honorem & emolumentum, ita enim diserte exprimitur: *Gott zu ferdern zu Lob. Dem H. Reich zu Ehr und Wohlfarth. R. A. zu Wormbs. An. 1521. §. und als wir.* Denique ne putemus, Electores Ecclesiasticos Pontifici hac in parte nimium fauere, perpendi debet, Electores Se-

culares, qui Pontificiæ Religioni haud addicti sunt, iam olim tempore Maximiliani II. Capitulationis articulo primo, & continuato hucusque more, expresse declarasse, se in negociis, quæ Pontificiam Authoritatem, Dignitatem & emolumentum tantum spectant, a cæteris Electoribus dissentire, nec velle Imp. ad ea obligare. Quod cum non in genere, sed specialiter & nominatim factum sit, nec tamen ad Coronationem Imperatoriam ab illis repetitum vel extensum, coniectu facillimum est, quid de ea senserint, sentiantque.

§. LVIII. Ius Canonicum quod attinet, nolumus hic illud examinare, An scil. Imperatorem adstringat ad petendam Coronam, nec ne? Satis enim notum est, illud omnem aquam in molendinum Papæ deriuare, & totum fere in eo occupatum esse, quo mundo persuadeat, a Papa Reges & Principes descendere.

§. LIX. Ceterum quod concernit Arnisei argumentum de actibus meræ facultatis, incongruum hic esse videtur. Licet enim hæc Coronatio aliquando meræ facultatis fuerit, quod equidem ipsi concedimus, atque etiam ipsius Caroli M. exemplo clare demonstramus. Cum enim Carolo M. non petenti, sed a Pontifice sponte Corona Imperialis imposita fuit, tamen Carolus eam suscipiendo minime Successores obligare nec potuit, nec voluit, eam in posterum ut illi peterent vel susciperent a Pontifice. Sed Filium Ludouicum Successorem in Imperio sibi assumens ac declarans, non Romam Coronandum misit; verum Author ipsi fuit, ut publica Solennitate Aquisgrani Coronam altari impositam propriis eleuaret manibus, sibi bique ipsimet imponeret. Quod factum exponit FAVCHET. *en la fleur de la maison de Charlemagne, qui est de la continuation des antiquités françoises, au second volume livr. 2. chap. 16. fol. 167. b.)* ubi addit: *Icy faut noter, que Charlemagne declarant son fils Empereur n'attend point le Consentiment du Pape, & des Romains, ne qu' autre que son fils touche a la Couronne Imperiale,*
pour

pour la mettre sur son chef, non pas même des Eueques. chose que ie n'estime auoir esté faite par le vicié Empereur sans mystere, & pour montrer, qui ne tenoit L'Empire que de Dieu seul, puis qui l'enuoye son fils la prendre sur L'autel, comme de la main de Dieu. Idem FAVCHET. (d. vol. 2. liur. 3. chap. 2. p. 186.) refert; Quod Papa Stephanus fecerit Romanos iurare fidelitatem Imperatori Ludouico absenti, & nondum ab vilo Papa coronato. *Signum mehercule.* Ipsum quoque Papam Romanosque falsos esse; Imperatori etiam citra Coronationem Romanam dominium Urbis & Imperii competere. Verum enim vero licet hæc Coronatio aliquando meræ facultatis fuerit, certum tamen est, Capitulationes hanc meram facultatem non admittere; vnde nec ab exemplis Eorum, qui Coronam hanc vel susceperunt, vel neglexerunt, argumentandum erit; Sed a Constitutione Imperii.

§. LX. Coronationem Solennitatem esse, equidem non infitemur; Sed ius Civile Imperatorem ab hac Solennitate absolueri posse, expresse negamus; nisi dicere velimus, LL. atque Constituta, vbi a iure illo antiquo diuertunt, nullius esse momenti, vel Statum Imperii nostri ab antiqua Romanorum forma informari, aut (*quod tamen longe a nobis absit,*) Germanos esse mancipia alienæ libidinis. Et posito etiam, Legem Imperii solennibus iuris Imperatorem Romanum olim soluisse, (l. 3. C. de Testam.) exinde tamen nihil euinci potest. Constat enim ex Capitulationibus Imperatorem nostrum Solennitati Coronationis Imperatoris a Lege Imperii esse alligatum. Ergo quæ olim potestas Romanis fuit, suum Imperatorem Legibus solvere, Eadem etiam hodie Germanis est, Imperatorem suum ligare vel solvere. Quod enim hodie Imperator noster nonnullis LL. solutus, nonnullis ligatus est, non a Romanorum illo iure deriuatur, sed a Iure Germanorum, qui Imperatorem sibi eligunt, & Ei potestatem talem concedunt, qualem vult. Itaque si Imperator noster, solum se hac vel illa Lege assue-

rat, frustra ad ius antiquum Romanum prouocabit contra Germanos, nisi in illis capitibus, in quibus illud approbatur, & ita suum effecerunt. Diximus autem *limitate* Imperatorem ab hac solennitate *de Iure Ciuili* absolui non posse; potest tamen ab Electoribus ab Eadem absolui, vtpote quorum solum est, ab iis quæ in Capitulatione Ipsi promissit, Eundem absolueri ac liberare.

§. LXI. Denique multa quoque in hac solennitate esse immutata docet vrgetque Arniseus, sed nostra inde non conuelli-
tur Sententia; non enim sequitur: Aliqua in hac vel illa solennitate sunt immutata. E. & ipsa Solennitas mutari, totaque negligi potest. Quandoquidem etiam (*quod notari velim*) postquam in Capitulationem electi Imperatoris semel relatum, coronam Imperatoriam expectandam & suscipiendam, nihil in hoc a Caroli V. ætate vsque ad hanc nostram, mutatum reperire liceat. Quod enim de materia trium Coronarum adducitur, figmentum certe est, quælibet enim Coronarum harum statim ab initio aurea fuit, & aurea etiam permansit, neque insuper vel in Ordine vel materia quicquam immutatum fuit.

§. LXII. Examinatis itaque etiam Arnisei, tum Arumæi Sententiis, quæ nostra hac de re sit Opinio, necesse est, vt innuamus. Concludimus Ergo ex relatis atque decernimus cum *Limæo Iur. Publ. 2. 4. 107.* Imperatorem hanc Coronationem Imperialem vi Capitulationis ab Electoribus ipsi præscriptæ omittere nullo modo posse; Sed potius omnem debere adhibere diligentiam, vt Coronam Imperialem consequatur: *Zum besten besseßigen, die Kayserliche Cron zu empfangen. (per Artic. XXX. Capit. Caroli V.)* Nisi, vt supra monuimus, Electorum Consensu ac Voluntate id fiat: In Eorum enim & non Pontificis potestate situm est: An velint Imperatorem ab hoc requisitionis Coronæ Imperialis onere absolueri, & quod sibi promissum remittere. *arg. l. si vnus. 27. §. pactum. 2. w. de Pactis.*

§. LXIII. Quid autem dicemus de illis, qui in Capitu-
latio-

lationem quidem iurarunt, Coronam tamen Imperialem consecuti non sunt? Sane, si Eam studiose ambiuerunt, & per illos non stetit quominus Eandem affecuti fuerint, iure excusatos Eos habemus. Varia namque hic nonnunquam se se offerunt Obstacles & impedimenta tum ex parte Pontificum, cum Impp. atque aliquando vel vera sunt, vel ficta.

§. LXIV. Ex parte Pontificum deprehendere licet, quod, quamvis olim ii cum erat res angusta domi, Impp. ad suscipiendam Coronam vel Ipsi inuitarint, vel venientes amabiliter susceperint, postmodum vero aucta illorum potentia, presentiam Impp. cane peius & angue aversati sunt, quoniam Syria viginti quatuor millium militum (hoc enim numero Imperatoris Exercitus constare debet) oderunt, & cum illis ceteri omnes qui malæ fidei possessores rerum Imperii in Italia sunt.

§. LXV. Ex parte vero Impp. tam generales, quam speciales eæque vel probæ, vel reprobæ perquam multæ, Rationes allegari possent, quod hanc Coronationem vel insuper haberint, vel plane ad Eandem non peruenerint, aut ut mitius loquar, peruenire haud potuerint, exclusi nonnunquam vel ipsa Temporum iniuria, vel bellicis ac aliis negociis impediti; siue denique variis incommodis & periculis in isto itinere forsitan sustinendis deteriti. Id quod nobis ostendunt quam plurima plurimorum Impp. Exempla. Nimirum: Ludouici IV. & Conradi I. (*de quibus vid. Lud. Molina. de iust. & iur. diss. 24. vers. ceterum.*) Henrici I. cogn. Aucupis. (*v. Abb. Vrsperg. & Cuspin. in Fius Vita.*) Conradi Sueui Caesaris. (*v. Beuthebus in addit. bist. Lemn. c. 13. n. 20.*) imprimis autem Rudolphi ac Maximiliani exempla hic omnem rem facere videntur. Nam Rudolphus I. cum Principes Germaniæ Eum in Cæsarem elegerunt, Eundem insimul obligarunt, ut intra annum in Italiam diadematis causæ se profecturum profiteretur, totis quibus imperauit annis, semper nouas Occupationes publice causatus, nunquam Italiam ingredi voluit, ab Amicis interim rogatus, quamobrem ab Italia deter-

detereretur, non dissimulanter respondit, quod Cæsarum in Italiam vestigia læta, magnifica, plenaque Bonæ fidei videret, ex Italia vero referentia & foras versâ, tristia, misera, luctuosa. V. Matenes. (*tom. 3. hist. Eccles. lib. 13. n. 200.*) Conf. CVSPINIAN. in *vita Rudolphi. p. 303. seqq.* Maximil. I. quod attinet, Maiestatem Imperii Ipsi Ordinibus inesse, ideoque hac Corona Imperatorem haud indigere, dicere solitum fuisse tradit equidem BODINVS de *Repubblica. lib. 1. c. 9. p. 191.* Verum enim vero si Ipsi Maximiliano fidem non denegamus, res clara est, Eum a Rege Galliarum fuisse impeditum, quo minus hanc Coronam acciperet, ita enim legimus: *In seiner Verantwortung uff die Klag des Königs in Franckr. An. 1507. ap. GOLDAST. in Politischen Reichshändeln. p. 276. Er seye von dem König in Franckreich verhindert worden, damit Er die Kaysersliche Crone nicht empfangen mögen.* Et hoc quoque Hartmannus Maurus affirmat (*in descriptione Coronationis Caroli V.*) Eandem neglexisse Ferdinandum I. Maximilianum II. Rudolphum II. & Matthiam tradit REINKING. de *regim. secul. lib. 1. class. 3. c. 8. n. 20.* quod sane duriusculum aliquo modo videretur. Scimus equidem Illos, iuxtaque Ferdinandos II. & III. Corona Romana non fuisse coronatos, sed Eam illos neglexisse, quam tamen assumere Capitulatione promiserant, salva Ipsorum reuerentia affirmari vix potest. Fortassis Pontifex Eam illis alia intentione & cum Onere dare voluit, quam Illi accipere, & quod subire Maiestas Imperii non permittit; vel etiam variis & citra Ipsorum culpam incidentibus negociis impediti Eandem omiserunt, vt supra ostendimus.

§. LXVI. Aut denique in Eadem petenda diutius cunctati sunt, dubii forsitan: An Operæ & Expenfarum precium hac Corona consequantur? Certe non sine Ratione. Nam si dicendum quod res est, deprehendere licet, Nomen & Ipsam Coronam si exceperis, parum, aut nihil amplius ad Coronatum transire. Olim equidem nondum satis callida Vetustas, a Pontifice aliquando sibi persuaderi, passa est Electione Regem Romanorum fieri,

fieri, Coronatione Romanum Imperatorem, cuius rei hinc inde varia sunt testimonia, atque etiam in Ipsa Caroli IV. *A.B. cap. 8. §. 6. cap. 26. §. 14.* Verum enim vero satis constat, omnem Coronationem esse saltem accedens, nec de essentia Imperatoris, eamque adhiberi, non ut aliquid noui iuris Electio conferat, sed ut ille publice ac sollemniter pro tali declaretur, quod vero Sola Electione fiat Imperator, patet ex *A.B. tit. 2. §. 5. ibi: peracta statim Electione.* Ipsam autem Coronam Imperatoribus Amuleti instar esse, ac contra quosvis morbos ac tragicos casus, Legatus aliquis Pontificius in Coronatione FridERICI Regis Romanorum Ann. 1451. itidem Nobis persuadere conatus est, inquit: *Ex Germanis Caesaribus qui per manus primi Pastoris inuncti Roma coronatique sunt, nullum comperimus violenta morte perisse, uti ex Italia & Græcis Impp. quam plurimi.* Sed hæc veritati contrariari, mors Ottonis II. qui telo sauciatus decessit, Ottonis III. qui veneno necatus. FridERICI II. qui itidem veneno absumptus, aliorumque tragica exempla demonstrant. Cum itaque præter Nomen & Coronam ipsam nihil amplius Impp. hac Coronatione consequantur, mirum non est, quod Eandem non ita studiose ambuerint.

§. LXVII. Hinc sane fit, quod, nisi diuersi diuersarum Capitulationum articuli, qui hanc ipsam Coronationem fieri debere præcipiunt; non quidem ob præceptum ac finem a pontifice positum, sed propter monitum Electorum, & finem iam olim credulitate receptum, obstarent, quam plurimæ, eæque grauissimæ haud deessent rationes, quibus hanc Coronam omittendam esse suadere possemus; una est Absentia Caesaris, quæ non raro, dum Iter in Italiam vel Romam versus suscepit, aliis occasionem præbuit, motus in Germania suscitare. Altera est, Iter intutum; Locusque Cæsaribus sapius exitialis, quod Imp. ARNULPHI OTTONIS II. & III. HENRICI IV. HENRICI VII. horrendis exemplis ex Mutii *chron. Germ. lib. 12. §. 14.* ostendi possit, nisi silentio hæc talia involuere consultius foret. Tertia

tia autem causa sunt dære minusque decoræ conditiones, quæ coronandis nonnunquam præscriptæ fuerunt, quales sunt, ut ab acceptis insignibus statim Italia discederent. Quod certe nil aliud est, quam Principem Romanum, publicæ Libertatis Authorem Libertate priuare. V. KTRIANDER *Aug. Trenir. anal. part. 14. p. 116.* Quarta Ratio esse videtur Pontificum præsumpta ac falsa Opinio, dum sibi persuadent hanc Coronationem argumentum & notam esse suæ in Impp. Superioritatis ac potentia, quoniam Nomen Imperatoris & Augusti hac Coronatione eis conferant, quod licet sæpissime refutatum, consultius tamen esset, omnem hic Eis iactandi vanitatem adimere. Quinta Ratio seu Causa videntur magnæ Impensæ ad hanc Coronationem necessaria, quanta enim dona Ecclesiæ Romanæ, Præfecto Urbis, caterisque Romanis Officialibus Coronandi dare & largiri debuerint, vel quasi coacti sint, breuibus dici non potest. Videatur Et hac de re prolixè Otto Frisingensis *chron. l. 7. c. 33.* *Quapfriu Panyini Tract. de Comitibus Imperii.* Quanta denique pecuniæ Summa fuerit impensa in stipendia militum, sex mensibus continuanda ordinariæ in quatuor millia Equitum & viginti millia peditum. R. *Abscheid zu Wormbs. An. 1521. §. auch haben uns Chur-Fürsten. R. A. zu Nürnberg. An. 1522. in fin. pr. p. 171.* nemini, nisi plane Rerum gestarum ignaro ignotum esse potest.

§. LXVIII. Verum enim vero licet hæc Coronatio ob iam allegatas Rationes omitti posset, atque aliquando ex variis causis & impedimentis per aliquot Nouissimos Impp. etiam omissa fuerit; ideoque rarior vsus huius Expeditionis Romanæ hodiernum sit, Nomen tamen retinetur, etsi res fere ad alium usum pro necessitate Imperii transfertur. Vnde fit, quod Sumptus, qui ad bellum Turcis inferendum a Statibus Imperii consentiuntur, nonnunquam ad quantitatem Expeditionis Romanæ, nach Ansebleg des Raimereugs computentur. R. A. de An. 1544. §. und damit mein & R. A. zu Regenspurg. An. 1576. §.

Die-

Dieweil aber unsern Königreichen. &c. ibi. auff den einfachen Ræmerzug. nach eines ieden gewöhnlichen Anschlag. it. R. A. zu Augsburg. An. 1582. §. Wann dem H. Reich. &c. ibi. auff den einfachen Ræmerzug. nach eines ieden gebührlichen Anschlag, zu beharrlichen Defensiu-Hülff. &c. it. R. A. de An. 1594. §. Wie wohl nun Chur-Fürsten. &c. ibi: Zu Abwendung des Türkischen Friedenbrechers einer freywilligen mitleidenslichen Hülffleistung sich entschlossen, und auff den einfachen Ræmerzug, it. R. A. de An. 1598. §. So ist doch von Ihnen. R. A. de An. 1603. §. nichts desweniger. & passim: Quandoque etiam simplices sunt Sumptus, nach den Einfachen Ræmerzug. vt iam dictum: quandoque vero duplicati: nonnunquam enim pro dimidio soluntur. R. A. de An. 1542. §. und wiewohl Chur-Fürsten. &c. ibi: nemlich den halben Anschlag des Ræmerzugs. R. A. zu Erfurth. An. 1567. §. wann wir nun in unsere Kayf. Proposition. &c. Item ad extruenda & munienda fortalitia: R. A. zu Speyr. An. 1570. §. erstlich.

§. LXIX. Hic Ergo collectandi Modus, nempe, secundum Censum Expeditionis Romanæ, (nach Anschlag des Ræmerzugs.) licet per aliquot Secula in instituendis Imperii Collectis ac Contributionibus a Statibus Imperii diligenter fuerit obseruatis; postmodum tamen & imprimis hodie nonnulli Imperii Ordines Eum alicuius iniquitatis arguunt, forsan ob nimiam Eius inæqualitatem, quia temporum illorum quibus institutus atque in simul obseruatus fuit hic modus, & nostrorum, tam discrepans est Status, tantaque diuersitas, vt iis inter se inuicem collatis, longe alia, quam olim bonorum facultatumue hodie sit Condicio. Atque hinc est, quod plurimi Statuum Ordines, Matriculæ ad Expeditionis Romanæ Censum directæ Correctionem & reductionem in omnibus ferme ac singulis Imperii Comitibus Vniuersalibus tantopere expetunt.

§. LXX. Vnde Alterum illum Collectandi Modum qui fit per Censum Communis Denarii (vulgo nach Anschlag

des gemeinen Pfenning.) longe aptiorem & magis æquorem plurimi Status existimant, eo potissimum, quod secundum Eius Collectionem Nemo ultra vires ac facultates suas gravetur, sed quisque pro rerum suarum modulo existimetur: Id quod multis etiam nobis ostendit *Vir de Republica nostra Rom. Germanicæ optime meritus Dn. Tobias Oelshaffen von Schellenbach in Templo pacis. Orat. IV. & V. p. m. 158. & 200.* quarum prior summam necessitatem & Utilitatem decantata Correctionis Matriculæ *ad d. Censum Exped. Rom.* directæ, abunde demonstrat, si mulque media quibus facile ad hanc Correctionem perveniri posset, egregia exhibet. Posteriori vero Oratione firmiter concludit Communem Denarium, (Seposita hæc Matriculæ Correctione, quod tamen fieri haud debet,) non solum magis æquorem, sed etiam multo opimiorum & fertiliorem altero fore.

§. LXXI. Verum enim vero neque de hoc inter omnes ac singulos Imperii Ordines adhuc dum satis convenit; tam discrepans enim ac diversum Statuum hæc in se est studium, ut in unum redigi vix ac ne vix quidem possit; Cuius rei Exemplum nobis exhibet SPEIDELIVS in *Novissimis suis Observationibus voc. Gemeiner Pfenning.* ubi ex Actis & Protocolis Imperii diversa diuersorum Impesii Ordinum Vota diligenter annotavit atque studiose collegit, quorum aliqua saltem ex *d. Observationibus*, (utpote quæ in paucorum manibus sunt) in medium proferre, nec superuacaneum neque inutile fore existimo.

§. LXXII. Cum enim, (inquit SPEIDELIVS) diuersis temporum vicibus, An. sc. 1598. 1603. & 1641. Hæc Quæstio in publicis Comitibus proponeretur: An nimirum, indicta tunc temporis Contributio secundum Censum Expeditionis Romanæ; an vero iuxta Censum Communis Denarii præstanda esset? semper contrariis votis pugnatum fuit: id quod subiecta exempla ostendunt.

§. LXXIII. Ex parte enim DOMVS AVSTRIACÆ ET SALIS-

LISVAGENIUS, Earumque Adherentium, quorum magnus erat numerus; pro Censu Communis Denarii Vota tum temporis fuerat lata: I. Eo quod Communis Denarius longe sit antiquior Censu Expeditionis Romanæ, quoniam & Imperatoris Friderici tempore post occupatam Constantinopolim ac Orientalis Imperii eversionem in usu fuerit; ac Imperator Maximilianus. *An. 1495. & 1512.* Eundem usurpaverit: Et licet etiam Imperator Carolus V. censu Expeditionis Romanæ nonnunquam usus fuerit, id tamen ea occasione saltem factum, quoniam Status in Recessu Imperii *An. 1521.* Wormatæ habito, Eundem concesserint ad Coronationem Romanam; non vero in alium finem. Adeo, vix licet tum temporis pro hac Coronatione impetranda non usurpatus, vetum in aliam Imperii urgentem necessitudinem versus; tamen postea sequentibus annis *An. 1542.* Communis Denarius denuo introductus fuerit. II. Quod Communis Denarius vigore Propositionis Imperatoris æquissimum ac iustissimum collectandi sit modum, quo Aurea Equitas conferri posset; quoniam Nemo hic ultra suas vires ac facultates, vel etiam Unus præ altero aggraretur; verum æquabilis portio inter utrumqueque rite observetur. Quare nullum dubium quin istiusmodi necessaria Collecta certior, promptior, atque etiam uberior sit futura; cum hac ratione Statum querelis de moderanda & minuenda Taxa nullus amplius locus relinquereetur. III. Quod Communis Denarius multas impediret controuersias ac difficultates, quæ alias in Censu Expeditionis Romanæ exoriri solent; nimirum: Quod ad Subditorum Subcollectionem; & Status Eximendos ac Exemptos. Vel inter ipsos etiam Status, dum aliqui Collectam personis, alii vero rebus imponendam esse censent; aut denique inter Status Ecclesiasticos & Seculares, quorum Illi nonnunquam ob bona diuersis in locis sita, ab utroque Magistratu æstimantur; quod tamen iniquum est.

S. LXXIV. Ex parte vero BAVARI Eiusque Adherentium

tium pro Censu Expeditionis Romanæ hæc proferebantur argumenta. I. Censum Expeditionis Romanæ ab *An. 1544.* persequentia etiam tempora semper a Statibus fuisse usurpatum; Communem vero Denarium per longum temporis spaciū plane non obseruatum, aut si vel maxime obseruatus fuerit *An. scil. 1495. 1512. 1531. 1542. & 1544.* Eundem tamen optato effectu semper fuisse destitutum, pecuniamue ad propositum finem non collocatam, certo certius esse. II. Subditis graue fore, si præter Ordinarium Canonem, etiam Communem Denarium persolvere tenerentur; Et Censum Expeditionis Romanæ æque proficuum fore ac communem Denarium. III. Principes ac Status Imperii haud concessuros esse, quod sua suorumque bona ac facultates ita taxentur & publicentur, ut in Censu Communis Denarii fieri assoler; *Graue namque esse vilitatem detegi paupertatis, & diuitias exponere inuidia.* Certa quoque inter nonnullos Principes & Eorum subditos dari Compactata, ideoque Communem Denarium absque confusione & discordiis usurpati haud posse; denique Statibus permixtum semper esse in Recessibus Imperii Sub-Collectionem subditorum in istiusmodi auxiliis publicis instituere; & Principes alias satis sollicitos esse, quo se ex bonis Cameralibus apte sustentare queant, cum certe quotidianæ expensæ in dies crescant, redditus vero Camerales magis magisque decrescant. Quare iam plures ante annos in Imperio nostro hunc Collectandi modum, nempe secundum Communem Denarium, fuisse sepositum, & contra vero Matriculam Imperii ad Censum Expeditionis Romanæ directam non solum ad Coronationem Romanam verum etiam ad quævis alia toti Imperio Romano-Germanico imminuentia pericula & mala vel auertenda vel minuenda, usurpatam fuisse; testari Imperii Protocolla. V. SPEIDELIVS, d. *Obseruat. Confer. AUCTOR. des. Discurs von dem teygen Reichs-Tag. circa finem.*

NOTABILIA SUPPLEMENTI STRAVCHEN OTT. ANNO 1782

1784

§ 14

§. LXXV.

§. LXXV. Has igitur & similes egregias grauesque pro hoc & illo Collectandi Modo in publicis Comitibus a diuersis Statuum Ordinibus in medium allatas rationes in suo equidem valore relinquimus, nec vnā prae altera arripimus, verum vtrasque pro virili in vtramque partem in Cathedra defendendas suscipimus; quoniam alias etiam hi duo Collectandi Modi, nempe: secundum Censum Expeditionis Romanae (*nach Anschlag des Römerzugs*), & iuxta Censum Communis Denarii, (*nach Anschlag des gemeinen Pfennings*) in Imperio nostro Rom. Germanico, licet diuersis temporum vicibus, consensu Statuum & subsecuto vsu, vtrique recepti & comprobati sunt; indeque etiam pari necessitatis, vtilitatis, & honestatis precio, si priuatis affectibus incorrupti fuerint subalternis vsibus, pro temporum & Reipublicae Stati aestimandi veniunt. Quare hic gradum sistimus, & studia nostra Beniuolo Lectori porro commendamus.

IV.
M. PAVLI MARTINI SAGITTARIJ,
 DISSERTATIO
 DE
LOCIS SEPVLCHRALIBVS SER-
FAMILIAE WITIKINDEAE AB EX-
CESSV OTTONIS DIVITIS

ALTENBURGI

TPIS RICHTERIANIS 1679. 4.



Qvod diu mente agitaui, nunc tandem, occasione sic ferente, expediam, ea tamen lege, vt primis tantum lineis, pictorum more, ductis, Syngramma exhibeam, secuturo tempore, si Deus annuet, melius expoliendum. Tota res omnium optime, meo quidem iudicio, tractabitur, si Locos sepulchrales Seren. Familiae Witikindez iuxta seriem Alphabeticam recensuero. Primum in iis locum ALTENBURGVM teneat, quod in templis *Asilico & Dis-calceatorum* multa ostendit Principum sepulchra. Illud D. Georgio a *Wilhelmo* II. *Dux* consecratum in Choro asseruat I. ipsum Fundatorem Weidæ A. 1425. sexta ante Palmarum die, vt Historia Erphesfordiensis de Landgrauis Thuringiæ c. 161. statuit, aut ipsa Dominica in Palmis, placida morte extinctum. II. Fratrem *Wilhelmi Fridericum Bellicosum*, primum ex Misiæ Marchionibus Saxonie Electorem hic 4. Ianuar. A. 1428. ex tempestatibus mundanis eluctantem & sepultum, quanquam Chronicon Neostadiense, Appendix Lautenbergii & Wolffg. *Krause* in Chron. Geneal. Famil. Sax. *Reinbardisborna*, Abrah.

Her-

Hermannus in Geneal. Ducum Sax. p. 16. *VVittenberge & Misna* Paulus Langius, Petrus Albinus & Fridericus Hortlede-
rus tumulatum velint, vt in dissertatione de loco sepulchrali
Friderici Bellicosi pluribus indicaui. III. *Margaretham*, Fri-
derici Placidi, Electoris Coniugem & filiam Ernesti, Archi-
ducis Austriæ, ex arce nostra in cœlestem Dominica Inuocauit
6. Febr. A. 1486. euocatam, & diebus Mercurii, qui Francisco
in Fastis sacer, nec non Iouis, humatam Senatoribus humeros
capulo subiicientibus. Falli ergo videtur Vir cœteroquin do-
ctissimus Fabritius, quod *Margaretham* Lipsiæ A. 1484. dena-
tam l. VII. Orig. Sax. f. 791. & *Misna* conditam l. de Electo-
ribus f. 22. asserat, IV. *Iohannem VVilhelmum*, Iohannis ex Do-
rothea Maria Anhaleina filiolum 7. Apr. A. 1595. fato functum
& die postero terræ mandatum. V. Anonymum eiusdem fi-
liolum inter materni vteri latebras 11. Apr. A. 1598. suffoca-
tum & 14. eiusd. iuxta fratrem repositum. VI. *Magdalenam*
Sibyllam, Seren. Friderici & Magdalenz Sibyllæ gnatam 1. Mart.
A. 1673. floris instar solstitialis prætereunte aratro tactam &
19. Mensis currentis *Margaretha*, qua Austrum respicit, adla-
reratam. Conditorium fornicatum auspiciis optimi Principis,
Friderici VVilhelmi A. 1663. paratum continet VII. Ipsum
autorem laudis vitæque suæ terminum 22. Apr. A. 1669. attin-
gentem & condituro die 14. Iulii traditum. VIII. Eius vxo-
rem *Magdalenam Sibyllam*, Christiani V. Daniæ Heredis viduam
& filiam Iohannis Georgii L. Enliferi 6. Ianuar. 1668. huma-
nis rebus exemptam & 9. Martii funeratam. Filios item duos
IX. *Christianum*, Iuuentutis Principem mortalibus s. Iun. A.
1663. subductum ac primum monumento nouo 22. Iul. impo-
situm, & X. *Fridericam VVilhelmum* III. quem absoluto breui
vitæ penso sidera tanquam suum 14. Apr. A. 1672. non sine
ingenti subditorum desiderio, repetiere, mœstaque patria fu-
nere magnifico 17. Iul. extulit. *Ædes Discalceatorum* Scholæ
nostræ conigua in requietorio Sacratio proximo & A. 1617.

in hunc vsum formato locum sepulturæ dedit XI. *Anna Maria*, secundæ Friderici Wilhelmi I. maritæ, filii Philippi Ludouici, Comitis Palatini Rheni, Dornburgi Calendis Febr. A. 1643. vitæ finem facienti & 27. Aug. anni insequentis hic deposita. XII. *Iohanni Philippo*, Friderici Wilhelmi ex Anna Maria filio natu maximo, qui 1. April. A. 1639. viuere desiit & 5. Febr. anni subsequæntis tumulum subiit. XIII. Eius coniugi *Elisabethæ*, Augusti, Ducis Sæx. Viduæ, patre Henrico Iulio, Duce Bruno- uicensi, prognatæ, cuius corpus 25. Martii A. 1650. morte resolutum 21. Maii ad latus Mariti locabatur. XIV. *Friderico*, Friderici Wilhelmi I. ex altero matrimonio filio natu secundo, qui in cruento conflictu prope Hannoueram globis duobus capite & brachio sinistro traiectus 25. Oct. A. 1625. animam Deo reddidit, seruatus Hannoueræ ad S. Egidium vsque ad 10. Not. A. 1628. inde huic delatus 10. Febr. A. 1629. & 12. ei. compositus. XV. *Anna Maria*, patre Friderico Wilhelmo I. & matre Sophia Wurtembergiæ editæ, cui Dresda viuendi finem 15. Dec. A. 1626. attulit, & Altenburgum, quo Dresda 5. Ianuar. A. 1627. transportata, 21. ei. iuit exequias. XVI. *Dorothea*, Alberti III. Saxoniz Ducis viduæ, filia Friderici Wilhelmi I. ex secundo coniugio, quam Deus ex mortali ad immortalem vitam 10. Apr. A. 1675. transtulit. Quod caducum in ea, gentilitium 8. Iul. recepit conditorium. XVII. *Sophia Elisabetha*, Friderici Wilhelmi II. thori sociæ, patre Christiano Wilhelmo, Administratore Magdeburgensi, genitæ 6. Martii A. 1650. naturæ, vti necesse erat, concedenti & 20. Maii funeri destinata. Et XVIII. *Dorothea*, Sophiæ Elisabethæ iam laudatæ genitrici & Henrici Iulii, Ducis Brunouicensis, filia, cui humani quid Ziegeseræ 1. Sept. A. 1643. accidit. Manibus illius iuxta 28. Aug. 1644. sunt soluta.

CELLA vetus ad Muldam Freibergensem ab *Ottone Diuice*, Marchione Misniæ, in honorem S. Mariæ A. 1164. exstructa multis sepulchri sedem præbuit; ibi etiam requiescunt (11) huius

huius Monasterii Monachis Ordinis Cisterciensis assignati conditor *Otto*, qui supremum diem 18. Febr. A. 1189. expleuit. II. *Ottonis* Vxor *Hedwigis*, filia Alberti Vrsi, Electoris Brandenburgici ex *Sophia* Reineccensi. III. *Albertus*, Ottonis filius, Heinrichsdorfi, 24. Iun. A. 1195. vitæ mimum absoluit. IV. *Sophia*, vxor Alberti, Friderico, Duce Bohemiæ, oriunda, maritum 24. Iulii secuta. V. *Ditericus*, Ottonis filius vitans 27. Febr. A. 1222. (Annales Lauterbergenses A. 1210.) posuit. VI. *Iusta*, coniux Diterici, filia Hermanni, Thuringiæ Landgrauii & liberi sex. VII. *Ditericus*. VIII. *Otto*. IX. *Conradus*. X. *Iusta*. XI. *Hedwig*. & XII. *Sophia*. XIII. *Henricus Illustris*, Diterici filius, Dresdæ mortalitatem exiit 15. Febr. A. 1288. (Albinus Chron. Misn. tit. 22. f. 293. ponit 25. Febr.) quo die iusta forsitan ipsius manibus data. XIV. *Constantia*, filia Leopoldi, Ducis Austriæ, a latere mariti Heinrichi III. 7. Iulii A. 1262. (non 1242. vt Albinus l. c.) auulsa. XV. *Agnes*, Ottocari, Regis Bohemiæ filia, & altera Heinrichi III. vxor, quæ naturæ debitum, 13. Sept. A. 1268. reddidit. XVI. *Elisabetha* Malticii (non Milticii, vt Reuf. Stemm. Witich. l. 33.) Lichtensteini habitantis filia, tertia Heinrichi III. vxor, mundo 14. Ian. valedixit. XVII. *Ditericus Pinguis*, Heinrichi III. ex Constantia filius, vitæ cursum 3. Febr. A. 1282. confecit Suseelirii, quo loco Fabritius & Reusnerus conditum eum volunt. XVIII. *Fridericus Tutta*, Diterici Pinguis & Helenæ filius, Hirschsteini A. 1291. mortem inuenit. XIX. *Hermannus Procerus*, Heinrichi III. ex Elisabetha Malticia filius A. 1304. (non 1238. vt Albin. l. c.) morte concidit. XX. *Fridericus Paruus*, frater Hermann, Dresdæ 25. Apr. A. 1316. spiritum effudit. XXI. *Heinricus Fyall*, filius Alberti & Margarethæ Sueuicæ A. 1289. (1299. Albinus & Faust. in Geneal. p. 131.) de vita exit. XXII. *Hedwigis*, Heinrichi Exulis compar, Heinricho, Silesiæ Duce procreata, & filius XXIII. *Fridericus*. XXIV. *Agnes*, Carinthiæ Ducissa, vxor Friderici Admorsis, quæ Fabritio l. 6. Orig. Sax. f. 639. & Reuf-

nero. §. 36. hic cubare dicitur, fato defuncta A. 1318. quod tamen veritati Historice non consonum; Fridericus enim Grauis, Friderici Admorsii ex altera vxore Elisabetha Arnshaugia filius A. 1310. vitalem auram hausit. XXV. *Fridericus Claudus*, quem ex Agnete Fridericus Admorsus suscepit, in oppugnatione arcis Zyvenccanz sagitta confixus Anno 1315. occubuit, Cellæ humatus 13. Ian. XXVI. *Fridericus Grauis*, viua Friderici Admorsii & Elisabethæ Arnshaugia imago 2. Febr. Anno 1349. de vitæ præsidio decessit. XXVII. *Mechtildis*, Friderici Grauis vxor, Ludouici IV. Imper. filia 2. Iul. A. 1346. fato succubuit. XXIX. Huius Filius *Fridericus Strenuus*, Altenburgi 26. Maii A. 1380. humana relinquens cum vxore XXIX. *Catharina*, Henrici XII. Comitissæ Hennebergici, filia 15. Iulii A. 1397. demortua; XXX. filio *Friderico*, cui Parca vitæ stamen teneris in annis intercidit & XXXI. filia *Catharina*, quam Infantem adhuc mors occupauit.

CIZÆ Conditorium Principum in templo nitidissimo arcis *Moritzburgi* ad Elystrum reperitur, quo Sereniss. *Mauritius* coniugem suam alteram *Dorotheam Mariam*, Wilhelmo IV. Duce Saxo-Vinariensi genitam & 11. Iun. 1675. lecto datam reposuit, vt & liberos I. *Iohannem Georgium* 5. Sept. A. 1685. vitæ orbatum. II. *Eleonoram Magdalenam*, 26. Febr. A. 1661. cvinis sublatam. III. *Marian Sophiam*, quam in cunis adhuc cubantem 31. Maii A. 1671. vita destituit, & IV. *Magdalenam Sibyllam*, 10. Aug. 1672. in complexu Matris Optimæ mortuam & 2. Oct. exequiis decoratam.

COBURGO, Franconia Montana oppido, vendicamus I. *Iohannem Ernestum* I. Ioh. Constantis, Electoris Saxoniae ex Margaretha filium, cui dies octauus Febr. A. 1551. fati lineam consummauit. II. *Iohannem Fridericum* II. Iohannis Friderici Electoris filium Stiræ (non Neostadii) in Austria 9. Maii A. 1595. ex captiuitate in aeternam libertatem vocatum, cuius extrædes S. Aegidii Stiræ d. 13. ei. recepit, ossa vero Coburgum.

III.

III. Coniugem Ioh. Friderici II. *Elisabetham* Palatinam Neoradii, Austriæ oppido, 8. Febr. 1594. vinculis humanis, solutam & 30. Dec. humo creditam. IV. *Iohannem Casimirum*, iam laudati Ioh. Friderici II. ex *Elisabetha* filium, qui beatorum consortio 16. Iulii 1633. adscriptus est. Atque horum exuuiis templum oppidanum S. Mauricii possidet; Quæ autem in Castro videtur Aedes, *Anna*, Iohannis Casimiri Coniugis primæ, & Augusti, Electoris Saxoniz filiz, ossa dicitur asseruare.

CRVCIBVRGVM, Thuringiz oppidulum, admisit *Elisabetham* Iohannis, Comitiss. Mansfeldensis, filiam & maritam Iohannis Ernesti II. quæ puerperii laboribus fatigata 12. Apr. A. 1596. ab oculis mariti recessit, sepulchrum vna cum filio *Iohanne Friderico* 8. Apr. prima post partum hora denato, in templo ad forum sito accipiens, Rensnerus. f. 45. *Ilmenam* statuit.

DRESDÆ elegantissimum *Sophia* templum videtur & in eo: exuuiæ I. *Iohannis VVilhelmi*, Friderici Wilhelmi I. Pro-Electoris ex Anna Maria filii, qui Brigæ Silesiorum 2. Dec. A. 1632. mortem oppetiit & ad sepulchrum 28. Martii A. 1633. contendit. II. *Iohannis Georgii*, patre Christiano & matre Christiana Holsata nati, qui mortis falce 3. Ian. A. 1654. est succissus. III. *Anonymi* eundem cum Ioh. Georgio patrem agnoscentis & inter fingentis adhuc naturæ manus 1. Febr. A. 1656. intercidentis. IV. *Sophia Hedvigis*, filiz Philippi, Ducis Holsato-Glucksburgensis, Mauritio iunctæ, cui difficilis pariendi labor vires vitamque ipsam 27. Sept. A. 1652. ademuit: Filiorum V. *Iohannis Philippi*, & VI. *Mauritii*, quorum ille 24. Mart. A. 1652. tenebram animam efflauit: hic vero 10. Maii A. 1653. & 24. ei. humo coopertus.

ERFVRTI, Thuringiz ocelli, in B. Virginis æde *Albertus A. Heintici Illust.* filius A. 1314. demortuus voluit quiescere.

FREIBERGAM, splendidissimum Ducum Saxoniz Mausoleum in templo Basilico continere, hominem, qui his in ter-

ris ignoret arbitror neminem. Hic namque iacent I. *Henricus Pius*, ex sanguine Alberti Animosi 18. (alii 19.) Augusti A. 1541. vitam cum morte commutans. II. *Coniux Catharina*, Magni Ducis Megapolitani, filia, quæ octuagenario maior Torgauæ 6. Jun. A. 1561. inter viuos esse desit. III. *Mauricius*, Henrici filius, Elector, quem hostilis globus in acerrimo prope Siuershusam prælio 11. Iulii A. 1553. prostrauit. Supremum pietatis officium apparatu funeris magnifico Misnia 23. Iulii celebrauit, visceribus Siuershusæ conditis. IV. Filiolus ex Agnate Hassiaca, *Albertus*, qui exiguo vitæ curriculo Dresdæ 12. Apr. 1547. confecto, 16. dicti mensis auitis cineribus immixtus creditur. V. *Sidonia*, Mauritiï soror, in connubio Erici, Ducis Brunouicensis, Weissenfelsæ 4. Ian. 1575. diem obiit, sepulturæ honore 10. eius affecta. VI. *Augustus*, Elector Saxonie, Henrici filius, Dresdæ 11. Febr. A. 1586. mundi Theatro excessit, ad Maiores 15. Mart. collectus. VII. Vxor *Anna*, quæ Christianum III. Dania Regem patrem habens maritum præcessit 1. Oct. A. 1585. Dresdæ, inde portum corporis Freibergæ 2. Nov. nacta est, vbi amissa anima mollem somnum capit. Filii octo: VIII. *Iohannes Henricus* 12. Nou. A. 1550. cœlitibus adscriptus & sepulchro 16. ei. donatus. IX. *Ioachim* 22. Nou. A. 1557. morte raptus, cui tumulus d. 25. ei. parabatur. X. *Magnus* 6. Nou. A. 1558. in communem locum abiit, sepulcro 10. ei. inclusus. XI. *Hector*, qui 4. Apr. A. 1560. a felicium animarum cœtu exceptus 6. ei. huc est transmissus. XII. *Alexander*, Administrator Præsulatus Martisburgensis, spiritu 15. Oct. A. 1566. (alii 7. Oct. 1565.) laxato reliquis fratribus 22. ei. adlaueratus est. XIII. *Augustus*, cui vitæ exodus 12. Febr. A. 1576. contigit & introitus in sepulchrum 14. ei. XIV. *Adolphus*, quem natura ab oculis hominum 12. Mart. A. 1572. amota est, terra quæ 14. ei. indidit. XV. *Fridericus* 24. Ian. A. 1576. Annaburgi vita defunctus, & cæteris fratribus 28. ei. adiectus. Filie tres XVI. *Eleonora*, 14. Apr. A. 1553. in fata concessit & in tumulum 27. ei. XVII. *Emilia* 2.

Iulii

Iulii A. 1565. ad vitæ exitum vocatæ. XIX. *Maria*, 8. Jan. (alii
 6. Jan.) 1566. spiritum fato dedit. XIX. *Christianus I.* Septem-
 uir Saxoniz, Augusti filius, 25. Sept. A. 1591. vitæ munerare reliquit.
 Exequias eius Freiberga 26. Oct. prosecuta est. XX. *Sophia*, Io-
 hannis Georgii, Electoris Brandenburgensis filia, in xoro Chri-
 stiani I. quæ perennem salutem beata morte 7. Dec. A. 1612.
 impetravit & marito 28. Jan. anni subsequents unita perhibetur.
 XXI. *Aina Sabina*, Sophia matre prægnata 24. Mart. A. 1586. dis-
 cessit, cuius ossa 26. ei. monumento auito immissa. XXII. *Elis-
 abetha* (non Sophia, vt *Schmidt*, in *Ann. Zwicav.* p. 303.) ea-
 dem matre proditiis 4. Mart. (4. Maii Moll. in *Ann. Fréb.* p. 362.)
 A. 1589. breuem vitæ fabulam perëgit & 7. ei. reperit requiënt.
 XXIII. *Christianus II.* Romani Imperii Ensisser, patre cognomi-
 ne gaudens, 23. Iun. A. 1611. morte repentina intercepus, Exe-
 quias Freiberga 6. Aug. curauit. XXIV. Huius coniux *Hedvige*,
 Friderici II. Daniæ Regis filia, quæ Lichtenburgi 26. Nou.
 1641. ad fatale decretum abiens 29. Maii 2. 1642. ad maritum
 congregabatur. XXV. *Augustus*, Christiani III. frater, Admini-
 strator Episcopatus Naumburgensis, qui vitæ humanæ proscenio
 Dresdæ 26. Dec. excedere visus Freibergæ resurrectionem expe-
 ctat, quo 6. Febr. A. 1616. aduenit. XXVI. *Dorothea*, Augusti
 vterina, Abbatiſſa Quedlinburgensis, Dresdæ 17. Nou. A. 1617. in-
 diuus transscripta. Exequiarum officium 9. Dec. ipse est solutum.
 XXVII. *Iohannes Georgius I.* Septemvir Saxoniz, Christiani I. fi-
 lius, qui ex hac vita ad gaudia cœlestia 8. Oct. A. 1656. euolauit.
 Humanitatis negotium Filius optimus Iohannes Georgius II. 4.
 Febr. A. 1657. gessit. XXVIII. Coniux illius prima *Sibylla Elis-
 abetha*, Friderici, Ducis Wûtenbergici, filia, cui facis huius vitæ
 20. Jan. A. 1606. erepta. Funeris curam 25. Febr. habuit ma-
 ritus. XXIX. Altera *Margdalena Sibylla*, Alberti Friderici, Du-
 cis Borussia filia, quam anima 12. Febr. A. 1658. defecit. In offi-
 cium exequiarum Filius Filiaque 12. Apr. successerunt. Eilioli
 tres XXX. Anonymus in visceribus matris 18. Iulii A. 1608. ex-
 tit-

tinctus, & ad Mausoleum aurum 25. ei. deductus. XXXI. *Christianus Albertus* 9. Aug. A. 1612. a Deo manumissus, Freibergam 31. dicti mensis portatus. XXXII. *Sibylla Maria*, Ser. Iohannis Georgii II. Saxoniz Electoris, ex Magdalena Sibylla Culmbacensis filiola, quæ in Libitinz rationem 27. Febr. A. 1643. veniens Maiorum Iunefibus 6. Apr. est annumerata.

GOTHA, antiqua Gothorum sedes, inque ea templum oppidanum S. *Margaretha* honori dicatum sepultura sedem impertita est I. Ser. *Ernesto Pio*, Iohannis & Dorotheæ Mariæ Anhaltinz filio, qui 26. Martii A. 1675. ad illas præmissus est sedes, in quibus beati ævo sempiterno fruuntur. Ultimum officium debite pietatis obsequio 26. Iunii implevimus. Eius Filiis quatuor ex pientissima Elisabetha Sophia. II. *Iohanni Ernesto*, Iuventutis Aquila, cui morbilli tantam vim intulerunt, vt animam ultimo A. 1657. die sede sua cicerint. Funus satis amplum ei faciendum curarunt Parentes 14. Ian. A. 1658. III. *Christiano*, qui, velut solstitialis herba, ostentatus simul est raptusque, quod factum 1642. IV. *Iohanni Philippo I.* 19. Maii vita functo & 26. ei. tumulato. V. *Iohanni Philippo II.* quem sati iniquitas 13. Mart. A. 1661. abstulit. Filiabus numero totidem VI. *Iohanne* 7. Dec. A. 1657. vi variolorum prostrata & 17. ei. terræ mandata. VII. *Sophiæ* eodem morbi genere 12. Dec. A. 1657. oppressa & sorori 18. ei. adlaterata. VIII. *Iohanna Elisabetha* viuorum numero 18. Dec. A. 1660. exemitæ. IX. *Sophiæ Elisabethæ* 12. Maii A. 1663. obdormiscens, Nepoti X. *Iohanni Ernesto*, Seren. Bernhardi & Mariæ Hedvvigis Darmstatinz filiolo, 8. Febr. A. 1675. exanimato, Et Nepti XI. *Mariæ Elisabethæ* idem cum fraterculo Iohanne Ernesto factum A. 1676. expertæ.

HALA Saxonum cor *Ernesti*, Archi-Episcopi Magdeburgensis, patre Ernesto, Saxoniz Electore, orti in ade aulica Moritzburgensi complectitur. Carnis autem viam 1. Aug. A. 1513. ingressus est. Aedes Basilica ternarium Filiarum, quas Augusto, Germaniz Primati & Administratori Magdeburgensi Anna Maria

Maria peperit. 16. Iun. A. 1663. recepit, *Catharinam*, scilicet 21. Apr. *Elisabetham* 11. Maii & *Dorotheam* 12. ej. placida morte, vt molli sopore, solutas.

De IENA pauca quoque veniunt in memoranda; Hic enim in templo oppidano S. Michaelis conditorium *Bernhardi*, quem Wilhelmus IV. ex Eleonora Dorothea Anhaltina suscepit. Mortem & eius facialem febriculam 3. Maii anni superioris superare coepit, 20. Iunii quieti datus. Iuxta eum cubant filii ex Maria Tremollia *Wilhelmus* & *Bernhardus*, in quibus ille 21. Iunii A. 1666. hic 26. Apr. A. 1668. ad plures abierunt: & filia Anonyma, quæ 7. Apr. A. 1666. in lucem hanc edita, lucem tamen videre non potuit.

IENA relicta ISENACVM ingredior continens *Friderici Admorsæ* 25. Apr. A. 1325. (non 1326.) terminum bellis & laboribus suis ponentis, cineres in templi suburbani S. Catharinæ Sacello D. Iohanni consecrato. In æde fratrum Prædicatorum dormit Coniux *Elisabetha* Arnshaugiana A. 1359. vita priuata cum *filio* cognomine. Hic quoque siti sunt *Iohannes Ernestus II.* Iohannis Friderici II. ex Elisabetha Palatina filius, qui desideratam animæ suæ analysin ex tristi corporis ergastulo 23. Oct. A. 1638. consecutus est: *Albertus*, Iohannis & Dorotheæ Mariæ filius e medio Fratrum ad Mediatorem 20. Dec. A. 1644. sublatus, cui exequiarum solennitas 7. Martii anni insequentis celebrata: *Adolphus VVilhelmus*, Wilhelmo IV. genitus, e miserrima æruninarum valle ad cœlestem ciuitatem A. 1668. transiit vna cum filiis *Carolo Augusto*, *Friderico VVilhelmo*, *Ernesto Augusto*, *Erdmanno* & *VVilhelmo Augusto* posthumo, quem fatalis hora A. 1671. superuenit.

Quoad LIPSIAM, Musis & Mercurio propitiâ, & hæc funera Principum suo recepit sinu; Nam ædes Paulina *Dicemmannum*, Alberti ex Margaretha Sueuica filium 26. Dec. (alii 25.) A. 1307. (non 1280) in templo Thomano a Sicario trucidatum condidit, vt & *Elisabetham*, Alberti 3. Austriæ Archi-Ducis filiam,

Ernesti, Saxoniz Electoris coniugem, quæ die Veneris post Dominicam Esto mihi A. 1484. (non 1483, vt Langius) ex hoc turbulento vitæ solo in perpetuæ quietis portum nauigauit.

MAGDEBURGI sepeliri voluerunt Archi-Episcopi Magdeburgenses *Ludonicus & Ernestus*: ille Friderici Grauis filius 17. Febr. A. 1382. (quidam 1381.) suum obiit fatum: & hic Ernesti, Electoris proles 1. (alii 3.) Aug. A. 1513. Deprehendes autem amborum ossa in æde S. Mariæ.

In MARTISEBURGENSE dormitorium, quod ædes Dominica exhibet, Seren. Christianus, Episcopatus Martisburgensis Administrator reposuit par liberorum *Mauritium & Magdalenam Sophiam* ille 21. Apr. 1664. hospitio egressus est: hæc A. 1673.

Ex veteri Cella Principum conditorium MISENAM translatum est, vbi tumulus in æde Dominica paratus I. *Friderico*, Friderici Grauis filio, qui albatu Rochlitii 5. Dec. A. 1329. de vita exiit. II. *Sigismundo*, Episcopo Martisburgensi, qui filius Friderici Grauis Misenz A. 1357. vitæ telam pertexuit. III. *VVilbelmo I.* Cocleis Sigismundi iam nominati fratri, cui supremum fati tempus die Cinerum A. 1407. illapsum. Funeris honore 10. Febr. dicitur mactatus. IV. Coniugi *Elisabethæ*, Iodoco Marchioni Morauienfi suam debenti originem, quam summus vitæ arbiter ad finem mortalitatis 20. Nou. A. 1400. deduxit. V. *Anna & VI. Clara*, Friderici Grauis filiaabus. Capella Principum Basilicæ oecusum versus adhærens & fundata a Friderico Placido completitur. VII. *Catharinam*, Friderici Bellicosi thori sociam, patre Heinricho, Duce Brunouicensi natam, quæ constitutum a Deo & natura cursum Grimnæ 18. Dec. A. 1442. absoluit. Labitur Fabrit. tr. de Elect. Sax. f. 20. quod Altenburgi humatam scribat. VIII. *Heinricum*, ex Catharina natum & A. 1433. denatum. IX. *Sigismundum*, Antistitem Herbipolensem, Patre Friderico Bellicoso fatum, quem hora fatalis Rochlitii 25. Dec. A. 1457. inuasit. X. *Fridericum* Placidum Sigismundi fratrem, qui Lipsiæ 7. Sept. A. 1464. (non 1463.) colophonem vitæ imposuit. Filios eius XL. Hein-

Heinricum 12. Iulii A. 1435. in mortis necessitatem tractum. XII. *Alexandrum*, A. 1446. vita orbatum: XIII. *Fridericum* 23. Dec. 1451. sarcinulam colligentem: & Filias. XIV. *Aureliam* in pueritia mortuam. XV. *Æmiliam*, Ludouici (non Georgii) Diuitis, Ducis Bauariz, coniugem, quæ non tam finit mortalitatem, quam eius leges Rochlitii 18. Nou. A. 1502. impleuit. XVI. *Ernestum*, Electorem, Friderici itidem filium, qui Colditii (non Rochlitii) corpus, ceu dormiturus vestem, 26. Aug. A. 1486. exiit; optimam Matrem Margaretham secutus. XVII. *VVolfgangum*, eius ex Elisabetha Bauara filium. XVIII. *Albertum*, militibus *Rolandum* salutatum, Ernesti fratrem, quem morbus solstitialis Germaniz inuidit, quod in Monasterio prope Emdam, Frisiz urbem die Sabbati post Natiuitatis Mariz A. 1500. accidit. Extis in Cœnobio conditis corpus exanime Misenam vestum est 29. Ian. A. 1501. vt Mich. Bœmus in vita Alberti tradit. Fabritius I. VII. O. S. f. 839. habet 1. Nou. A. 1500. XIX. Eius Vxorem *Zedenam*, Georgii Podiebradii, Regis Bohemiz, filiam ad beata Paradisi viridaria Taranti 1. Febr. A. 1510. euocatam. Filios XX. *Iohannem I.* XXI. *Ludovicum*. XXII. *Iohannem II.* XXIII. *Fridericum*, Magistrum Ordinis Teutonici in Borussia & Coadiutorem Magdeburgensem, cui mortalem conditionem Rochlitii 20. Dec. A. 1510. euitare non licuit. XXIV. *Georgium Diuitem* 17. Apr. A. 1539. mortis iter calcantem, nouoque Sacello illatum. XXV. *Barbaram*, Georgii Vxorem, Casimiro, Rege Poloniae, prouidentem, quæ 17. Ian. A. 1574. suis vltimum vale dixit. Filios quinque XXVI. Christophorum I. Lipsiz 5. Sept. A. 1497. vitæ lampadem aliis tradentem. XXVII. *VVolfgangum*, qui 12. Ian. A. 1499. in coelum secedens 21. ei. sepultus. XXVIII. *Christophorum II.* prima ætate ad æterna citatum. XXIX. *Iohannem II.* Ian. A. 1537. fumi instar euanescentem. XXX. *Fridericum* 26. Febr. A. 1539. funestis fratrum vestigiis insistentem. Filias tres XXXI. *Annam*, XXXII. *Aguetem*, XXXIII. *Margaretham*, quæ adhuc impuberes in Libitinae cœsum redactæ.

XXXIV. *Annam*, Alberti & Zedenæ filiam. XXXV. *Annam*, Mauriti Electoris gnatam, Wilhelmi, Principis Aurasionensis, vxorem, quæ beatam analylin Dresdæ 18. Dec. A. 1777. (non 1582.) habuit & 20. ei. sepulturæ honorem.

Progredior ad PORTAM; Monasterium prope Salam, quod custodit ossa *Georgii*, a Friderico Strenuo procreati, cui Coburgi 9. Dec. A. 1401. (non A. 1411.) hora nouissima aduenit.

Inde me REINHARDISBORNAM consero, quod cubile dedit I. *Balthasari*, Friderici Grauis filio, VVartburgi 18. Dec. A. 1406. mortem læto excipienti animo. II. Eius filio *Friderico Simplici*, quem VVeisensehæ 4. Maii A. 1440. mors sub pedes coniecit. III. *Anne*, coniugi Friderici & Güntheri, Comitis Schvvarcenburgici filia, quæ vitæ pausam Friburgi 7. Sept. A. 1431. fecit. IV. *Anne*, Alberto II. Imperatore genitæ, primæ VVilhelmi III. vxori, quam Deus in perpetuam libertatem Eccardisbergæ A. 1461. asseruit.

SALFELDA quoque ad se me vocat; Nam in templo Iohannis sita est *Catharina*, vxor Iohannis Ernesti I. & hoc defuncto Philippi, Comitis Schvvarceburgici, filia Philippi, Ducis Brunsvicensis, lineæ Grubenhagensis, cui dies 24. Febr. A. 1581. suprema illuxit, funere 4. Mart. elata. Hic etiam anno elapso 6. Sept. sepulchrum adeptus est *Ernestus Augustus*, Ser. Alberti & Mariæ Elisabethæ filiulus, qui 17. Aug. celestis Hierosolymæ incola factus.

SVSELITIVM terræ mandasse dicitur *Ditericum Pinguem* & filium *Fridericum Tuttam*, quos tamen Cellæ cubare supra n. 17. & 18. significavi. *Beatricem* vero, Abbatissam Seufelicensi, Friderici Grauis filiam, ibi conditam esse, non refragabor.

TORGAVLÆ tumulus conspicitur *Sophiæ* (non Barbaræ, vt Langio f. 880. audit) primæ Iohannis Electoris coniugis, filia Magni, Ducis Megapolitani, quæ immarcescibilem coronam 12. Jul. A. 1502. diuina consecuta benignitate in templo oppidano R. Virginisprehendit requiem exoptatam.

VINA-

VINARIA. Cellæ, Freibergæ & Misenz non cedit, quin potius Principum ibi humatorum numero iis anteferenda. Exhibet enim in templo oppidano S. Petri & Pauli I. *Vilhelmum III.* Friderici Bellicosi filium, qui 17. Sept. A. 1482. (non 1483.) depositum reddidit, nactus locum sepulture in *Franciscanorum templo* a se excitato, quo diruto in ardore nominatam cineres eius, vt & duarum Margaretharum sunt translati. II. *Margaretham*, Ernesti Electoris filiam, Heinrichi (non Friderici) Ducis Luneburgensis vxorem, quæ in brachiis Saluatoris 7. Dec. A. 1528. placide expirauit. III. *Margaretham*, filiam Voldemari, Principis Anhaltini, secundam Iohannis Electoris vxorem, 9. Oct. A. 1521. beato obitu solutam. Hanc *Vitzberge Reusnerus & Fabricius*, falso tamen, tribuunt. IV. *Iohannem*, Margarethæ iam adductæ filium, & filiam V. *Margaretham*, vitæ stadium A. 1535. decurrentem. VI. *Iohannem Fridericum*, patris Iohannis in Electoratu successorem, qui cœlestis gaudii felicitatem Vinariæ 3. Mart. A. 1554. (non 1547. vt Theodorus Rhay in altera Noë arca p. 268.) & tumulum s. ei. obtinuit. VII. *Sibyllam*, Iohannis 3. Ducis Iuliaci, Cliuiz ac Montium filiam, Iohannis Friderici El. coniugem, quæ 21. Febr. A. 1554. non tam obiit, quam abiit. VIII. *Iohannem Ernestum*, filiolum Iohannis Friderici El. A. 1535. (non 1553. vt Reusnerus & Fabricius, confundentes *Iohannem Ernestum*, Iohannis Electoris filium, Coburgi viuentem cum hoc Iohannis Friderici filio) terris renunciantem. IX. *Iohannem Fridericum III.* Electoris cognominis filium, cui Iena 31. Oct. A. 1565. oculos clausit & Vinaria tumultum permisit. X. *Agneten*, Philippi, Hassiæ Landgrauii, filiam, quæ in coniugio Mauritiæ & tandem Iohannis Friderici II. 4. Nov. A. 1555. diuortium vitæ fecit. XI. *Iohannem Fridericum IV.* Ioh. Friderici II. ex Elisabetha Palatina filium Vinariæ 8. Aug. A. 1560. a suis distractum. XII. *Fridericum*, Iohannis Friderici II.

filiolum Eisenbergæ 3. Aug. A. 1571. (alii 1573.) mortem passum.
 XIII. *Iohannem VVilhelmum*, Iohannis Friderici Electoris fi-
 lium 2. Mart. (non 24. Febr.) A. 1573. ad triumphalem in coelis
 choram Vinarie deductum & dormitorio suo s. ei. commen-
 datum. XIV. Eius uxorem *Dorotheam Susannam*, Friderici III.
 Electoris Palatini filiam, quæ ad requiem 29. Martii (aliis 29.
 Maii) A. 1592. peruenit. XV. *Sibyllam Mariam*, Ioh. VVilhel-
 mi filiam, cui morbus Altenburgi 20. Febr. A. 1569. elisit spiri-
 tum. Funeri 25. ei. opera data est. XVI. *Fridericum VVilhel-
 mum I.* Iohannis VVilhelmi filium, Electoratus Saxonici Ad-
 ministratorem, qui 7. Iulii A. 1602. diuina luce & ineffabili
 gaudio coruscare cœpit. Exequiæ 19. Iulii sunt peractæ. XVII.
 uxorem illius primam *Sophiam*, Christophori, Ducis VVürtem-
 bergiæ, filiam, quæ Fachæ in Hassia 21. Iul. 1590. æternam adiit
 hæreditatem exequiis 28. ei. honestata. Filios tres XVIII. *Io-
 hannem VVilhelmum*, 23. Ian. A. 1587. acerbo funere sublatum.
 XIX. *Fridericum*, 20. Iun. eiusdem anni æternitatis candida-
 tum in fasciis pronunciatum. XX. *Anonymum* in utroq. matris
 cum ipsa extinctum 21. Iulii A. 1590. XXI. Filiam *Dorotheam
 Mariam*, quæ 28. Aug. Anno 1586. morti in rapinam cecidit.
 XXII. *Iohannem*, Iohanne VVilhelmo oriundum, qui animam
 Deo 31. Oct. 605. & mortalitatis reliquias terræ matri 20. Nov.
 reliquit. XXIII. Uxorem *Dorotheam Mariam*, filiam Ioachimi
 Ernesti, Principis Anhaltini, quæ voti de beata Analyfi 18. Iu-
 lii A. 1617. compos facta. Filios XXIV. *Iohannem* exiguum
 vitæ spatium 6. Oct. A. 1604. consummantem, & 11. ei. sepul-
 tum. XXV. *Fridericum VVilhelmum*, 16. Aug. A. 1619. in val-
 le S. Georgii feralem tabulam implentem. XXVI. *Fridericum*,
 qui in difficili pugna Fleruensi cum Corduba, Duce Hispaniæ,
 quinque vulneribus saucius per medios hostes ad culmina cœli
 19. Aug. A. 1622. transiit. Intestina Mansoleum VVilhelmi
 Nassouii Bredæ & corpus Vinarie 8. Nov. receperunt.
 XXVII.

XXVII. *Iohannem Ernestum*, qui in vico S. Martini superioris Hungariæ 4. Dec. A. 1626. stationem vitæ militiæque deseruit, Extra templo S. Georgii sunt illata & cadaver in septimum vsque mensē asseruatum, vsque dum permissu Ferdinandi II. Imperatoris Vinariam vectum terræ 18. Iulii A. 1627. committeretur. XXVIII. *Iohannem Fridericum*, 7. Oct. A. 1628. mortis obuiam factum. XXIX. *Bernhardum Magnum*, qui Neoburgi ad Rhenum 8. Iulii A. 1639. in mediis victoriis Victori mortis Christo lucem reddidit. Inde Brisacum delatus ad 14. Sept. A. 1655. permansit, vnde consensu Ludouici XI. Galliar Regis exportatus Vinariæ 12. Dec. inter auitos cineres reponebatur. XXX. *Iohannam*, filiam Iohannis posthumam 3. Iul. a. 1609. terrenis rebus exentam, & 17. Iul. sepultura decoratam. XXXI. *VVilhelmum*, VVilhelmi IV. ex Eleonora Dorothea filium, parentibus 1. Nov. A. 1626. ereptum & 26. ei. humi conditum. XXXII. *Iohannem VVilhelmum*, VVilhelmi IV. filium 17. Maii A. 1639. animam exhalantem & 20. Iunii terra testum. XXXIII. *Fridericum*, VVilhelmi itidem filium, Rectorem Academiae Salanæ Magnificentissimum, qui literis immortalis 16. Aug. A. 1656. & 19. Nou. monumento auito infernus. XXXIV. *VVilhelmam Eleonoram*, Friderici Sororem, de suorum complexu 1. Apr. 1653. auulsam. Vinaria in ipsius funus 20. Maii conuenit. XXXV. *Iohannem Ernestum*, Ernesti Pii & Elisabethæ Sophiæ filium 28. Nou. A. 1638. vitæ personam deponentem, depositum 10. Dec. Templum aulicum, *Himmelsburg*, quod VVilhelmi IV. munificentia a fundamentis surrexit, asseruat, XXXVI. ipsum Fundatorem, veram Iohannis effigiem, qui mortem 17. Maii A. 1662. aduentantem tantum abest vt formidauerit, vt potius alacri ipsi etiam iuerit vultu. Ad exequias cohonestandas subditi 24. Iunii accesserunt. XXXVII. Vxorem *Eleonoram Dorotheam*, Iohannis Georgii Principis Anhaltini, filiam, quæ diem 26. Dec. A. 1664. sen-

fit decretorium marito 6. Febr. anni sequentis perpetua coniux data.

VVEISSENFELSÆ, alias *Leucopetra* adiudicantur ossa
 I. *Adelheidis* & II. *Hedwigis*, Monialium in Cœnobio illius
 loci, filiarum Heinrici Illustris (Diterici Pinguis Fabrit. f. 586.)
 III. *Helena* Iohanne, Marchione Brandenburgensi ortæ, Dite-
 ricci Pinguis maritæ. IV. *Hildegardis* Bauaræ, Friderici Tutte
 vxoris. Sita autem sunt in Monasterio, quod Henricus Illu-
 stris fundauit. *Agnetem*, Heinrici illustris coniugem & *Fride-
 ricum Tuttam* hic habere sepulchrum Ioh. Vulpus in descript.
 vrbis VVeissenfelsæ tradit, in quo lapsus videtur. Cellæ enim
 quiescunt. *Templum Aulicum*, quod excitauit *Augustus*, lo-
 cum assignauit. I. *Anna Maria*, priori Augustissimi Augusti
 vxori, filiz Adolphi Friderici, Ducis Megapolitani ex domo
 Suerinensi, quæ in beatorum sedes 1. Dec. A. 1669. commigra-
 vit. II. Eius filio *Augusto*, cuius fores mors A. 1675. pulsa-
 vit. III. Filiz, *Anna Maria*; quæ hominum cætum 17. Febr.
 A. 1671. deferuisse visa. Nepotibus ex filio Iohanne Adolpho
 & Iohanna Magdalena, vnica Friderici VVilhelmj II. filia. IV.
Augusto VVilhelmo. V. *Augusto Friderico*, qui cum vitæ limen
 vix institerat, 16. Aug. Halæ A. 1676. ad superos abiit, inde
 Leucopetram 10. Sept. translatus, & VI. Nepti Anonymæ mensē
 Nou. superioris anni infelici partu editæ.

VVITTENBERGA agmen claudat, quæ in templo
 omnium Sanctorum a Friderico Sapiente A. 1518. exstructo tria
 ostendit Principum monumenta. Primum est *Anna*, Rudolphi II.
 Electoris Saxoniz maritæ, Balthasæ, Thuringiz Landgrauio
 progenitz, quæ pectus morri ferendum 26. Iulij A. 1395. obie-
 cit. De tumulo in Cœnobio Franciscanorum ab Helena, Al-
 berti I. Coniuge A. 1238. condito, ipsi tunc prospiciebatur, quo in
 ad A. 1544. delituit; Hoc enim Annæ cineres ex æde Francisca-
 norum in templum arcis, Iohannis Friderici Electoris au-
 spiciis, transportati feruntur Sennerto in Athen. VVitteb. p. 105.

Alte-

Alterum monumentum ad *Fridericum Sapientem*, & tertium ad *Iohannem* Electores, Ernesti filios, spectat. Ille res sibi suas mundum habere iussit Lochauia; hodie Annaburgi 5. Maii A. 1525. & hic Schvveinitzii 16. (alii 13. Aug.) Anno 1532. Quos amor viuos, eosdem & mortuos coniunxit. Friderico humanitatis officium 9. Maii praestitum & Iohanni 19. (aliis 16.) Aug.

Delineatis locis sepulchralibus Inclytae Prosapiae Witi-kindeae nihil amplius restare video, quam ut praesentis dissertatiunculae titulo colorem aliquem inducam. *Memoriam diei emortualis* Patris Patriae quondam indulgentissimi, in Schola nostra recolendam indixi, omissa, qua fiat, ratione. Fiet autem a Lycei nostri Conrectore Dn. M. Christophoro Graefio, Collega atque Compatrie coniunctissimo, meaque tenuitate, quippe quibus partes felicissimam *Beatissimi Principis memoriam* recolendi iniuncta. Ille vitam pientissimi ERNESTI pro sua, qua in pangendis versibus polleret, dexteritate, genere Carminis Heroico describet: a me vero laudes illius *collatione cum Atano ERNESTO, Electore Saxoniae*, instituta, sermone libero decantabuntur. Omnia verborum lenocinia pro expetendo vestro, Musagetar beneuoli, accessu conquererem, si causa nostra foret, aut ego de vestra facilitate & pietate gloriosissimo Principum praestanda dubitarem. Interim pagellas hasce orantis, si non exorantis, officium subire volui. Valet & hora secunda pomeridiana diei crastini, nostri, ut veterum formula vtar, este

Auditores! P. P. Altenburgi VIII. KL. Apr. A. C.

cdo Isc LXXIX.

IN O

V.

MARCI ANTONII

DE

DOMINIS,

ARCHIEPISCOPI SPALATENSIS,

CAVSÆ

PROFECTIONIS

SVÆ EX ITALIA.

MDCXVI. IN 4to.

MARCVS ANTONIVS DE DOMINIS, ARCHIEPISCOPVS
SPALATENSIS, SVÆ PROFECTIONIS CON-
SILIVM EXPONIT.



NE subitus, aut inopinatus, reliquis omnibus¹, hic meus discessus; mihi tamen diutino, ultra decennium, consilio discussus, exquisitaque deliberatione maturatus, aliquam passim, apud nostros, moueat admirationem, & apud rei ignaros effectus malos, mea culpa, si sileam, pariat; mea non præcipitis, sed optime consideratæ profectionis consilium, opportuna præoccupatione, fuit omnino exponendum.

Præuideo sane, non defuturos obrectatores plurimos, qui ex hac mea profectione, maledicendi, meque calumniis de more impetendi, sint ansam arrepturi; id tamen, coram Deo fateor, me non nimium augit, sollicitatque: Mihi enim, cum Paulo, pro minimo est vt ab hominibus iudicer. Sim stultus propter Christum: sim ignobilis: cædar colaphis; maledicar: persecutiones patiar: blasphemem; purgamentum Mundi, & peripsema, imo & anathema sum: dummodo Christo Domino satisfaciam, & fratribus meis in Christo Ministerio, prosum; debeo penitus contemnere. Nam gloria nostra est, testimo-

nium

nium conscientiz nostræ ; quod in simplicitate cordis, & sinceritate Dei ; & non in sapientia carnali ; sed in gratia Dei ; locum mutem. Meum profecto est exhibere me ipsum, sicut DEI ministrum, in multa patientia : in tribulationibus ; in necessitatibus ; in angustiis ; in laboribus ; per gloriam, & ignobilitatem ; per infamiam, & bonam famam. Non enim me, neque mea quero ; sed quæ sunt Iesu Christi. Angit me potius, ac sollicitat, si obreftationibus, & calumniis obuiam non prodiero, facile futurum, vt, non exiguus fortasse, bonæ ædificationis fructus, in piis multorum animis, quem ex meis consiliis capere possint, impediatur : multique, loco ædificationis, ex iniuriis, quas audituri sint, calumniis, meorum consiliorum ignari, in scandalum aliquod, mei causa, imprudentes prolabantur. His ego vt consulam potissimum, profectionis meæ consilia aperio ; ea que reddo omnibus manifesta.

Meam hanc, in loci mutatione, Diuinam esse vocationem, non humanam ; nullo modo aut possum, aut debeo ambigere. Scio non omni Spiritui facile esse credendum ; sed probandos esse spiritus, si ex DEO sint, vt præclare monet dilectus CHRISTI Discipulus Ioannes : in his ego probationibus, præter frequentem integri, vt dixi, decennii, quem a Christo didici, ad Patrem luminum, accessum ; illud mihi (in quo Deum, & meam conscientiam, testes aduoco) est certissimum, ad meas aures nullas vnquam hominis vllius, cuiuscunque generis suasiones, peruenisse ; inuitatores nullos vnquam habui, nullos suaflores ; nullius penitus in hoc sum vnquam vsus consilii ; cum nemine mortalium rem contuli. Sed neque ex libris, Romanæ doctrinæ aduersantibus me, mea consilia hausisse, quis suspicetur : DEVM enim testor, me ab illis libris, quos Romana diligentia proscripsit, vehementer abhorruisse. Quos profecto, si vllus alius Romanæ Curia addictus terrore, est detestatus ; ego sane, vanis a puero conceptis terroribus, detestatus sum supra modum. Quanquam ne puerulus quidem iam sum, cui sexagenario propemodum, absque rationum mo-

mentis, persuadeat quisque, quod libuerit. - Animi mei ego impetus & cogitationes, alijs regulis non sum moderatus, nisi iis, quas toti Ecclesia sanctæ, Sanctus Spiritus, in sacris præscripsit literis; quarumque ductu, Orthodoxi sancti Patres, in Ecclesia Catholica celeberrimi, & quos illa semper est plurimum venerata, fideles Christi instruxerunt. Qui tandem soli Sancti Patres, præter internas Spiritus Sancti motiones, consilii huius mei, amplissimi fuerunt autores. Cur ergo spiritus nequam opus suspicer; A qua me illud præterea suspicione liberat, quod coram DEO, qui corda & renes scrutatur, me, in mea deliberatione, sciam nunquam mentem ad humana & temporalia consilia direxisse. Non ad dignitates Ecclesiasticas, quæ meam decere videbantur conditionem: Iam enim eram Episcopus, nec infimus; sed in patria Prouincia supremus: Spalatenensis nimirum, hoc est alias Salonitanus Archiepiscopus, duorum Regnorum, Dalmatiæ & Croatiæ, Primas: tantæ in nostris Prouincijs & Ecclesijs existimationis, quantæ (nec erubescam verum fateri) quiuus alius. Quod si etiam Romanæ mihi dignitates arrisissent, ad eas quoque mihi aditus semper patuit satis amplus. Mores tamen Romanæ Curia, mihi nihil probati, ut illam perpetuo abhorrerem, effecerunt. Et nihilominus Romana sedes, in grauioribus, etiam publicis negotijs, mea æsa est opera, apud Cæsarem & Archiduces. Breuiâ Pontificia, literæ Cæsareæ, & Archiducæ, quas penes me seruo, rem satis testantur. Non exigua quoque mea, apud Serenissimam Rempublicam Venetam merita, illius mihi, quæ naturalis meus Princeps est, gratiam paratam exhibuerunt. Vnde melioris fortunæ beneficium mihi sperare licuit, & expectare; si maioris amplitudinis auditas me tenuisset. Non ad commoda temporalia, quæ mihi sane tanta suppetebant, quanta moderato animo, qualem me semper habuisse, Diuinæ gratiæ tribuo, satis superque fuerunt. In hac vero mea loci mutatione, & dignitatum, & opum detrimenta, ampiector lubens, quia, ut dixi, non quæ mea, sed quæ Iesu Christi sunt, quero. Non igitur humana

vlla

vlla contilia ; non effrenis vlla affectio ; non necessitas temporalis ; non euentus ; non casus vllus acerbus ; qui transuersos homines solet agere, me vt discederem, compulerunt : Sed quid illud fuerit, sine fūco & fallaciis, dicam ingenue.

Ego sane a puero, in sacris studiis, iuxta doctrinam communem Scholasticorum ; & iuxta placita Romanæ Sedis, in Societate IESV, maiori ex parte, sum enutritus. Pro quibus mihi Romanis propriis placitis, autoritate potius quam ratione, cum vera intellectus captiuitate, impressis, atque penitus in animum infixis, mori etiam fui diu paratissimus. Piaculum enim ducebam, circa illa, vel minimam admittere mentis, & cogitationum, nedum assertionis, ambiguitatem : religioneque communi obstrictus, si vel cogitatio aduersus illa interdum obreperet, aut sacra lectio dubium suggereret ; vim mihi ipsi, vt sit in rebus fidei, semper inferendam putavi ; & alio mentem cogitationemque diuertebam : ne aduersus fidei certa mihi putata dogmata, (pro talibus enim nobis pueris venduntur) vel leue dubium admitterem. Fateor igitur igniculos me perpetuo interni spiritus sensisse ; quibus tamen resistebam ; acquiescere vero nunquam plene potui ; neque a vehementi suspicione, quæ me perpetuo, postquam in sacris Theologiæ studiis adoleui, anxium habuit, penitus me liberare. Quam mihi suspensionem augebat, tam exacta, tamque rigorosa, & domestica, & Romana diligentia, qua cauere oculatissime perspiciebam, ne libri Romanæ doctrinæ contrarii, a quoquam nostrum teneantur, vel perlegantur. Vulgo enim eos merito prohiberi censebam ; ne vulgares homines, iudicio, & discretionem destituti, falsitatis imbibendæ periculis exponantur : Quod vero studiosis, & optime erga Catholicam fidem affectis, & sana Doctrina pollentibus, penitus auferrentur, suspicione rem non ea-
rere, vt ratio merito dicat, semper sum arbitratus. Cum præ-
fertim, etiam post peracta plene Theologica studia ; post assumptos gradus in Theologia ; post promotionem etiam ad

Episcopatus, copiam nobis talium librorum fieri, nullo modo, Romana Curia patiatur. Crescebat suspicio, quod magistri ipsi & professores, in tractandis publice, siue voce, siue scripto controuersis: omnino velint fidem sibi adhiberi; aduersariorum dicta, & sententias, illas esse, quas ipsi referunt: auditoribus vero nullo pacto, excommunicationis iniecto terrore, vt legant ipsa Aduersariorum scripta, permittatur; In quibus abscondendis, supprimendis, perdendis, adeo laboratur, vt hoc ipso latere aliquid in illis liceat suspicari, cui conuellendo, doctrina nostra non sufficiat.

Fouebam, a primis mei Clericatus annis, in me innatum pene desiderium, videndæ vnionis omnium Christi Ecclesiarum: separationem Occidentis ab Oriente, in rebus fidei; Austri ab Aquilone, æquo animo ferre nunquam poteram: cupiebam anxie tot, tantorumque schismatum causam agnoscere: ac perspicere, num posset aliqua excogitari via, omnes CHRISTI Ecclesias, ad veram antiquam vnionem, componendi; Idque videndi ardebam desiderio. Dolor interno animi ex tot dissidiis, inter Christianæ Religionis Professores; ex odiis acerrimis inter nobilissimas Ecclesias inflammatis; ex tunica Christi fœdæ scissa, & lacerata concepto, excruciebar. Qui me dolor, & nimia tristitia, mirum in modum conficiebat; & in dies magis conficit.

Ad regimien tandem Ecclesiæ sum, iam ante viginti annos, promotus, & factus Episcopus Segniensis; meis Patribus Iesuitis id fati ægre ferentibus; quem nimirum, non otiosum, non Societati ipsorum inutilem, & agnoscebant, & experiebantur (quod ipsum quoque non plurimi facio; humana enim omnis æstimatio, vt debet, a me contemnitur; nisi illa ad Diuina obsequia aliquid valeat) me inquam, vtilem experiebantur; in medio enim ipso probationis tempore, me adolecentem adhuc, ad humaniores literas, in publicis Gymnasiis Veronæ profutendas, adhibuerunt. Antequam Presbyter fierem,

in

in Mathematicarum disciplinarum Cathedra publica, me Patavii, non sine magno Auditorum concursu, collocarunt. Brixiz me Rhetorices primum; deinde Logices; Philosophiæque, in Scholis publicis, constituerunt Professore. In templis vero, diebus festis, ut sacras haberem Conciones, non raro voluerunt. Priuata quoque, & non leuia, mihi negotia peragenda, sæpius iniunxerunt: In reliquisque Societatis ministeriis, me impigrum socium semper habuerunt. Quidni ergo meam, ad Episcopatum profectionem, agre ferrent? Quæ mihi fuit prima occasio ex subtilibus, & ut ita dicam, æreis, Scholasticorum disputationibus, ad terram descendendi; & studia ipsa in actum practicum, curæ spiritualis animarum, & Ecclesiæ, reducendi. Et quoniam proprium iam meum munus Episcopale concionandi agnoscebam, Sermonarios, Quadragesimaliumque libros, de more, arripui euoluendos; Sed illi mihi breui nauseam, stomachumque mouerunt. Vidi enim, & facile, turpem Scripturarum abusum, dum ad sensus varios, inutiles, ac impertinentes, imo etiam perniciosos, detorquentur: Vidi exempla, aut falsa, & conficta, aut saltem apocrypha & ridicula proponi: Vidi miserabiliter populum deludi; inuentaque Auaritiæ & Ambitionis, pro sanctis fidei dogmatibus, non sine superstitionibus, obtrudi, & inculcari; exhorruique: ac inde, omisis turbidis riuulis, ad sanctorum Patrum fontes, mihi omnino statui accedendum, quorum lectione pro concionibus; & sacrorum Canonum meditatione, pro regimine cœpi delectari.

Hinc nouæ mihi cuiusdam huius radii identidem, nolenti adhuc & repugnanti, illuxerunt. Obseruabam hinc in theoricis dicta Patrum, valde communi doctrinæ, qua imbutus in Scholis fueram, in multis aduersantia; & ea vel prætermissa a meis magistris; vel non fideliter adducta; vel non sufficienter, aut etiam perperam explicata, animaduvertebam: inde Ecclesiasticæ disciplinæ, regiminisque spiritualis nostrorum

tem

temporum normam & praxim, plurimum a veteri dissidentem, non sine admiratione, intuebar. Vnde meæ iam dictæ suspiciones, non leuibus sunt auctæ incrementis; neque nos satis bona fide, doctrinam, & negotia Christi, ac sanctæ Ecclesiæ tractare, quodammodo eminus, perspiciebam; qui ingeniosis potius humanæ speculationis, & Philosophicis ratiocinationibus; quam Diuinæ scripturæ exactius discussæ, & explicatæ, dictis (cuius summa apud nos ignoratio) nostram instruiamus Theologiam.

Ab Episcopatu ad Archiepiscopatum sum euectus. Ea mihi noua & vrgentior occasio suborta, studia mea innouandi; ac in iis feruentius & exactius laborandi. Vbi enim Suffraganeorum meæ Prouinciæ Episcoporum molestia: sed multo magis Romanæ Curia nimia potentia, iura mea Metropolitana perturbantis, me pulsare cœperunt; omnium Ecclesiasticorum graduum, potestatum, munerum, officiorum, & dignitatum; ac præsertim Papatus, mihi fuit radix indaganda; penitusque cognoscenda. Accessit paulo post Venetum interdictum; Romani libelli, nos Venetæ totius ditionis Episcopos, vt pecudes, rudes, imperitos, & malæ conscientia homines, deprimere, vexare, ac proscindere non destiterunt. Hinc ad nostras perficiendas defensiones; veritatemque in ipsa causa Veneta cognoscendam, noui & ardentioris studii, mihi nouæ sunt datæ occasiones. Sacri antiqui Canonès, Concilia orthodoxa, Patrum disciplina, Ecclesiastica prisca consuetudo, fuerunt mihi etiam atque etiam peruolutanda. Quid plura? Inueni plenissime in his solis, quicquid quærebam, & multo amplius etiam quam quærebam. Iam vero, apertioribus oculis, facile fuit obseruare, doctrinam illarum Ecclesiarum, quas plurimas Roma sibi excitat aduersarias, & a nobis acriter reprehenduntur, a nostrisque Theologis impugnantur, a vera prisca Ecclesiæ puræ doctrina, vel nihil, vel parum admodum aberrare; eamque, non quod re vera hæretica sit aut falsa; sed

sed quia sensui, corruptisque Curia Romanæ moribus, ipsiusque humanis consiliis & inuentis, iam plene factæ temporalis, aduersatur; Romæ, & apud nos, horreret potius & repelli, quam legitime impugnari. Vidi iam apertissime, penitusque perspexi, Romæ, absque vilo legitimo fundamento; imo per summam vim, innumeros fidei articulos novos quotidie cudi, & nobis obrudi; in iis, quæ non modo ad fidem Diuinam nihil pertinent, sed etiam manifestam in se continent falsitatem. Quos neque a quoquam discuti, neque in debitam Ecclesiæ consultationem venire, illa patitur; sed ad necem illos persequitur, qui vel mutire contra illos audiant. Concilia sacra iamdiu ipsa compressit; ac proinde sanctæ CHRISTI Ecclesiæ oculos eruit; vt, Samsonis instar, cæca reddita, viribusque propriis destituta, captiua, vilisque effecta, infelix gemat. Fuit aliquando articulus fidei, Vniuersalem Ecclesiam per totum Mundum diffusam esse Ecclesiam illam Christi Catholicam, cui Christus ipse perpetuam promisit assistentiam: quam Paulus Columnam vocat, & firmamentum veritatis: Nunc articulum hunc fidei, nostri Romani contraxerunt; vt iam Catholica Ecclesia, ipsa Romanâ Curia intelligatur; atque in ea sola, imo in solo Papa, totum CHRISTI Spiritum residere, firma fide credendum proponatur: Et quicquid in honorem vniuersalis Christi Ecclesiæ, olim dictum sit, id totum ad solam Curiam Romanam, per summam vim & iniuriam Ecclesiæ pertrahatur; & ad fidei articulos Romæ reducantur plurima, quorum nullam a Christo habuimus vnquam institutionem: quibusque insuper animæ fidelium miserabiliter decipiuntur; ac consequenter cæci, simul cum suis cæcis ductoribus, in barathrum perditionis ruunt, & præcipitantur. Atque hæc, inter cætera; iamdiu me summa afficiunt molestia; doloremque in animo meo excitant incredibilem.

Innumerabiles vero has Romanæ Curia nouitates, perniciosissimos errores, quibus & clades animarum exercetur & disciplinæ Ecclesiasticæ vigor frangitur, & fidei propagatio, ac
 Q per-

perpurgatio impeditur; & scandala innumera in Ecclesi-
am inuehantur; & pax civilis Christianorum turbatur: bel-
laque inter ipsos ciuntur; & Regna subuertuntur; & schis-
mata horrenda fiunt Ecclesiarum; & mala grauissima ori-
untur; Quæ omnia iam exactius obseruavi, nunc singillatim
commemorare prætermitto; quia hæc omnia in meo opere de
Repubblica Ecclesiastica plene persequor: quod iandiu præpara-
tum habeo; statimque illud typis dabo, & calcographo, qui mi-
hi in hoc itinere primus in Germania commodus occurrerit, im-
primendum consignabo. Decem ego libris, totum hoc de Re-
publica Ecclesiastica opus complector. In quorum primo, for-
mam huius Reipublicæ inquiri: statuoque Ecclesiam sub CHRI-
STO, ad perfectissimam Monarchiam pertinere; in terris tamen
CHRISTI Ministros, a Monarchia terrena alienissimos, ipsa CHRI-
STI institutione, Aristocratie, non sine aliqua Democratix ad-
mixtione, Ecclesiam ipsam gubernare: & consequenter Petri Pri-
matum, seu Papatum, ostendo, cum Euangelio, & CHRISTI insti-
tutione, plurimum pugnare. In secundo, Ecclesiasticæ Reipu-
blicæ Rectores & Ministros considero: quænam sint, & quomodo
sanctis Apostolis detur successio; & quæ sit Episcoporum institu-
tio; & quomodo differant a Presbyteris; & qui sint Ministri infe-
riores; & quid Sacer Ordo in hac Republica efficiat. In tertio,
explico Hierarchiam: quæ inter Episcopos, & huius Reipublicæ
Rectores, inuenitur; doceoque, iure Diuino, inter Episcopos,
nullam esse prælationem, nullam subiectionem; sed solo iure
Ecclesiastico locorum gradus, inter Episcopos, distingui: & con-
sequenter ago de Episcoporum electione, confirmatione, conse-
cratione, seu ordinatione: de Metropolitanorum & Primatum ac
Patriarcharum iuribus. In quarto, Romanæ Ecclesiæ discussio
priuilegia; ostendoque, eam neque in se, neque in suo Episcopo,
neque in suo Clero, ullam habuisse a CHRISTO, supra cæteras,
præminentiam: sed si quam habuit, vel habet, eam ex humanis
præsidij ipsam accepisse. In quinto, propriam Ecclesiæ pote-
sta-

statem indagandam suscipio: ac probō, eam esse mere spiritua-
lem: iurisdictionemque omnem ab Ecclesia procul reicio: &
consequenter de Sacramentorum vi & operatione, dissero; pa-
riter de Censuris. In sexto, Laicam potestatem cum Ecclesia-
stica comparo, ut pateat inter Ecclesiasticam & temporalem
Rempublicam distinctio: Principesque temporales Christianos,
multa posse in Ecclesia doceo; Ecclesiam vero nihil posse in
temporalibus, maxime erga Reges. Ago itaque de CHRISTI Re-
gno temporali; de potestate Laica, unde sit, & quam late pate-
at; de immunitatibus Ecclesiarum & Ecclesiasticorum; de In-
uestituris; de Sicula Monarchia: & similibus. In septimo, in-
ternam Reipublicæ Ecclesiasticæ per fidem directionem, con-
templor: regulamque veram fidei inquirō; & ita disputo de Verbo
DEI, de Ecclesiæ & Papæ in hoc autoritate; de Conciliis; de Hæ-
resi; de Schismate, & similibus. In octavo, externum Ecclesiæ
regimen per leges, Canones, & iudicia, considerō; Ago itaque
de obligatione Canonum; de dispensatione; de præceptis ieiu-
niorum, precum, & similibus. In nono, ad temporalia bona
Ecclesiæ accedo; pluribusque explico, quam parca esse debeat
ministrorum Ecclesiæ sustentatio; unde illa accipiatur; & quo-
modo bona Ecclesiæ administrantur. Ago itaque de decimis;
de beneficiis; de dominio in bona Ecclesiæ; de usu & abusu re-
dituum Ecclesiasticorum; de pensionibus & commodis; & de
Clericorum testamentis. In decimo & ultimo, libertatem Ec-
clesiasticam explicandam suscipio; ut videamus, quomodo hæc
Respublica libera sit; & consequenter ago de privilegiis, & pri-
vilegiatis, de abusu privilegiorum, de exemptionibus, & exem-
ptis, de Monachorum subiectione, & similibus. Hic fuit meo-
rum studiorum fructus. Dum enim occasione iam dictis, sa-
cra Biblia, Patres orthodoxos, sacratissimos Canones, Concilio-
rum volumina, avidè legebam; apertis iam oculis, zelo veritatis,
& mihi ipsi & aliis explicandæ, incensus, non potui non scribere,
eæ observabam. Atque hæc mea multiplex scriptio, opus pepe-
rit,

rit, quod recenseo. Vidi itaque, planeque perspexi, nos in nostris Ecclesiis, siue doctrinam, siue disciplinam species, a recto tramite plurimum deuiare.

Quid ergo facerem amplius, in medio nationis prauæ atque peruersæ? Si meam Ecclesiam regere, vt par erat, iuxta veterem Catholicæ Ecclesiæ disciplinam; si doctrinam veram Catholicam & docere, & exercere voluissim; grauiissimas in caput meum procellas Romanas, fœdissimasque tempestates, accelerassem: contra quem iamdiu odium concepit Romæ fouebatur; quæ meos, in scribendo aduersus ipsius sensa, labores, iam suboluerat; nam & per Nuntium Apostolicum, Veneritiis commorantur, non semel monitus hac de re, & correptus fui. Satiùs ergo fuit pennas columbæ assumere, & auolare, elongari, fugereque ad solitudines, vbi expectare possim eum, qui saluum me faciat a pusillanimitate spiritus, & tempestate; quam me cœcum voluntarium, cum cœcis, in interitum cœcos ducere. Quid sunt iam Episcopi sub Romano Põtentatu? In temporalibus quidem, vbi opima sunt sacerdotia, & dignitate eminent seculari, Magnates sunt, conspiciunt, Principes sunt; sed Episcopi, nisi æquiuoce, nequaquam sunt. Reliquorum vero Episcoporum, Episcopalis administratio tota periit; regimen enim omnium Ecclesiarum, totum est Romam redactum: ipsi vero Episcopi, sunt Domini Papæ vix Vicarii; & administri; viles, contemptibiles, oppressi, consultati; subiecti miserabiliter, non soli Papæ, sed Cardinalibus, totque Congregationibus contra illos Romæ institutis; Legatis a Latere; Nuntiis Apostolicis; Inquisitoribus, Visitatoribus; ac demum Regularium innumeris ordinibus, eorumque fratribus; qui iam, suis Apostolicis priuilegiis, non æquantur modo Episcopis, sed eos etiam superant, impediuntque in regendo, ac eorum absorbent potestatem. Ecclesia, sub Romano Pontifice, non est amplius Ecclesia; sed Respub. quædam humana, sub Papæ Monarchia tota temporali: Vineæ est, ad solum Noë in-

ebri-

ebriandum: Grex est, quem Pastor emungat ad sanguinem, tondeat, imo radat, imo excoriet, & mactet. Cur igitur non fugiam, ne mala ista videam amplius, neue etiam eorum sim cooperator & particeps? Canem me CHRISTVS in suo grege posuit; mutus esse amplius non debeo, sicut muti sunt omnes Episcopi sub Romano: qui hinc spe allesti, inde metu territi, silent; potiusque assentando, simul cum Duce, ad præcipitum properant. Quoniam vero Obsequium amicos, Veritas odium parit; cum Veritatem deserere neque possim, neque debeam; odium propinquum mihi omnino fugiendum fuit; odiique effectus iam ordinarii, venena, & pugiones fuerunt evitandi. Eo enim nostris temporibus redacta res est, vt Ecclesiasticæ controuersiæ, non Theologis amplius; sed tortoribus, sed carnificibus, sed sicariis, sed sanguinariis, sed parricidis, defendendæ Romæ, aut Roma, committantur.

Hæc mihi, etsi fugam semper suaserint vehementissime, nihilominus tamen, ancillam quoque Agar, cum suo Ismaële, mihi molestam, diu sum expertus, fateor: Carnem videlicet aduersus spiritum sæpius audiui, his vocibus insurgentem: Quo tandem perges? Dignitatem sub Romano Pontifice satis amplam, & commoda non contemnenda, cum spe, si vis, aliorum, es assecutus. Hæc iam possides, hæc certa sunt, quid alibi futurum sit, nescis. Itane & patriam, & cognatos, & affines, & amicos deseris, ad eos nunquam amplius rediturus? Cur te innumeris aliis Episcopis sapientiore facis? Illi omnes fuerunt omnia, tolerant omnia, excusant omnia; cur tu quoque non fers, non toleras, non excusas? Tune solus ex innumerabilibus sapis, & alii omnes desipiunt? An nescis te statim, non absque ingentibus conuitiis, Romæ primum, deinde passim, Hæretici turpi infamia notatum iri? Hæc & similia, mea mihi Agar, subinde in aures insusurrabat, non sine interno graui inter ipsam, ac meum internum spiritum, victamque iam conscientiam, conflictu: Sed Diuinus spiritus vehementiori impulsu, tandem me

ulterius morasnectere non permittit; ac veluti Abramum, voce illa efficaci, ad se vocauit, dicens: Egrederere de terra tua, & de cognatione tua, & de domo Patris tui; & veni in terram, quam monstrabo tibi: fecitque, vt celeberrimum illud Sapientum dictum, SEQUERE DEVM, re ipsa exequeret; quemadmodum illud ipsum, iuxta sancti Ambrosii, libro 1. de Abraham cap. 2. considerationem, optimus Abram, facto praeuenit. Quod ipsius factum, mihi admirabili quadam ratione animos addidit, & robur; dum cerno, DEVM promptae Abrami obedientiae illud in primis remunerationis contulisse; vt ab eo dedecus atque infamiam longe propulsaret; Saræ enim vxoris pulcherrimæ pudicitiam, in manibus Tyranni periclitantem, a contumelia liberauit. Sed & Ambrosius me hinc plurimum consolatur, dum ait: Itaque quoniam propter DEVM Abram contempsit omnia, recepit a DEO multiplicata omnia: Sed primam DEVS pudicitiae tribuit remunerationem, quam gratam sciebat coniugi. Illud quoque præclare idem addit Ambrosius: Quod is qui DEVM sequitur, tutus semper est: ideoque Deum, inquit, præferre debemus omnibus: nec patriæ contuitu, nec parentem, filiorumque gratia, nec vxoris contemplatione, reuocari debemus, ab executione præceptorum cœlestium, quia Deus nobis omnia illa largitur, & potens est seruare quæ donat. Hæc me quoque plurimum confidere faciunt, fore, vt in primam meæ, etsi tardioris, sequelæ, remunerationem, Deus famæ, existimationisque meæ, ante omnia consultum esse velit; ne illa, cuiuscunque tandem formæ sit, & pulchritudinis, in manibus quoque Barbarorum, dedecus vllum patiatur: sed illæsa, ac incontaminata, ad aliorum præsertim ædificationem, & scandali euitationem, conseruetur. Quæ ego confidentia animatus, vocationeque permotus, ac periculis monitus, fugam hanc arripui iam promptissime.

Charitas tamen Christi super omnia vrget me. Vilis essem & abiecti animi, si ad quietem solam fugerem, vt postposito

sito legitimo certamine, otio alicubi torpeam, & marcescam. De Christi causa agitur; ea me ad se vocat. Audio vocem illam, in auribus mihi perpetuo intonantem: CLAMA: monentemque, quo clamor meus cum illorum clamoribus coniunctus, quorum non sunt incuruata genua ante Baal, melius exaudiat; vt super montem excelsum ascendam, ad euangelizandum Syon. Eam vocem sequor, in tutum aliquem locum ascendo, vbi veritas ipsa Catholica, liberum iam extulerit caput; vnde, pro muneris mei debito, eandem veritatem, quantum in me est, pandam; schismatumque extinguendorum, & vnitatis Ecclesiasticæ refarciendæ, vias aperiam, & demonstrem. Clamores meos breui audiet Ecclesia: loquar ad cor Hierusalem; & aduocabo eam. Nec enim muneri meo deesse possum: Episcopo porro cuique ita tradita est Ecclesia sua particularis, vt tamen nouerit, Ecclesiam quoque Vniuersalem, vbi opus sit, sibi esse a Christo commendatam. Nobis omnibus Episcopis a Paulo dicitur: Attendite vobis, & vniuerso gregi, in quo vos Spiritus Sanctus posuit Episcopos, regere Ecclesiam DEI, quam acquisiuit sanguine suo. Eleutherii nomine, antiquissimi Pontificis Romani, ad Episcopos illa verba circumferuntur: Huius rei gratia, Vniuersalis vobis a Christo Iesu, commissa est Ecclesia, vt pro omnibus laboretis; & cunctis opem ferre non negligatis: & Cyprianus, Epistola 13. libri III. se pariter eum Stephano Episcopo Romano, gubernandæ Ecclesiæ libram tenere asserit, illudque addit: Copiosum corpus est Sacerdotum, concordie mutue glutine, atque vnitatis vinculo copulatum: Vt si quis ex Collegio nostro haeresim facere, & gregem CHRISTI lacerare, & vastare tentauerit, subueniant ceteri. Sic facto ipso Cyprianus idem Ecclesiis laborantibus, extra Africam quoque constitutis, imo vel ipsi Romanæ, non semel occurrit; vt in meo Opere de Republica Ecclesiastica libro 2. & 3. pluribus explico. Ita Polycarpus, Irenæus, Osius Cordubensis, Athanasius, Basiliius, duo Eusebii, Samosatenus & Vercellensis, Lucifer Carallitanus,

nus, Hilarius Pictauiensis, Theophilus & Cyrillus Alexandrini, Aurelius Carthagenensis, & plurimi alii, Ecclesiæ vniuersalis necessitatibus, ex proprio ipsorum Episcopali officio, vt subuenirent, plurimum laborarunt: relictaque interim, ac bene instructa, & commendata propria Ecclesia; ad alias afflictas & laborantes, se, propria auctoritate, contulerunt. A meo itaque munere alienum non est, imò mei muneris maxime est proprium, vt Romanæ Curix, sectam separatam facienti, & gregem CHRISTI laceranti, & vastanti, pro mea virili, vt monet Cyprianus, non accessu quidem ad eam, quia tutus non est, sed recessu corporali ab ea, subueniam. Meam equidem Ecclesiam Spalatensem retinuissem libentissime; sicut Osius, Basilus, Eusebii, Hilarius, & alii a me modo nominati, suas retinuerunt, & ad eas, peracto publico Vniuersalis Ecclesiæ negotio, sunt reuersi; sed quia illa sub Papæ iugo, cum reliquis, gemit; qui Reformationem odit, & fugit, totisque suis, & Principum ei adhærentium viribus; eam impedit; habetque in eos, qui Reformationi insistant, vitæ & necis potestatem, nullumque viuum esse patitur; propterea necessario mihi fuit ipsa mea Ecclesia penitus deferenda: vt ipse, disruptis his quoque vinculis, iam penitus factus liber, promptior sim ad veritatis præconium celebrandum; tutiusque possim ruinas sanctæ Ecclesiæ, quas a Romana Curia patitur, deplorare.

Tremenda quidem est Regis terreni Maiestas, qui, vt Terullianus loquitur, post DEVM secundus est, & solo DEO minor; & super quem, vt ait Opratus Mileuitanus, non est, nisi solus DEVS: propterea, cum aliquando Rex Dauid, de adulterio, & homicidio, esset obiurgandus; non summus Pontifex; non alius aut Sacerdos, aut Leuita, non quispiam, aut amicus, aut familiaris, id muneris ausus est assumere: sed Deus ipse, suos proprios ac peculiare ad hoc adhibuit nuncios; Nathanque Prophetam ad Regem increpandum destinauit. Cum Romano vero Pontifice, vniuersam Ecclesiam nunc maxime turbante,

scan-

scandalizante, expilante, opprimente, agere non est Prophetarum; non est expectandum, vt DEVS ad hoc singulares excitet Prophetas, & destinet nuncios peculiares. Non est nostri Romani Papæ, non est tanta Maiestas, vt terrere debeat: ficta est illa temporalis & fastuosa Maiestas, vsurpata est; nulla est: frater noster ille est, collega est, & coëpiscopus nobiscum; ac in opere & labore comminister. Frater vero qui adiuvatur a fratre, vt est in Proverbiis Salomonis, quasi ciuitas firma. Quid stertimus? quid dormimus? Frater perit, & secum Ecclesias in perditionem trahit; Et nos ipsius fratres contemnimus, nec occurrimus? Taceant omnes; quiescant omnes; contemnant omnes; Ego catellus profecto omnium minimus, qualicumque latratu, excitabo saltem fortasse acres molossos dormientes, a Papatu mira arte sopitos, qui lupum arceant, & ouile CHRISTI, vt par est, pro suo munere tueantur. Non meis vtar vocibus in bonis canibus expergefaciendis; vtar DEI vocibus; clamores sanctorum Patrum, ac Conciliorum, sanctæque Catholicæ Ecclesiæ, ingeminabo. Decem de Republica Ecclesiastica, quos, vt monui, statim edam libris, illud maxime conor, vt Romani errores detegantur: veritas & sanitas Catholica & doctrinæ, & disciplinæ aperiatur: Ecclesiæ plurimæ, a nostra Romana abiectæ & repudiatæ, in Catholico sensu retineantur: Vnionis omnium Christi Ecclesiarum via, nutu, & digito, si non demonstretur, saltem indicetur, si quo modo fieri possit, vt vnum dicamus omnes, vnum sentiamus, & schismata comprimantur: Principibusque Christianis ansa eripiat, oppressionem inter se meditando; & sub obtentu Religionis, ac fidei; publicam populi Christiani pacem, & tranquillitatem, bellis importunis, ac vere impiis, perturbandi. Sed potius eo vires suas dirigant, vt Ecclesiæ Christi, sub iugo tyrannorum vere infidelium gementes, in libertatem pristinam vindicentur.

Profecionem hanc meam, siue etiam ex Babylone exitum, aut fugam, omni schismatis suspicione carere volo. Fugio enim

enim errores, fugio abusus, fugio ne particeps sim delictorum eius, & de plagis eius accipiam: A charitate tamen quam debeo Ecclesiæ sanctæ Catholicæ, singulisque eidem communicantibus, me nunquam separo: sed quantum in me est, cum omnibus, quandiu in essentialibus nostræ fidei articulis, & Symbolis, antiquæ Christi Ecclesiæ convenimus, perpetuo communicare sum paratus: si tamen novos articulos, siue sacræ Scripturæ aperte contrarios, siue a Symbolis prædictis alienos, iisque repugnantes, simul omnes detestemur, & abominemur: Alios vero in se indifferentes, in Ecclesia nunquam sufficienter discussos, stabilitos, & definitos, pro articulis fidei, nisi prius ad plenum definiantur, aut iam sufficienter definiti esse ostendantur, nequaquam admittamus: Sed neque eos ut hæreticos, nisi prius ab Ecclesia sufficienter condemnatos esse nobis constiterit, aut condemnentur, condemnemus. Relinquatur itaque, in indifferentibus, libera cuicunque Ecclesiæ facultas opinandi & operandi, & vnaquæque abundet in sensu suo, donec ipsa Ecclesia Spiritu CHRISTI instructa, & recta, controuersis finem imponat; verasque paleas separet a veris granis.

Interim vero celeberrimum celeberrimi dictum teneamus Cypriani, quo in Concilio Carehaginensi vsus est: Neminem, inquit, iudicantes, aut a iure communionis aliquem, si diuersum senserit, amouentes. Neque enim quisquam nostrum Episcopum se esse Episcoporum constituit, aut tyrannico terrore, ad obsequendi necessitatem, collegas suos adegit. Quando habeat omnis Episcopus pro licentia libertatis, & potestatis suæ, arbitrium proprium; tanquam iudicari ab alio non possit; cum nec ipse possit alterum iudicare; sed expectemus vniuersi iudicium Domini nostri Iesu Christi; qui vnus & solus, habet potestatem, & præponendi nos in Ecclesiæ suæ gubernatione; & de actu nostro iudicandi. A Romana itaque, imo ab vniuersa ferme Ecclesia, circa Baptisimum hæreticorum, tunc Cyprianus dissentiebat, & propria, firmatus opinione, Stephanum Romanum

nam sibi acriter in hoc consistentem, ceterosque fere omnes, in aperto errore versari existimabat, nihilominus tamen vinculum inter ipsos vnionis & charitatis Ecclesiastica, abrumpi nunquam est passus, ne schisma, quod est pestis perniciofa Ecclesiarum, inter eos exurgeret. Atque in hoc plurima cum sua laude; Stephani non omnino discretum zelum, Cyprianus superauit. Dum enim Stephanus suis excommunicationibus in malum schismatis ruebat, Cyprianus sua patientia & charitate, eximiaque prudentia, separationem euitauit. Et in hoc Cyprianum saepe S. Augustinus plurimum laudauit, proposuitque actiones Cypriani, tanquam formam, regulam, & exemplar toti Ecclesiae ad imitandum.

Ac inter cetera, dum factum Cypriani, & cum Stephano certamen, considerat Augustinus, in suo quinto de Baptismo contra Donatistas lib. cap. xxv. ait: Vicit tamen pax Christi in cordibus eorum, ut in tali discrepatione, nullum inter eos malum schismatis oriretur. Illud itaque Cyprianus tanquam certum habebat, Stephanum vehementer errare, dum haereticos ad Catholicam reuertentes, absque nouo baptismo reciperet: & nihilominus maluit, non modo cum ipso Stephano, ab eo longe diuersa sentiente, & operante; sed etiam cum illis, quos impuros omnino censebat, communicare; ex eo tantum, quod illi a Stephano in communionem reciperentur; quam schismate Ecclesiam scindere. Et hoc S. Augustinus Donatistis exemplum ad imitandum proponit; proponit & nobis.

Imitemur itaque, Pater Beatissime, vosque Patres, fratresque & collegae sanctissimi, Cyprianum; Augustino obsequamur, ut ante omnia, schismata auferantur: Cyprianus enim, ut observat Augustinus; sanctis charitatis visceribus largissime praeditus in vnitate eis manendum putauit, qui diuersa sentirent. Sentiamus & nos inter nos diuersa, quousque plene definiantur, quae plene nondum sunt definita: sed interim tamen in vnitate maneamus. Nam etsi aliquid aliter sapitis, ut monet Apostolus,

& hoc vobis Deus reuelabit. Nolite maiora quam sunt schismata efficere: Cauete & vos, ne cum Stephano, excommunicationibus importunis, charitatem abruptere tentetis: ne huiusmodi, discrepationibus, vllum inter nos, quod praecebat sanctus Augustinus, malum schismatis oriatur. Pacem & charitatem omnibus Christi Ecclesiis, per essentialia fidei Symbola Christum profitentibus, restituite. Longe grauius in Ecclesia malum esse schisma, quam haeresim, pro certo habetote. Communionem vestram, saluis opinionibus, pulsas tamen falsitatibus, promptam omnibus exhibete. Veritatis disquisitionem, legitimis & consuetis Ecclesiae sanctae modis, libere faciendam, relinquit. Sic enim Christi gratia opitulante, qui se sincere querentibus denegare non solet, breui futurum spero, vt plena pax & concordia, adeoque necessaria sanctarum Ecclesiarum vnio, consequatur: vt idem sapiamus, & in eadem permaneamus regula. Accendamus inter nos faces, non odii, nec simultatum: sed Religioſae Catholicaeque instructionis: Lucerna pedibus nostris sit VERBUM DEI: Sanctorum antecessorum nostrorum, qui singulare in Ecclesia CHRISTI lumen fuerunt, premamus vestigia: Luce veritatis Euangelicae, absque firma obstinatione, tenebras errorum & falsitatum disiciamus: A nouitatibus, quae antiquam sanctae Ecclesiae doctrinam, & disciplinam, pene extinxerunt, recedamus, vt Ecclesia CHRISTI in terris vnica sit, concordiae perfectae glutine copulata: In qua omnes vnanimes, vno ore, honorificemus DEVM, & Patrem Domini nostri

IESV CHRISTI, Amen.

Venetius die XX. Septembris, MDCXVI.

VL

ACTA EXVSTIONIS
ANTICHRISTIANORVM
DECRETALIVM.



Nno dominici natalis viceſimo, vltra ſeſquimilleſimum, 10. die Decemb. Conuocata eſt affixis ſchedulis omnis ſcholaeſtica iuuentus VVitembergæ, fore vt decretales Antichriſtiani concremarentur in horam nonam. Id horæ agminatim eſt itum ad exuſtorium, quod poſt prochoſochum erat parandum. Atque ibi Magiſter quiſpiam haud incelebris rogum extruxit ac ſuccendit, impoſitis Antichriſtianiſ decretaliſ per eximium D. M. Lutherum, addita eſt & bulla papiſtica nuper exhibita quam Idem Martinus in ignem coniecit Hiſce verbis prolatis. Quia: inquit: tu conturbasti ſanctum domini Ideoque te conturbet ignis æternus. Quo ſacto rediit in urbem E. D. M. maxima tum doct̃orum tum Magiſtrorum adiorumque litterarum candidatorum caterua comitatus. Remaſerunt tamen aliquot ſtudentium centenarii ignem circumſiſtentes Alii voce ſublatiſſima cantantes Te Deum landamus. Alii exequias decretaliſ manibus celebrabant Sed quis poterit friuola hæc omnia recensere? His omnibus ſinitis Itum eſt ad prandium.

Acto prandia conducebatur plauſtrum iugale ruſticum, quod inſederunt candidati literarum perſonati, habitu plane ſcœnice, vel quo aduenas triuiales ſcholaeſticos beatio exuere & gymnaeſticis initiare ſolent. Eo habitu & auriga perſonatus impetuoſo ſremitu libratiſque iſtibus agebat equos Atque adeo vt vel omnium moueret cachinnum. In priore plauſtri parte

ledebant pueruli quattuor Iudaica voce præcinentes. Iuxta quos antesignanus Bullam prolixam quattuor cubitorum (quam x x. aureis e Rhoma cœmpram aiebant) peritæ longiori affixam, pro signo erigebat, quam ventus carbasi instar stridentem circumduxit. Stabat item eodem curru tubicen fictili crepans tuba oculoque omnium in se conuertebat. Dextra tubam tenens. Sinistra vero rhompheam bellicam gestans. In cuius mucrone indulgentialis bulla bis transfixa hærens dependente cærata classendice conspiciebatur. Vidimus & aliam bullam pendulis sigillis fuisse affixam sustolli. Erat quo Chartam densissimam bacillo a tergo pendulam ferebat. Quæ grandioribus notulis Hæc verba scripta erant: In honore Ordinis Prædicatorum. Sub pedibus autem infedentium iacebant ligna fissilia & virgarum fasciculi cremandi. Spectaculo huic pomeridiano non interfuit D. M. L. neque Philip. Melan. neque Carolstadius. Porro plaustrum apparabatur in Vestibulo ædium cuiusdam philosophiæ Magistri cui nomen Vah. hinc currus oneratus vestebatur in aream gymnasticam Atque audito classico crepitique tubali innumera multitudo confluebat. Collatis vndique libris & Papisticis & Eccianis item sophisticis ac vasi quod curru iniiciebant intrusis. Cursum quem caperant recta tenebant. Pape Deus quanta literatorum frequentia comparēbat certatim post currum nitentes. Vbique domorum e cunctis fenestris homines semiconspicui prominebant, aut capita fenestris exertabant, aut in foribus ædium suarum subsistebant, Admirantes sclopium Buccinalem ac sonum hebraicæ cantionis confusaneum & tantum subsequēntis turbæ tumultum nouitate infuetæ rei cuncti fauebant applaudebantque comitando vsque ad rogam. Ignis enim antemeridianus vires nondum amiserat, siquidem erant qui scandulare tectum domus cuiusdam siue officinæ latericiæ spoliātes in ignem scandulas sedulo suggerebant. Vbi Buccinator classicum cecinit conglomerantibus interim affectatoribus, relictoque plastro persona ista pyram cum vexillis

Bul-

Bullariis (eodem ritu quo fieri solet in dominicæ resurrectionis vigilia) ambibant, Partim audiebatur tritum illud canticum Te Deum Laudamus, partim o tu pauper Iudas, partimque requiem æternam ac si iusta perdendæ iam Bullæ celebrarent, & canticum quisque suum cœpit depromere. Interea Auriga suggestum illic paratum conscendit audientibus cunctis ac cachinantibus bullam interpretans recitabat. Atque post bullam librum legens Ochisofardicum non sine risu auditorum. Item Eccianum & alios nonnullos quos e vase depromebant Tandem tumulos ad Missam concremandorum fontium emendicans descendit de suggesto. & Bullas & libros cum vase ac vexillo coniecit in ignem Tum quidam aliis pyram prouentibus folia librorum cum fauillis surgebant in altum. Aliis hæc Papæ ad papastris missitari vociferantibus Aliis alia atque alia canentibus & cineri illudentibus Ac finitis illis Abierunt quisque domum suam.

Postridie eius diei Doct. Martinus quum psalterium praelegeret (qui tamen pomeridianæ exustioni non interfuit) pramonabat omnes auditores vt sibi cauerent a papisticis statutis. Parum esse hoc deflagrationis, ex re fore vt Papa quoque hoc est sedes papalis concremaretur Grauique supercilio affirmans. Nisi inquit toto corde dissentias a regno papali non potestis assequi vestrarum animarum salutem. Adeoque diuersum esse regnum papæ a regno Christi & vita Christiana vt tutius foret in eremo agendo nullum omnino videre hominem quam versari in regno isto Antichristiano. Caueat igitur sibi quisquis animæ suæ consultum velit ne Assentiendo papastris Christum neget, Ideoque aut hic aut vita futura pereundum esse cuique ad sacra hodiernæ ecclesiæ aspiranti, qui huic operationi erroris contradicere non audet. Sin autem contradixerit vitæ suæ dispendio fieri oportet. Ego autem inquit: in hoc sæculo periclitari malo quam tantum silentii rationem, quæ Deo est reddenda, conscientia meæ imponere. Ob id Rhomanæ furiam iam-

iam pridem dissentiens ex corde abominor istam Babilonicam pestem. > Atque hæc fratribus meis annuntiabo quam diu fuero. Si animarum tantæ perniciæ resistere non possim. Seruandi sunt tamen plerique nostrates, ne & ipsi ad inferos præcipitentur. Faciant alii quicquid velint tempus est vt resipiscamus. Hæc aliaque in eam sententiam multa, Lutherus inibi cum multa verborum luce & foelici patrii sermonis elegantia recensuit, quæ ego vtpote indoctus & elinguis imitari non possum. Vera tamen esse quæcumque dixerit nemo dubitat nisi trunco sit stupidiior cuiusmodi sunt papæstri ad vnum vsque. Atque palam est omnibus in Christo paruulis quorum palatum sophistica labe nondum est infectum, nec, magnificis huius seculi opinionibus delibatum, cunctisque innocentibus, Lutherum esse viventis Dei angelum, qui pæ abundas Christi oues pascit solo veritatis verbo, dormientibus illis qui pastoris nomen indigne sibi arrogent. Quantumvis montes seculi ac cedri Libani renitantur panticosi ambitiosique. Non possunt tamen Christi oues non agnoscere vocem domini sui per istum nuncium prolatam. Oues autem alieni pastoris hanc vocem non audiunt. Beati qui non offendentur ignobilitate hominis, seculi montes tangentis, qui non fumigare non possunt, quia eorum natura sese ita habet.

TILLOT.

VII.

SEPVLCHRI FACIES

M. T. CICERONIS PAVCIS ANTE ANNIS
IN ZACYNTHO INSVLA REPERTI

ET A

F. DESYDERIO LIGNAMINEO

PATAVINO

IN LVCEM EDITI.

VENETIIS,

IOAN. GRYPHIVS EXCVDEBAT,

M D LVII.

AD REVEREN. F. SIXTVM MEDICEN VENETVM,
THEOLOGVM EXIMIVM,

F. IORDANI BASSI VTINEN. HENDECASTLLABVM.

*N*on ultra voluit patris sepultos
Cœlari cineres, latina lingua.
Quos DESTDERIVS retexit alto
Solers consilio, fauensque Musis.
Qui tantum meret, ut videmus omnes,
Quantum soluere dix queamus omnes.

S

Scd

*Sed nihil pius hic requirit ultra,
 Quam iunisse bonos suo labore.
 Quem, te SIXTE patrem suum salutans,
 Prælo vult, dūc te, obsecratque tradi,
 Tūcque auspiciis videre lucem,
 Gratum iudicio periturum.*

Valo, & felix vine.

IOANNES MARIUS TIRABVSCVS, IN SEPVLCHRI
 CICERONIS REPERTI TESTIMONIUM.

*Q*uis caput, atque manus, secuit tibi maxime Tullio
 Nonimus. ignotum, qui regat ossa locus.
 Hunc, DESIDERIO debes, cui crede Zacynthum,
 Faeciles cineres oculuisse tuos.
 Urna reperta, oculis luctus profusus amicis;
 Antiqua, & facti littera testis adest.

F. DE.

F. DESYDERIVS LIGNAMINEVS PATAVINVS,
HIERONYMI FILIVS,

IOANNI BAPT. PRIVITELLIO COENETENSI,
VIRO DOCTISS. ET PRÆCEPT.
OPT. & P. D.

IN Zacyntho Insula Venetorum, quæ adiacet Epiro, in mari Ionio, Anno MDXLIIII. Kl. Decembr. apud Sacellum D. Mariæ Gratiolæ cognomento, non longe a litore maris positum, F. Angelus Apulus Minorita, dum construendi Monasterii fundamenta effoderet, sepulchrum antiquissimum reperiit, his literis inscriptum. M. TLLI. CICERO HAVE, ET, TV TEPTIA ANTONIA. Quod quidem ex hac vetusta inscriptione, ostenditur fuisse M. T. C. Arpinatis, cuius Romani. Quomodo autem eo Ciceronis reliquiæ delatæ sint, monumentumque hoc ipsa illi sit erectum, ut rem, ab ætate nostra remotissimam, haud facile dixerim. Satis tamen constat, ex Liviø, Appiano, & Plutarcho, quod cum Triumviri, Octavianus Cæsar, M. Antonio Ciceronem, quem patrem appellare solebat, Antonius vero, Cæsari, L. Cæsarem auunculum suum, & M. Lepidus, L. Paulum fratrem, viros Consulares, nefanda permutatione, necandos concessissent. Cicero ubi hæc vere audiuit, desperatis rebus, præsertim ex sua, filii, & fratris,

ac fratris filii, omnium denique necessariorum, & clientum, amicorumque proserptione, Vrbe, eò consilio abesse voluit, vt in Macedoniam ad M. Brutum traiceret. Primo igitur in Tusculanum fugit, inde transuersis itineribus in Formianum veniens, Caietæ, siue Asturæ nauem ingressus, Circeios vsque nauigauit. Ibi, propter ventos aduersos, maris tempestate deterritus, cum in terram descendisset, tadium tandem eum, & fugæ, & vitæ coepit. Regressus autem ad superiorem Villam, Moriar (inquit) in patria sæpe seruata. Tandem peruicerunt liberti, & serui, qui secum erant, vt iterum nauigaret. Cum igitur ipsum lectica impositum, ad mare referrent, adfuere satellites, cum Cn. Popylio Lænate, legionario milite, qui iussu M. Antonii, Ciceronem patrem patriæ, & patronum suum in parricidii iudicio, prominentem ex lectica, deposita eius mandato, præbentemque ceruicem immotam, capite, tribus feriens, secansque vulneribus, manibus quoque, præsertim dextra, qua Philippicas scripserat præcis, crudelissime obtruncauit, ante Christum natum Ann. XL. Etatis verò suæ LXIII. aut, sicuti Arelius Fuscus apud Senecam testatur, LXIII. Ciceronis deinde caput, & manus, Romam ad Antonium delatæ, aspexit diu summa lætitia exultans, & Fulvia eius vxor (Dionis historici testimonio, lib. XLVII.) Ciceronis caput manibus pertractans deturpauit, & conspuit, moxque super genua imponens, ex ipsius ore linguam extraxit, eamque acubus, quibus ad ornatum capitis utebatur, multis non sine contumeliis, totam pupugit, & perforauit. Vbi vero mulier nequissima, hac immanitate, & Antonius illo spectaculo per diem oblectatus, & satiatus est, iussit per contumeliam, caput inter duas manus, pro Rostris affigi, & Popylium ducentem satellitem coronauit, adornauitque ducentis, & quinquaginta drachmarum Atticarum millibus, hoc est, vt nunc subducunt, xxv. millibus aureorum. Reliquum vero corpus, quod,

&

& delatum, & a quibus sepulchro ornatum fuerit, nunquam legisse memini, nisi semel in quibusdam versibus, de morte Ciceronis, a Viris XII. scriptis, qui illum a L. Lamia, eius amicissimo humi traditum, memoriae prodidisse videntur, nulla tamen, apud quoscunque, qui de hac re scripserint, sepulturae loci, mentione facta. Quamobrem credideram liberos, & seruos, qui cum Cicerone erant, & quaei iussu domini passi fuerant, quod fors iniqua, & M. Antonii iniquitas, tulisset in eum, accepisse catilauer, & combussisse, & mox conscendentes nauim ad nauigandum paratam, cum cineribus ipsius, & forsitan vxore, & aliis propinquis, & amicis, ex timore bellorum Ciuiilium, Zacynthum Insulam, in ipso nauigationis cursu appulisse. Ibiq; a L. Lamia ipso, & ceteris qui aderant amicis, venerandos illos cineres, humi conditos fuisse. Deinde Marcum Ciceronis filium, quem Octavianus, vt se a traditione Ciceronis excusaret, Pontificem statim declararat, nec multo post Consul factus, sibi collegam delegerat, in memoriam patris, cum in Italiam rediret, (in Græciam enim fugerat post Ciceronis mortem, Appiani testimonio) monumentum hoc, pro ea copia, quæ Zacynthi erat, faciundum curasse. Siquidem, & in Macedonia, dignas inferias (antiquorum more) patri persoluerat, cum illi M. Brutus ad vindictam, necandum concessisset, C. Antonium, Triumviri fratrem, quem captivum habebat. In ipsius autem sepulchro, adiuventæ fuerunt Vrnulae duæ vitreae, in quibus tantum viri cineres, & amicorum lachrymae, (de more) seruabantur. Erant autem formæ, & magnitudinis effigiatæ, & expressæ ad vnguem, vt sequenti fol. cum facie ipsius sepulchri, videri licet. Quod non modo non a veritate ipsa alienum, sed etiam & erèdibile, & rationi consentaneum esse, hoc ipse vno argumento facile iudicari. In fundo enim maioris Vrnæ cinerum, in ambitu concaui, vitro erat inscriptum. AVE MAR. TVL. Quæ omnia, superiori anno, XVIII.

Cal. Maii cum ex Creta Venetorum Colonia, ubi decennium publice bonas literas docueram, in Italiam nauigarem, cum Hieronymo Bragadeno, Cydoniensium Rectore opt. & integerrimo, meis oculis inspexi, manibus attrectaui in sacrario antedicti templi, & descripsi. Cum autem Venetias applicuissem, atque inde Pat. H. L. Id. Maii. multorum doctissimorum viro- rum, in primisque Egnatii Veneti, Thomæ Tosarelli Vtinenfis, Marci Mantuzæ Benauidii Iurisc. Arnoldi Rholzi Medici, Bernardini Tomitani, Lazari Bonamici, & Ioannis Fascoli Pat- tauini, cohortatione deuictus, sub tuis auspiciis ad commu- nem Studiosorum vtilitatem, & gratiam, nunc primum aliquid oculi nactus, vt hæc in manus hominum mitterentur, curauit. Antiquissimam hanc igitur, Ciceronis memoriam, (præceptor opt. & omnium doctiss.) donec maiora tibi, & fortasse meliora parturimus, veluti præludium aliquod, perpetuæ meæ erga te obseruantiz, benigna fronte, hilari vultu, & læto animo acci- pias quæso. munusque non ex se ipso, sed ex animo meo me- tire, cum præsertim, *ὃ καλὸν αἰσινῶνται δοτὴν ἐν*, vt vulgò dici solet. Te autem Reueren. F. Io. Bapt. Lignamineus Pat. Theo- logus eximius, & mihi patruus opt. saluere iubet. Ego vero, & te, & suauissimos, probatissimosque filios tuos, Tar- quinium Iurisc. & Virginium summæ expectationis ado- lescentem, & saluere, & perpetuo felices esse volo. Vale meum, & tuorum decus, & hæc in eorum numerum recipias oro, qui te diligenter obseruant, & colunt

VENETIIS, ex celeberrimo DD. Ioannis, & Pauli Cœnobio, XI.

Kl. Febr. Anno a Salute mortalibus restituta,

MDCLVII. M. D. XLVII.

MDCLVII. M. D. XLVII.

MDCLVII. M. D. XLVII.

MDCLVII. M. D. XLVII.

MDCLVII. M. D. XLVII.

F. DE-

F. DESYDERIVS LIGNAMINEVS PATA-
VINVS,

HIERONTMO MERCATELLO VENETO, ECCLESIAE
PATAVINAE CANONICO, BENEFICENTISS.
PATRONO SVO, S. P. D.



VIA nonnulli, tuque in primis, (Hieronyme Viro-
rum opt. addo etiam doctiss.) admirati sunt, illud
HAVE, in sepulchro M. T. C. paucis ante annis a me
in lucem edito, statili litera inscriptum esse. Ecce nonnul-
las inscriptiones antiquissimas in medium adducam, ne id am-
biguum habeas, in frequenti idem esse antiquorum librorum,
& lapidum observatione, in quibus passim sic scribitur. Erat
olim in agro Patauino, lapis pulcherrimus, qui nunc visitur
prope Augustam Vindelicorum, cum hac inscriptione.
D. M. PORTITORI PLVTONI, ET PROSERP. HAVE
IVLIA C. F. MAXIMA FELIX. Quae latius videri licet
apud inscriptiones totius orbis, & Bernardinum Scardæonium,
religione, & doctrina virum eximium, de claris civibus Pata-
vinis. Non dissimiles etiam multis in locis, sic leguntur,
raro autem admodum aliter, ut in fundo maioris Vrbis cine-
rum Ciceronis, & Mediolani in Domo Ill. Io. Iacobi Triultii.
AVE ALCIMAE BENE TIBI SIT. Harum vero: inscrip-
tionum, HAVE, exempla quaedam, misit olim Marcellus
Cervinus superiori anno Pont. Max. sed inmaturo Fato nobis
ereptus,

ereptus, ad Petrum Victorium, de re literaria pulchre meritum, & hæc sunt. MACEDO HAVE, BENE VALEAS. Quæ inscriptio visitur Romæ duobus in locis, vt habent Epigrammata antiquæ vrbis. In domo quoque Marii Odi IPHIGENIA SVAVIS HAVE. In horto etiam Iulii Tomarotii viri clarissimi, Longolii testimonio. HAVE HTGIA ANIMA DVLCISSIMA, SIT TIBI TERRA LEVIS. Est præterea pulcherrimis literis ita scriptus lapis Pisis, vbi Cosmus Med. Florentiæ Dux II. florentissimum Gymnasium instauravit. PARTHENI HAVE. BENE BALEAS. Apud Ostiam iridem, IVLIA SP. F. THAIDI, HAVE THAIS, DII TIBI BENEFACIANT. Nec Salerni aliter inspicitur, FLAVIA CLAMERA DVLCISSIMA HAVE. Nihil igitur dubitandum, tot iam locupletissimis testimoniis in medium adductis, quin hæc verâ sit Orthographia, HAVE, ab antiquis recepta, & observata. quam etiam Georgius Fabricius Chemnicensis retinuit, dum huius sepulchri a me in lucem æditi mentionem fecit in sua ROMA, de locis Sepulchrorum Cap. xx. Quod vero a me petis, quæ nam fuerit Tertia illa Antonia, de qua fit mentio in Sepulchro Ciceronis, Id mihi (vt verum fatear) adhuc non satis constat. Quam obrem autem Tertia, cognomine dicta sit, facile quivis perspicere potest. Sic Romulus, (auctore Plutarcho) cum ex Ersilia filiâ vnâ suscepisset, eam ab ordine præcreationis, Primam appellavit. Tertia igitur erit cognomen. (Quamvis non ignorem, plerosque prænomen magis esse opinari) sicut & Prima, & Secunda, & Quarta, & Quinta. quod ipsas sorores eodem patre genitas, & nomine gentilicio, sicuti mos erat dictas, distingueret. Exempli causa. Antonia si tres fuissent sorores, Prima, Secunda, Tertia, cognominibus distinguebantur, si duæ tantum, Maior, & Minor apponi solebat. Et me in hanc sententiam trahunt antiquorum lapidum inscriptiones Patauinae, vt alias, quæ passim variis in locis leguntur, præ-

prætermittam. Quas vt tibi morem geram, & Patriæ faciam
 stas, oculis tuis subiiciam. In Hortis Vincentii Scardæonii
 Pat. Medici, hoc epitaphium inuifitur, vbi Primæ mentio fit.
 C. POMPEIVS C. L. LEPIDVS SIBI, ET POMPEIAE.
 C. L. PRIMAE TESTAMENTO FIERI IVSSIT. In agro
 Pat. Itidem, in vico Aponi celeberrimo, C. ATILIA C. F.
 PRIMA. SIBI, ET Q. SICINIO VIRO SVO., V. F. In
 peruetusto etiam templo D. Io. Bapt. a Nauibus, Secundæ
 exemplum habetur. CIPIA P. F. SECVNDA FIEREI IVS-
 SIT. Exemplum Tertiæ habes in hoc sepulchro Ciceronis, &
 in monasterio Carcerum, non longe a municipio Ateste.
 Q. CARTILIVS Q. F. ET LVXONIA, T. F. TERTIA.
 De quarta extat epitaphium T. Liuii in antiquiff. lapide in-
 scriptum, quod ab æde D. Iustinæ translaturum, Ciues Patauini, in
 Prætorio amplissimo paucis ante annis, ponendum curarunt.
 T. LIVIVS, LIVIAE, T. F. QVARTAE: L. HALTS CON-
 CORDIALIS, PATAVI SIBI, ET SVIS OMNIBVS. Quin-
tæ vero mentio est Pat. in quodam lapide confraçto, C. FILI-
 CINVS SIBI VIVOS FECIT, ET C. ENNIO C. L. ANTIO
 PATRI ET VETTIAE PRISCAE MATRI. C. FIL.
 QVINCTAE. In meæ Sententiæ cumulum, id quoque de
 maribus ab antiquis obseruari, præclaro epitaphii testimonio,
 addiderim. quod olim repertum in D. Iustinæ ingressu, nunc
 inuifitur apud Alexandrum Bassianum Pat. politicissimæ eruditio-
 nis virum, cuius domus, rerum antiquarum officina merito
 dici potest. Id autem est huiusmodi. C. SEMPRONIVS Q. F.
 PRIMVS, VIVOS F. SIBI ET VXORI CLODIAE SE-
 CVNDAE ET Q. SEMPRONIO TERTIO FRATRI SVO.
 Si quid melius fenserint, aut excogitarint doctiores, & dili-
 gentiores viri, ex librorum antiquorum lectione, id omne illis,
 condonandum posteris, relinquo. Tibi vero hæc pauca de mul-
 tis (vir opt.) potissimum inscribo, quoniam te semper antiqui-
 tatis

tatis omnis, amantissimum cognoui. Id etiam eo libentius facio, quo tibi de maximis tuis erga me beneficiis, gratiam saltem aliquam referre videar. Autoritas enim tua, & testimonium quantam mihi apud Reuerendos Canonicos Patavinos existimationem fecerit, exploratissimum constat, siquidem tibi vni acceptum refero, quod me literarum interpretem, ad vestrae Ecclesiae iuventutem instituendam delegerint, Kl. Maii, M.D. XLVII. Quapropter nunc fateor, & quoad vixerim simul cum meis omnibus, me tibi semper obnoxium esse, fateri cogor, & volo aliquando huius meae erga te obseruantiae, monumentum aliquod, si modo tantum ingenio praestitisse valeam, posteritati commendare. Interim has vigilias nostras, (qualescunque sint) eo animo accipias, quo me semper erga te, & familiam tuam obseruantissimum, ac uotis tuis deditissimum noris, & Bernardinum fratrem opt. meo, & F. Leonardi Altauillae, nomine salutabis, cuius dolor, ex immatura morte Bartholomaei vnici eius filii, & nepotis tui suauiss. nos, (ita viuam) & amicos omnes, vehementer excruciat. sed quod durum, quod ineluctabile est, patientia leuius fiat. Vale, ac me (vt facis) humanitate illa tua singulari, complectere.

PATAVII, ex Muzo nostro, D. Augustini, Sept. Idus Maii,
Anno Christi, M. D. LVI.

IN M. T. CICERONIS CINERES REPERTOS,

ALEXANDRI MAMIANI FERRARIJ.

*E*N Marci Tulli cinerum venerabilis urna;
Inuida quam longo tempore texit humus.
Hic picta est, alta qualem iacuisse Zacyntho
Fert DESTDERII lingua diserta mei.
O cineres, sanctos cineres, cineresque beatos,
Quos ego diuinum numen habere puto.
Queis tantum Latia debet facundia lingua,
Quantum oratori Gracia docta suo.
Per vos Romanum eloquium sic splendet, ut ardens
Aetherio clari solis ab axe iubar.
Vos igitur merito supplex, & pronus adoro,
Atque, diu illesos ut tegat urna, precor.

EIVSDEM.

Cur cineres latuere pii tot secula? nemo
Dignus adhuc, illos qui referaret, erat.
At DESTDERIO, cuius micat inchoyta virtus,
Hac licuit sacra busta aperire manu.

IN EOSDEM,
LVCAE CAMPANIL.

*Eloquii princeps Romani Tullius, ipsum
 Eloquium uiuens uexerat astra super.
 Occiderat pereunte illo facundia lingua,
 Et balbo Latium coeperat ore loqui.
 Hinc iacuit multis dicendi copia seclis,
 Praclari cineres dum iacuerere viri.
 At nunc pulueribus, gaudent noua secla reportis,
 Et reparat vires lingua Latina suas.*

EIVSDEM.

*Scis quia tam longo Ciceronis condita seculo
 Offa, rogam, cineres alta Zacynthos habet?
 Non desiderio quisquam percussus, in oras
 Optarat superas luminis illa debi.
 Hoc igitur desiderium fecisse putandum est?
 Est DESTDERIO gratia habenda igitur.*

EXCVDEBAT
 PETRVS FICKELSCHERR.

